



















522  
A642g  
1533  
Rare  
Boogo


+ BC Job Gallway




15.962

6/150











Jan 1888

Quarterly  
Photograph




up front 13.



Ernst Baader senior  
1865

Wien.  
Humboldt.





# Instrument Buch durch Petrum Apianum erst von new beschriben.

Zum Ersten ist darinne begriffen ein newer Quadrant / dardurch Tag vnd Nacht / bey der Sonnen / Mon / vnd andern Planeten / auch durch ettliche Gestirn / die Stunden / vnd ander nuzung / gefunden werden.


Zum Andern / wie man die höch der Thilrn / vnd anderer gebew / des gleichen die weys / brayt / vnd tieffe durch die Spiegel vnd Instrument / messen soll.

Zum Dritten / wie man das wasser absehen oder abwegen soll / ob man das in ein Schloß oder Statt führen möge / vnd wie man die Brünne suchen soll.

Zum Vierden / sendt drey Instrument / die mögen in der ganzen welt bey Tag vnd bey Nacht gebraucht werden: vnd haben gar vil vnd in ansehay brüche / vnd alle geschlecht der Stunden / bezalten alle zu gleich ire Lateinische namen.

Zum Fünfften / wie man künstlich durch die Finger der Hände die Stund in der Nacht / on alle Instrument erkennen soll.

Zum Sechsten / ist darinn ein newer Meßstab / des gleichen man vndet dem Jacobs stab / dardurch auch die höch / brayt / weyt / vnd tieffe / auff newe art gefunden wirt.





INSIGNIA IOANNIS GVLIELMI  
à Loubemberg, Do. Arcis Wagegg ꝛc.

Quam bene sortiti sint convenientia rebus  
Arma uiri uetres, hinc dedit se lect.  
Exornant galeæ Cygni suprema canori  
Pennis, hinc Musarum significatur amor



Populus est fluminis decori quoq; uiribus albae  
Hic Heliconiadum est, Aonidumq; choros.  
Sed quia Musarum fragilis, q; in firma catena est  
Numina ob id galeæ sacra teguntur ope.





Dem Edlen / Gestrengen / Herrn Hanns  
Wilhelm von Loubemberg / zu Wagegg / Phandt-  
herr der Herrschafft Hohenegg / seinem gebietenden  
lieben Herren / wünsch / vnnnd Empfehl ich Petrus  
Alpius von Leyßnig / der Mathematischen Kün-  
ste / in der löblichen Hohenschul zu Ingolstat Dr.  
Dnarius / Heyl vnd Seyligkait.



An sagt / vnd ist war / das die / so leben auff Erden / wol bequemlich  
vnd seliglich mit einander hie die zeit verzern möchten / wann sie samentlich danck-  
bar wären / vnd yetlicher ingedechtig vnd vergelter stätlich / was er von ein andern em-  
pfangen het. Wan danckbarkeit / nit allein ist der größten aine vnder andern tugenden /  
sonder ja ein mutter aller : wann da von als von einem Brunnenn entspringen alle andre  
tugendt. Also nent man sie Ererbietung / zucht / vnd forcht / so ein Kind eines gütten wil-  
lens gegen vatter vnd mutter ist. Der gleichen Bürger so in einer Statt findt / die sich  
zu krieg vnd fryde danckbarlich gegen irem vatterlandt halten / hayst man frumb. Also  
werden die für Gottsfürcht beschrien / die da Gott vor augen haben / vnnnd das jenig  
thuen / so sich gebüert. Vnd in Summa / dise tugent ist so groß vnd weyteuffig ( so man  
sie betracht vnd recht erwigt ) das mich bedungft / sie verfaß in jr die tugenden in gemain-  
ail : wann an sie mag auff Erden nichts beschehen : niemands mag dem andern güts  
thun / so dise tugent kein stat hat. Auch welhe reichthumb / ob sie schon so groß wären /  
als man sagt der Cresus gehabt oder Mydas / mügen bestandt haben / on gütten fride vnd  
der seut huff. Vnd so mans bey dem liecht besiecht / stehet als vnser leben in diser tugent /  
auch vnser handel / vnd alles thuen / kan kein stat haben / on hylff vnd vnderhaltung diser.  
Derhalben wol betracht bey den walten / fürsichtigen / vnd hochuerstendigen ist worden /  
das der ( so einem etwas güts gethan / vnd doch nicht erkandt wirdt vnd widergoltten )  
möcht eine freye sacht für recht zenemen haben / nemlich betrachtenden / das on dise Edle  
tugend die menschen beyeinander nit mochten leben / vil weniger zu hoffen ein besserung  
der gemainen regirung. Vnnnd des haben wir vil Exempel der alten / die mir pczumal  
herfür zubringen nit von nöten sein wollen / sonder die zu sparen auff ein bequemlichere  
zeit / vnd Ewer Streng vnd Best die zu lesen besser weyl haben. Aber das habe ich  
darum gesagt / nemlich das ich / ( so vil an mir ist / vnd Gott mir vernunft verlihen  
hat ) alzeit geflossen danckbar erfunden werde. Vnnnd wie wol auff dise zeit vor em-  
pfangne gütth / danckbarkeit Ewer Strenge reichlich zu beweysen mir nit möglich ist :  
aber mit gütwilligkeit zu erzangen / auch mit herrlicher begierde zu vergleichen alzeit er-  
zaigt / so vil mir möglich gewesen / vnnnd das so ich auff diser erden lebe thun wil. Die  
weyl aber / wies sprichwort laufft / ein mensch des andern Gott ist / vnd also genendt wirt  
von den gelerten / vnd ainer dem / vil mer dann dem andern genaigt / etwo der Gestirn  
lauffs halben / etwo der syten vergleichung halben / etwo andere vsachen / vnd also mer  
gütth it zu beweysen genaygt : wie wir dann durch tägliche erfahrung ynnen werden.

Vnd auff das ich andere weyteuffige Exempel vnderlaß / vnd in der nahende bleibe /  
bezeugt mir daher gar süglich Ewer Edel vnd Gestreng / da von mir dermassen solhe  
gütwilligkeit / auch mit dem werck / bewisen ist worden / das ich in andere weg nicht er-  
statten mag oder kan : betracht ich der massen mein gemüt zu erzangen / solhe wolthae  
bey mir vnuergeffen. Damit ich dem offgedachten in der schrifft laster / der vndanck-



harkait nicht vnderwörslich gemacht / sonder dem empffliehen mög / habe ich also dise zeyt  
etliche newe Astronomische Instrument im Latein außgehen lassen / welche ich pekunder  
an vil ortten gebessert / vnd gemert / vnd ins Teutsch gebrach / wie dann in disem büch  
augenscheynlich verhanden ist. Vnnd die weyl ich das selbige mit on sonderlichen nutz der  
gelernten / durch grossen vleyß in den Druck gebracht / sonder auch den liebhabern der Ma-  
thematischen künste / so das Latein nicht verstehen / der da vil sint. Dann als ich gespözt  
habe / o si adt mir subtiler vnd spiszündiger köpffe in diser kunst bey den Layen / dann bey  
den schrifftgelernten / wann sie allein der anfang / darauff dise kunst gegründet wirt / nicht  
beraubt wären. Die weyl aber dise kunst on grosse vmbschwayß in die Teutsche sprach  
mit wol mag gebracht werden / wie dann Ewer Edel vnd Gstreng wol zu crmessen ha-  
ben / auch wie schwer vnd vngemäß der Teütschen sprach sie sey / habe ich vnderweylen  
etliche wörter / wie sie im latein gebraucht werden müssen bleyben lassen. Damit aber dis  
mein Instrumentbüch einen beschirmer vor nachrede überkomme / Ich auch meinen ge-  
nangten willen so ich zu Ewer Edel Streng trag / vmb der gütthar willen / so mir E / S /  
bewisen hat erzaygen möchte / Habe ich bey mir beschlossen / vnnd dieses werck zwayer  
ursach halb Ewer Streng zugeschriben / vnd in Ewer Streng namen lassen außgehen.

Ertlich das ich damit wil angezagt haben meinen genangten willen / so ich zu Ewer  
Streng trage. Zum andern / die weyl der brauch ist bey den alten / das sie die newen  
bücher / oder künste / so erst von new erdacht / vnnd an Tag sollen geben werden / das sie  
der oder den selbigen einen Herrn vnd beschützer süchen / der darzu sonderliche liebe trag /  
vnd die selbige verstehe. Die weyl nun Ewer Strenge (als vil ich dann erkendt vnd  
erfarn hab) aller künste / auch in sonder der Mathematic / ein liebhaber ist / wil ich dis mein  
werck / darinn vil uerwer künste begriffen sinde / Ewer Streng zugeschriben haben / als  
einem Herrn der es verstehet / vnd waiß was die Mathematica in sich habe. Damit ob  
etlich wären / die sich darwider auff laynen wurden / villeicht auß neyd oder vnwissens-  
hait / die dann allweg freuentlich seyn / vnd in solhen sachen / die sie nit verstehen truglich  
vtaylen : welle Ewer Edel vnnd Streng dis mein werck handthaben : vnnd so verr es  
Ewer Strenge für güt vnd nützlich ansieht / mit allem ernst beschirmen : alsdann werde  
ich weyter geursacht / noch vil gütter künste / in den Astronomischen Instrumenten an  
Tag zu geben / sonderlich neben andern gütten künsten / hab ich mir ein büch fürgenom-  
men / an Tag zu geben / darinn die Sonnen vñ / auß rechtem grunde / on alle Ins-  
strument / auff einer heyllichen fläch / auff den mawren vnd sonst / mögen gemacht vnnd  
gezogen werden : darzu ich am maysten geursacht byn / die weyl ich noch bißher bey kei-  
nem Instrumentario einen rechten grunde gesehen noch erfarn hab / die stund vom Auf-  
gang vnd nydergang / des gleichen die Planetenstund / ein zu ziehen. Wie wol das an im  
selbs ein schlechte kunst ist : die weyls aber so gar bey menigklich verborgen / habe ich mein  
fürnemen dahyn gestellt / das ich ein büch von manicherlay Instrumenten vnd Sonnen  
vñ an Tag geben wil / darinn ich claren verstande / vnd in manicherlay wege / anzay-  
gen wil : Dann mich bedungzt / wie auch das sprichwort laut / Ich sey nit mir allein ge-  
born / sonder auch denen / so neben vnd nach mir sindt. Damit aber mein fürnemen  
bestande habe / bit ich E. S. / vnnd wie E. S. allweg gethon hat / welle dis werck / mit  
freundlichem willen vnd frölichem gemüet annemen / so wirt ich beherzt / meinem für-  
nemen nach zukommen / das wil ich sonder zweyfel vmb Ewer Edel Streng allzeit  
mit meinem genangten willen zu verdienen beflissen sein. Thü mich Ewer Edel Streng  
damit beuelhen. Geben zu Inaolstat am 22. Tag Augusti / im Jar so man zelt von  
der gebürt vnnsers Erlösers / M. D. XXXIII.



# Das Erst Tayl dieses Buchs


Ist anhangen ein yetlich / stugk / lini vnd circel /  
so in diesem Ersten Instrument (ein Quadrant genandt)  
begriffen ist. was sie bedeuten vnd wie derselbig Quadrant zu dem brauch  
züberaytt werden soll.

## Das Erst Capittel von zertaylung des Quadrantens.

**A**lsenglich / nim ich für mich den Quadranten / das ist ein Instrument beschliessend den vierden tayl eines Circels / Derselbig hat zway tayl / Das ain vnnnd das Erst / hayst das fordertayl / oder das angesicht / darinne zum Ersten die höch der Sonn Planeten / vnnnd aller anderer gestirn / des gleichen alle andere breüch gesucht werden. Das andertayl des Quadrantens / wirdt genandt / der Rucken / oder das hyndertail / wie hernach an seiner stat figürlich angezaygt ist. Damit man aber einen leichtern verstand nemen mög / hab ich vierlay Quadranten hernach gesetzt / die sint gemacht auff vier Polushöch / Nemblich auff 42. grad / 45. grad / 48. grad / vnd 51. Vnnnd ein yetlicher soll vnd mag gebraucht werden auff zwo Polushöch ainen grad weniger vnnnd den andern mer / on merckliche irrung / Also / der Quadrant auff 42. grad mag auch gebraucht werden in der Polushöch 41. grad vnd 43. Der ander der gesetzt ist auff 45. grad / mag man wol brauchen auff 44. vnd 46. grad. Der drit der auff ober Deutsche Landt (do der Polus am allermaysten 48. grad hoch ist) soll auch breüchlich sein im 47. grad vnd 49. Der Vierde vnd lezt / der auff 51. grad gemacht ist / als / auff Meyssen / Sachsen / Düringen / Schlesi etc. mag auch gebraucht werden in den gegen den do der Polus erhöcht ist 50. grad / als / in Beham / Fräncken / Boyelandt / Merhern / Poln etc. vnd auch auff 52. grad / als / Dennmargk etc. weytter hab ich sie nicht setzen wollen / diweyl dise meine Deutsche sprach / als in Schotten / Engelandt / Pomern / Norwegen / Schweden etc. nit verstanden wirdt / Sonder wil den selben völkern die Composition / wie sie die selber zürichten sollen / in dem Lateynischen Büch von den Schatten genügsamlich anzaigen. Auch ob schon in diesem büch kein Quadrant über 52. grad gesetzt noch fürgemacht ist / sollen sich dennoch die selbigen völeker dieses büchleins nit gar entschlahen / daß sie nachuolgend auch andere Instrument haben / die auff die ganze welt gerecht sindt / das ist / in aller vnd yetlicher Nation zubrauchen nützlich / das wirdt ein yetlicher Leser nachuolgend besser vnderrichtet werden. Ob aber einer in seiner Stat / wonung oder flegken do Er den Quadranten brauchen wil / zweyfelt an der Polushöch / vnd nit wach welhen Er vnder disen Quadranten fürsich nemen vnnnd brauchen soll / Der soll fürsich nemen die Landtaffel / die nachuolgend im anfang des andern Tayls dieses büchs (da ich von dem brauch sage dieses Quadranten) gesetzt ist / darinne vil namhafte Landt / Stet / vnd flegken gesetzt werden / mitsambt irer Polushöch. Ob aber ainer dieselbige Taffel allzeyt beyhendig nicht het / so wirdt Er doch bald nachuolgend im Büch ein Capittel finden / darinn er von im selber lernen wirdt die Polushöch zuerkennen. Nun volgen hernach die vier Quadranten / wie ich sie inn druck / verordnet hab.




Das ist die Figur oder gestalt des fordern  
 tanls / welches genandt wirdt das Angesicht  
 des Quadrantens / vnnnd ist gestellt auff  
 41. 42. 43. grad der Polushöch.






Disz ist der Ander Quadrant / den mag man  
brauchen zu Venedig / vnd in Frankreich / auch inn der  
prouinz vnd Langedock / desz gleichen in halb Hy-  
spama was in der mitt gelegen ist / do sich der Polus er-  
höcht auff 44. 45. vnd 46. grad.







Der Vierdt Quadrant/ ist gemacht auff Meyssen/ Düringen/ Hessen/ Schlesi/ Sachsen/ Pomern vnd Preußen/ Holandt/ Brabant/ Flandern/ Englandt/ vnd was am Rutarischen Meer gelegen ist/ wirdt auch gebrauchet in Beham halben tayl gegen mitternacht. Die andern Landt vndt Siert findest du in der Landtaffel/ bald im anfang des Andern tayls/ vnnndt ist gestellt auff 50/ 51/ vnd 52 Grad.





**Das Ander Capittel/vonn der auß-  
legung des Ersten Cirkels/ vnd etlichen li-  
nien/so darinne begriffen sindt.**

**I**n diesem Andern Capitel/will ich dich lernen/wie du die linien  
oder riß/ vnd büchstaben/ so in diesem fordern tayl des Quadranten begriffen  
sint/ von einem zu dem andern erelären. Diser Quadrant hat drey Eck  
oder spiz/vnnd bey yedlichem steht ein Büchstab/ ain E/ steht bey dem  
Centro/ das ist der mittel punct des ganzen Cirkels/ darauß der Quadrant geschnitten  
ist. Dann ain Quadrant (wie ich vormals auch angezeigt habe) ist der vierde tayl eines  
Cirkels. Darnach vnden bey dem vmbkraiß/ gegen der linken handt/ steht ein G.  
Vnnd bey der rechten handt/ v. rstehe auch am ende des vmbkraiß/ steht ein F. Vnnd  
von dem G zu dem F sint etliche zyffer von 5 zu 5 biß auff 90/ bedeuten die grad/ so zu  
ne. h. darüber außgetaylt sindt. Die selbige grad werden genendt Grad der höhe/ oder  
höch der gestirn über den Horizonten. Dife grad sein allein in dem angesicht des Qua-  
dranten/ wäher auff 47/48/ vnd 49/ grad gemacht ist. Aber die angesicht der an-  
dern Quadranten/ so auff etlich vnd ander Polushöch gemacht sint/ haben nicht diese  
grad im ersten v. and euffersten Cirkel/ wie diser Quadrant/ sonder sie haben lange v. vnd  
krumme oder gebogene lini/ welche durch den Cirkelriß F/ G in der mitte getaylt werden:  
vnd ein yedliche der selben krummen lini in dem Cirkel F/ G/ bedeüt einen Grad: v. vnd  
bedeüt vnd thut als vil als die grad im Limbo des Quadrantens/ der auff 48 grad ge-  
macht ist. Dife kurze vnd zwerchlini bedeuten auch die grad des ganzen Zodiacs/ dar-  
inne der Cirkelriß F/ G der Sonnen weg oder Ecliptica bedeuten ist. Auch stehen bey  
dem F etliche zyffer von 1 biß auff 8/ zu beden seytten/ darneben auch zwir 8 grad/  
schwarz v. vnd weys ainer v. den andern anßgetaylt/ die selbige bedeuten die Grad der  
brant des Zodiacs oder Thierkraiß/ mittäglich v. vnd mittnächtslich/ nach dem dann dar  
die beygesetzten wörtlein MERIDIONALIS vnd SEPTENTRIONALIS  
anzeigen. Das wörtlein MERIDIONALIS/bedeüt das die grad darneben von  
der Ecliptica (das ist der Sonnen weg) gegen Mittag gezelt werden. Aber das wört-  
lein SEPTENTRIONALIS/bedeüt das seine Grad die brant des Zodiacs oder  
Thierkraiß/ von der Ecliptica gegen mitternacht genommen werden. Wie aber v. vnd  
in waser gestalt der Cirkel F/ G den ganzen Zodiac bedeuten ist/ die weyl er nicht mehr  
dann 90 grad in im hat/ wirst du nachuolgend im Andern tayl dieses Büchs genüßsam  
verstehen/ so du allein die ansetzung der beygesetzten Character wol betrachtest.

**Das Dritt Cap. Von der Scala Altis-  
metra/das ist ein Cirkel/ dardurch man mißt/  
die höch eines Thurns/ auch die went v. vnd  
brant der gebew vnd anderer ding so  
du dir zu messen fürnimbst.**



**S**cala Altimetra / ist zu Teütsch die Messlantter / wirt in mancherley gestalt gemacht in einem Instrument anders daun in dem andern. Sie mag geuierdt / das ist viereckel gemacht werden / oder sechß eckelt. Aber in disem Quadranten habe ich sie nach dem Cirkel gemacht / vnd ist gleich vil / als wär sie viereckel. Du siehest das über dem Cirkel F / G ist ein Cirkel mit namen H / I / von beden seitten / das ist vom H vnnnd vom I / biß auff die mitte in 100. tapl getaplt / vnd stehen die zyffer oder zal dabey von 5 zu 5 biß auff 100. Werck auch mit vleyß auff die wörlein / VMBRA RECTA vnd VMBRA VERSA / die dabey stehen. Dañ Vmbra recta heist zu Teütsch / der Rechte schat / das ist / so ein thurn oder ein ander gebew / einen kurgern schaten hat / dann das selber hoch ist. Des gleichen solt du auch verstehen / wann einer so nahendt bey dem Thurn stehet / vnnnd den Thurn stehet / vnnnd den Thurn abmessen wil / so der faden felt auff die punct Vmbra rectae / das ist / auff den Rechten oder kurgern schatten / so ist der Thurn höher dann die weyitten ist des Thurns von deinem fuß : darumb wirdt ich nicht vnbillich nachuolgendt / durch das ganze buch / die puncta Vmbra rectae / nennen punct des kurgern schattens / oder des Rechten schattens. Die werden in diesen Quadranten von dem Punct H / biß auff die mitte gezelt / vnnnd enden sich auff der zal 100. Aber von dem I herwiderumb biß auff die 100 punct / werden die punct mit irer zal genendt / puncta Vmbra versae das seind vmbferte punct / Als / wann du weyter von einem Thurn stehest dann der Thurn hoch ist / so felt dir der faden ( so du durch die löchlein den Thurn absiechst ) auff die selbigen punct : vnnnd so die Sonn oder der Mon durch die löchlein scheynt / felt auch der faden auff diese punct / vnnnd der schat des thurns ist lenger dann der Thurn hoch ist. Darumb nachuolgend wil ichs nennen punct des Langen schattens : wie wol es möcht einen frembd geduncken / die weyl sie dise zwen namen vormals nit gehabt haben. Aber meins bedunckens hab ich ine die rechte natürliche namen auffgelegt im Teütschen : wiewol im Latein gar ein andere maynung darinn verstanden wirdt.

### Das Vierdt Capitel / Von den Sternen / dardurch man die Stunden zu Nacht finden mag / wie du sie in disem Quadranten erkennen solt.

**I**ch habe dir zwayerley Quadranten fürgemacht / verstehe mit dem limbo / das ist mit den vndersten vnd größten Cirkeln. Dañ du siehest das ein limbus nit ain gestalt hat als der ander : dañ der Quadrant auff 47 48 / vnd 49 grad / hat etlich Stern im limbo / vnnnd die andern drey Quadranten haben die selben stern neben vnd bey der 12 stund. Das ist allein auß der ursach geschehen / das du nit gedencen möchtest als kündt man ein Quadranten auff kein andre form machen. Das ich aber in den dreyen Quadranten / im Ersten / Andern vnd Vierdten / ganz vnd gar ein andre gestalt / in den vndersten Cirkeln gebraucht habe / ist die notturfft ein ursach. Dann es möcht einer der nachtstund / durch den Mon oder Planeten so gar auffß klainst minütlein wölln nachkommen / das möcht er durch den Quadranten auff 48 grad gestellt nicht überkommen / wie wol die ir ganz klain ist / vnd sich auch selten begibt / das der Mon oder ein Planet bey dem anfang des Widers oder Wag



so weyt von der Ecliptica stehet. Damit aber kein abgang in den Instrumenten erfunden  
 werde / habe ich die drey Quadranten mit einem besondern Zodiac vnden gezirt / als du  
 nachuolgend wol vernemen wirst. Diweyl mein fürnehmen ist / die Sternlein anzu-  
 zeigen / solt du wissen das ich inn disen Instrumenten 16 Stern gebraucht habe / Die  
 finde von der Ersten vnd andern groß: der ersten groß / nenne ich die größten vnd liech-  
 testen stern: die von der andern groß sein etwas klainer am licht / vnd werden vergleiche  
 den Sternen des Herwagens / vnd dem Meerstern / der Polus genendt wirt. Dife two  
 vnterschied habe ich also angezaigt / das etliche Sternlein in der mitt ein weys pünctlein  
 haben / das sint die von der ersten groß: vnder den selbigen ist ainer / dabey stehet der ziffer  
 1. der hat mer spiglein vmb sich dann die andern: das hab ich darumb gethan / vnd das  
 mit anzeigen wollen / das der selbig Stern / der durch disen bedeut wirt / der aller lich-  
 test am hymel ist / vnd wirt genendt der Groß Hundt / dauon auch die Hundstäg ires  
 namen vrsach nemen. Die andern Stern die kein weys pünctlein in der mitt haben sein  
 von der andern groß. Allein die Pleyades / die man sonst das Sibengestirn nendt / finde  
 von der fünfften vnd sechsten groß / die hab ich durch drey klaine sternlein angezaigt.  
 Wiewol noch etlich allhie finde vonn der dritten groß / als die Schlang / des Scorpen  
 hertz / der Bauch des Walfisch / aber ich hab sie nit on vrsach bey den andern in der form  
 vnd gestalt bleyben lassen. Vnd dife Stern haben bey jnen ire zal / von 1 bis auff 16 /  
 Die selbige zal habe ich darumb daneben gesetzt / damit man ire namen dardurch suchen  
 vnd erkennen möge. Dann es möchte nicht wol sein / das man allemal die namen zu den  
 Sternen setzet / die weyl die Quadranten / oder andere Instrument zu zeiten sehr klain  
 sint. Das ich aber in den dreyen Quadranten die Stern neben der 12 Stund gesetzt  
 habe / ist geschehen auß der vrsach / die weyl der Zodiac oder Thierkrayß vnden so vil stat  
 einnimbt. Es ist eben ain ding / es stehen die stern vnden oder oben / oder neben der 12  
 stund. Dann es gehet auß dem grunde ( wie du auß der Composition ain mal auch sehen  
 wirst ) wann der Stern auff die 12 Stund zum ersten gesetzt wirt / vnd wann du auß  
 dem Centro E ein gerade lini durch den Stern zeuchst / als langt der Quadrant ist: wo  
 der Stern auff der selbigen lini stehet / so ist allenthalben ain ding vnd gerecht.

Es wär auch gleich so vil / wann ein Stern auff die zweiffte stund gesetzt ist / vnd du  
 einen Cirkel mit einem fass in das Centrum E sehest / vnd den andern fass außstreckest /  
 bis auff den Stern / vnd darnach mit dem selbigen außgestreckten fass einen Cirkelriß  
 machest über den ganken Quadranten: wo du auff den selbigen Cirkelriß / es sey in dem  
 Quadranten wo es well / oder darneben auff der seipten einen Stern sehest / der selbige ist  
 vnd stehet gleich als reecht / als wann Er auff seiner stat stehet in der zwelfften stund.

Solche veränderung wirt in vil dingen gebraucht / in dem vnd andern Instrumenten  
 wie du in den Büchern / so ich De vmbriß / das ist von den schatten geschriben hab / sehen  
 wirst. Darumb wil ich auff diß mal nicht weyter dauon vergebliche wort machen /  
 sonder wil zu den andern Cirkelriß vnd linien difes Quadrantens trachten / damit du  
 aller stück einen guten bericht überkommest: was darnach weyter darvon oder dar zuge-  
 hört zu schreyben / wirst du nachuolgend im brauch überflüssig finden.



## Das Fünfft Capittel / von den gemaynen stunden vnd iren linien.

**D**Er seind von der linken handt zu der rechten xi. gebogne lini/  
herab fallend gezogen / nit gerad / auch nit nach dem circel gezogen / sonder  
hin vnd her geschwayfft / wie das die aufstaylung erfordert / bedeuten die ge-  
mainen stund mit iren zyffern / Die erst vnd lengst hat bey jr 12. bedeut die  
12. stund im Tag / vnd auch in der nacht / wie du hernach sehen wirst.

## Das Sechst Capitel / von der Planeten lantter.

**E**ben den gemaynen stunden in der selbigen feldung / ist ain  
gitter / in form einer überlengten vierung / darneben die Character der 12.  
zaychen / vnnnd durch die mitt ist ein lini gezogen A. B. das ist die Ecliptica  
oder der Sonnen weg. Nach der zwerch über die selbig sindt etliche dicke lini  
gezogen / kreuzweyß / bedeuten allemal die anfang der 12. zaychen : Aber allemal zwü-  
schen solher zwo / sindt noch zwo subtile lini gezogen / auch nach der zwerch / die taylen  
die lini A B zwischen yetlichem zaychen in drey tayl / bedeut ein yetlichs 10. grad.

Zwischen denen wirdt die lini A B widerumb allemal in 5. getaylt / mit gar kurzen  
linien / bedeut ein yetliche zwen grad. Auch erscheynen zu beden seytten neben der lini A  
B sechs lini in dem Quadranten der Polus hoch 48. grad / vnd 8. in den andern Qua-  
dranten / dabey stehen ire zyffer / von 1. bis auff 6. oder 8. bedeuten die brayt der Pla-  
neten von der Ecliptica / nach anhangung der wörter meridionalis vnd septentrionalis  
so dabey gesetzt sint. Meridionalis / bedeut mittäglich / Septentrionalis / mitnächtllich.

## Das Sibend Capitel / von den Chara-

ctern der Zwelff zaychen vñ iren gegenwürffen.

**E**ben disem gitter oder lantter der planeten / stehen die Chara-  
cteres der zwelff zaychen / in den gegenwürff gesetzt / als /  $\gamma$  = / bedeut das  
der Wider vnd die Wag gegeneinander über stien im hymel / desgleichen ire  
grad in gleicher zal / als / der 12. grad  $\gamma$  sticht gegen dem 12. grad =. Also  
auch solt du verstecken von den andern zaychen vnd graden.

Die namen vnd verstande der Character.

$\gamma$  Wider  $\epsilon$  Stier  $\pi$  Zwilling  $\zeta$  Krebs  $\alpha$  Löw  $m$  Juncckfraw  
= Wag  $m$  Scorp  $\pi$  Schüz  $\nu$  Steinpock  $\text{---}$  Wasserm  $\times$  Bisch

Die Ordnung vnd namen der Zwelff zaychen werden  
in disen vier sprüchen kürzlich begriffen.

Wider Stich Zwen Krebs

Liebe Juncckfraw Wags.

Scorp Scheußt Stain bock

Wasserman fächet Bisch.

## Das Acht Capitel / von der Amplitud der Sonnen / Planeten vnd andern Sternen.

**D**u findest auch das die lini D E ist getaylt in ettliche tayl / die  
hayssen Amplitudines. Amplitudo ist nichts anders / dann der bogen des  
Horizonten zwischen dem rechten auffgang (das ist / der auffgang des E-  
quinoctials) vnd auffgang der Sonnen oder Sterns. So ein Stern auff  
gehet von warem auffgang gegen mittag / so hayssen die grad zwischen dem warem auf-  
gang vnd auffgang des Sterns Amplitudo ortus meridionalis : Set aber der Stern



zwischen auffgang des Equinoctials vnd mitternacht auff/ so hayssen die grad des Horizonten / dazwischen Amplitudo ortus Septentrionalis / ist als vil geredt / als grad des horizonten zwischen mitternacht vnd auffgang. Darumb bedeu't das + den Equinoctialischen auffgang: die grad darüber / gegen dem centro / zaygen amplitudinem meridionalem / gegen mittag: vom + herab / septentrionalen / gegen mitternacht / wie du denn im brauch nachuolgend weyter vnderricht empfahen wirst.

### Das Reindt Capittel/ von der Planeten stund.

**D**Im letzten in diesem ersten tayl des Quadranten sint 6. krumme lini / auch nit nach dem circel gezogen / bedeuten die Planeten stund / steigen alle auß dem centro E. bis auff den bogen E D mit iren beygesetzten ziffern / von 1. bis auff 12. Dañ die planeten stund hebt man an zu zelen vom auffgang der Sonnen / bis zum nydergang vnd sint allemal 12. stund der tag sey langk oder kurz aber nicht (wie der gemayn hauff mainet) ist ein stund als langk als die ander / sonder die sechste stund (die sich allmal zu mittag endet) ist in den grössern tügen allzeit grösser dan die erst nach dem auffgang / In den klainern tügen aber ist die erst stund nach dem auffgang grösser dan die 6. stund / desgleichen die 7. welche alzeit aneinander gleich sindt. Die grossen tag nenne ich die so in der leng 12. stund übertreten / die klainern so vnder 12. stunden lanck sint / als im winter. Dañ es wär ein vnnatürliche veränderung der regirunden planeten (als die alten seer in acht haben genomen) solt ainer vor dem auffgang anderhalbe stund zwo oder mer regiren / vñ so bald die Sonn über den horizonten khām / solt der ander nit mer als ein halbe stund oder minder regiren / wie dan geschehen müst / so der tag 18. stund langk wär / vnd widerumb so die nacht 18. stund lang wär: das ist ein öffentlicher irthum bey den allen die sich dermassen pflegen zu richtn / dauon du versach weyter in den büchern De vmbria hören wirst / darüb werden sie auch die vngleichen stund genent nit darumb (wie sie das außlegen) das die stunden des tags vngleich sindt gegen den stunden der nacht.

Ordnung vnd Characteres der Eiben Planeten.

♄ Saturnus ♃ Jupiter ♂ Mars ☉ Sonn ♀ Venus ☿ Mercurius ☾ Mon.


### Das Zehend Capitel / von der zuebe- rattung des fadens vnd der abschen.

**A**uch soll auff diesem angesicht des Quadranten ein subtiler seydnr faden in dem punct E. (das ist im centro) angehefft werden vnd soll etwas lenger dan die lini E. F. sein / das er sich frey mit dem plenlösel vnder dem Quadranten bewegen mög. Vnd daran sollen zway subtile staindelein oder perlein hangen / die sich auff vnd ab an dem faden bewegen mögen: vnden am faden soll ein klaines bleyflögel hangen einer arbesz gros. Auch sollen auff der lini E. F. (verstehe / so das papir des Quadranten auff ein bret geleymet ist) zway teslein auffgericht werden / vñ ein netlichs soll haben zway löchlein / in gleicher weyt von der lini E. F. die eüssern sollen klainner vnd enger sein dan die ynnern nechst der lini E. F. dardurch man der Sonnen schein sehen mag / Die ynnern aber sollen etwas weyter sein / das man den Mon vñnd Planeten auch andere gestirn dardurch sehen mag. Also ist das angesicht oder fordertayl des Quadranten erklärt vnd zu dem brauch gericht.

### Das Vllfft Cap. von dem hyndertayl

das der rugken des Quadranten genent wirt.

**D**as hyndertayl / der rugken genandt / wirdt zusammen gesetzt von sechs scheyben / Die Erst vnd gröst ist auch ein vierteyl von einem circel / Darinne oder darauff dann 24. stunden stehen / Tags vñnd auch nachts. Der halbe tayl bey der rechten handt / von Zwelffen (das ist von mittag) zu zellen vom Centro bis widder auff Zwelffe (das ist zu Mitternacht) sindt schwarze





zändlein bedeuten stund vnnnd vierteyl nach mittag bis auff mittnacht. Darnach steygen widerumb 12. stund hyn auff ( verstee / das du allemal den vmbschwaff des Quadrantens vnder sich kereest / das Centrum von dir / oder übersich ) die sint mit weissen gespitzten zändlein gemacht. Dises vntzyl des Circels sol auff die andere seiten des Quadrantens geleynt werden / also / das die zway vntzyl mit ihrem vmbschwaff vnnnd Centro gleich zusammen stehen / das magst du leichtlich innen werden / wann das erst vierteyl auff einer seiten auff geleynt ist / vnnnd durch den punct mitten im vierteylein loch durchgestochen wirt / des gleichen durch das Centrum bey dem C.

Alhie siehstu die gestalt des hyn-  
dern tanzls des Quadrantens.





**Das Zwelfft Capitel / von der an-  
dern schenb oder rotll die zum Ersten auff  
den Rugfen soll gehefft oder gelegt werden.**

**D**ie Ander schenb soll auff die Erst werden gelegt / soll ettwas  
dicker mit zway oder dreyfachem papir gemacht sein / das man sie leyhentlich  
hin vnd her on schaden drehen mag / Zum Ersten hat sie ainen Circel dar-  
inne sindt die Täg des gansen Jars außgetaylt / Darnach die zal der Täg  
vnd namen der Monat / in Lateynischer sprach vnd hayssen zu Teutsch also.

Ianuarius Jenner	Februarius Hornung	Martius Mertz	Aprilis Aprill
Mayus May	Iunius Brachmon	Iulius Hermon	Augustus Augustmon
September Herbstmon	October Weymon	Nouember Wyntermon	December Christmon

Darnach sindt die zwelff zaychen des hymels / die do sindt im Thirfrayß / der ist  
auch in seine grad getaylt wie dann gewonhait ist.

Zum Dritten sindt auch in ainem vmbfrayß 16. Stern angezaigt / vnd bey einem  
yetlichen ein zyffer / als / \* 1. bedüt den grossen Hundestern / den du nachuolgende  
wol baßer erkennen wirst bey seinem gemäld vnnnd bildnus : dann daselbst in der bildnus  
ist auch die zyffer 1. darzu gesezt. Diweyl aber diser Stern bey der zyffer mer spislein /  
als schein / hat dann die andern / vnnnd in der mitt ein weys püncktlein / bedüt das Er-  
der aller grössst / vnnnd aller liechtest stern am hymel ist / außserhalb der Planeten / die  
zum taylor grösser erscheynen. Also solt du die namen eines yetlichen Sterns bey seynem  
zyffer bald erkennen.

* 1 Groß Hundestern	* 9 Die Leyrn
* 2 Klein hundestern	* 10 Der Geyr
* 3 Die Schlangen	* 11 Flügel des Ross
* 4 Des Löwen herz	* 12 Der bauch Coeti
* 5 Löwenschwanz	*** 13 Pleyades Sybengestirn
* 6 Spica virginis	* 14 Das ochsen aug
* 7 Bootes	* 15 Der linck fuß Orionis
* 8 Scorpen herz	* 16 Die recht achsel Orionis

Vnder den Sternen in disem Vmfrayß stehet auch ein  $\pm$  bedüt den Herwagen /  
sindt aber die selbigen 7. stern weyter hynaus gesezt in den Augustmon.

Zum virdten ist darnach ein ringlein darinn stehet die Jarzal von 1 5 3 1. biß auff  
1 5 4 8. bedüt das man die schenb des Drachenhaubts (die also auff irem zayger bes-  
zeichnet ist  $\Omega$ ) darauff legen muß so man die brayt des Mons finden wil : darnach sein  
zwischen yetlicher jarzal zwölff grad / bedüt ein yetlicher einen Monat / nach rechter  
ordnung / der Monat vnd der jarzal.

Zum Fünften vnnnd letzten / ist noch mer ein ring auff diser schenb / darinn stehet die  
gulden zal / von 1. biß auff 19. / aber nit in natürlicher ordnung nacheinander : dabey  
stehet Aureus numerus / darauff wirdt gelegt die schenb mit dem zayger A.



Also ist die nehgemeint scheyb gestalt vnd  
mag also lencht erkent werden.



### Das Drenckehend Capitel von der Dritten Scheyb oder Ring.

**D**ie dritte scheyb hat nicht mer dann einen Circelriß oder ring / darinne sind  
beschriben die 12. Monat / mit ihren Lateynischen namen / bey einem yet-  
lichen wort ( verstee alweg bey dem ersten büchstaben des worts ) ein strichel /  
das bedeußt den anfang des Monats. Du solt auch warnemen / das an  
diser scheyb auch ein zanger ist / darauff steet ein A / derselbig zanger soll alle Jar fortges-  
ruckt werden auff die gulden zal ( daruon ich in der andern scheyb meldung gethon hab )  
vnnnd ein ganz Jar vnuerückt bleyben / darumb soll man sie mit einem wachß auff die  
ander scheyb befesten / damit sie das Jar vnuerückt bleybe.



Vnd wiewol dise obgemelt schenb  
 bißher genugsam beschriben ist / dennoch  
 hab ich dir von bessers verstandts we-  
 gen die selbige figur hernach gesetzt  
 wie du vor augen siehst.



### Das Vierzehend Capitel / von der außlegung der vierden schenb.

**D**ie vierd schenb wirdt mit dem buchstaben V bezaichent / hat  
 in irem vmbtrayß 31. Tag / vnd ein yedlicher tag hat 4. grad in seiner leng /  
 bedeüt ein yedlicher der selben grad 6. stund desselben tags. Durch dise tag  
 findet man den mittel lauff des Monscheins / der in disem Instrument ge-  
 braucht wirdt. Sein zayger hat auff im den  
 büstaben V / der soll allemal auff den selben  
 Monat / dauon im nechsten Capittel mel-  
 dung geschehen ist / gelegt werden / darinne  
 du dann das instrument brauchen / vnnnd den  
 lauff des Mons suchen wilt.

Das ist die gestalt der schenben dauon  
 ich so vil wort gemacht hab.




### Das Fünffzehend Capitel / von dem Drachenkopff vnd seiner schenb.



**D**ie Fünfft scheyb / hat kein taylung in jr / hat allein einen zanger / darauff der Character des Drachenheubtes steet / mitsambt dem buchstaben E. Den selbigen zanger solt du im brauch des Instruments legen auff die Jarzal der andern scheyb von 1531. bis auff 1548. geschriben / vnd darnach auff den gegenwertigen Monat / in den graden / dann ein yetlich jar hat 12. grad / bedeuēt ein yetlicher grad einen Monat: vnnnd soll auff den selben monat auch mit einem wachs auffgehefft werden / vnnnd bis an das ende desselbigen monats verlauffend / vnuerruckt beleyben.


Die gestalt der fünfften scheyb zange  
dir dise figur gleichförmig an.



### Das Sechzehend Capittel/ vonn dem stund zanger.

**D**er letzte ist noch ein zanger / darauff ist der buchstaben D. ist der aller lengst zanger / wirdt genandt der stund zanger / hat in jm vierlay zyffer / habet sich ein yetliche zal an bey dem zanger / vnd seinem gegenwurff / get von 1. bis auff 5. Durch die mitt der scheybe / daran der zanger stehet / gehet ein lini / taylende die scheybe in zway tayl: in dem ainen tayl stehet geschriben zusambt der zal vnnnd graden / *Latitudo Lunæ Septentrionalis* / bedeuēt die brayt des Mons vonn der *Egyptica* (das ist der Sonnen weg) gegen mitternacht. Auff der andern seyten stehet *Latitudo Lunæ Meridionalis* / bedeuēt das der Mon (so der zanger do hin feldt) von der Sonnen weg sich nayget gegen Mittag.


Hie siechst du die figur dises zangers.



### Beschluß des Ersten Tayls dises Buchs.

**S**o du nun alle Circel / scheyben / vnnnd linien verstanden hast / vnd das instrument zusamen setzen vñ verheffen wilt / soltu ein yetliche scheyb vorhin etwas fester machen (wie ich oben auch gemeldt hab) zway oder dreyfach mit papir / oder einer andern materi / vnd nach gemelter ordnung auff einander legen. Dies weyl die Quadranten / das fordertayl vnnnd hyndertayl in der mitte / desselben gleichen



ein ytelliche Kott oder scheyb / auch die zanger ein solches ringlein in der mitt haben /  bedeuť / das ein ytelliche scheyb durchbozt werden soll / als groř dieses ringlein ist / vñnd soll dardurch ein messiger oder von zyn ein nagel gemacht werden : derselbig nagel soll auch durchaus ein löchlein haben in der weyt eines grossen federkhiel : wann der nagel also die scheiben vñnd zanger verfast vñnd zusammen helt / soll Er verniet werden / das die scheiben nicht nier voneinander mögen. Auch solt du mercken / das du die zwen Quadranten / das Angesicht vñnd Rugfen / zum ersten ytelichs auff ein seyten / eines subtilen / glaten bretteins leydest / vñnd die abschen mit vleys darauř senest : darnach erst / wie ich angezagt hab / die scheyben darauř mit dem durchsichtigen nagel verfasst / so ist das Instrument zu dem brauch berayt.

Auch ist not zu wissen / wann ainer dise Quadranten auff ein brettein leimen wil / das Er das brettein allenthalben lenger vñnd breiter mach / vmb einen guten strohalm / verstee mich also / wann du vonn dem Quadranten vmb vñnd vmb / biř an die eűßerst lini vñnd Cirkelris das űberig papir abschneydest / vñnd den Quadranten auff das brettein legest / so verzeichnen das brettein vmb vñnd vmb breiter eines strohalms breit : darnach mach den Quadranten feűcht / vñnd lař in ein gute weyl ligen / so geschwilt das papir vñnd gehet auseinander / vñnd kummet widerumb in sein rechte aufstaylung / alsdatt magst du in erst auff das brettein leymen. Es wer auch nit vñnus / wann ainer den Quadranten zum ersten also ( wie yekundt angezagt ist ) feűcht machet / vñnd auff das brettein leyset / vñnd darnach erst was űberig wűr von dem brettein abschnit. Also wil ich geraten haben / wann man ettwas ( das auff papir gedruckt ist ) auff leymen wil / das man das selbig papir vorhin feűcht mache / vñnd ein gute weyl ligen lasse.



# Das Ander Cap. dieses Buchs

Von dem Brauch des Quadranten / vnnnd er-  
fandt nus der Gestirn.

Das Erst Cap. zangt an die Landtaffel  
darinn die namen der Landt vnd Stett begrif-  
fen sindt / dardurch ein yetlicher erkennen  
mag / welchen Quadranten Er in seiner  
Stat oder wonung brauchen soll.

Volgen hernach die Namen der Landt vnd Stett / darinne der erst  
Quadrant mag gebraucht werden / welcher auff 41. 42 vnd 43 grad gemacht ist : darzu  
sollen auch alle andere beyligende Stett vnnnd flecken gezogen werden / ob sie schon nicht  
in diser Landtaffel begriffen sindt.

In Hispania  
Portugal  
Castilia  
Cathalon  
Aragon  
Frankreich  
Narbon  
Laguedoc  
In Dalmatia  
Welschland  
Campania  
Apulia / Rhoma

Luscia / Viterb  
Genis / Florenz  
Lucca / Ancon  
Adria  
Raconati  
Im Fürstenthumb Spoleth  
Genua  
Corsica  
Die Thürcken so mitten im  
Kriechenlandt gelegen ist.  
Durch die mitt der grossen  
Thürcken vnnnd Armenia.

Landt vnnnd Stett / darinne der Ander  
Quadrant gebraucht wirdt / darinn die Polus  
höch ist 44 45 vnd 46 Grad.

Frigaul  
Lombarden  
Benedig / Padua  
Pania / Vincenz  
Trient  
Maylandt  
Bononia  
Ferrar  
Kriechischweissenburg  
Spbenbürgen  
Istereyck

Illyria  
Inburnia  
Saphoy / Lugdun  
Genff / Rodis  
Bascon / Pompilon  
Gallicia Königreich  
Compostell  
Finsterstern / das Finis-  
terrae soll genendt werden.  
Constantinopel  
Bosson Königreich



**Stett vnd Landtschafften darinne der  
Dritt Quadrant gebraucht wirdt/ soll der Po-  
lus erhöhet sein 47. 48 vnd 49 Grad.**

In Burgundia etliche Stett

Viliens

Lors

Andes

Paris

Dens

In Lothring

Metz

Toll

Trier

Das Fürstenthumb Britani

Grasschafft Campani

Costenz

Nychenaw

Basel

S. Gall.

Weldtsch

Chaffhusen

Zürch

Baden

Soladorn

Kayfersperg

Schlettstat

Hagenaw

Worms

Khar

Nauenspurg

Kempten

Memmingen

Wagegg Schloß

Augsburg

Blm

Zillingen

Nördling

Oetting

Schwebisch Werd

Schwebischhall

Haylbrunn

Wirtenberger Landt

Bayerlandt

Maraggrasschafft Baden

Grasschafft Tirol

Kernten

Steyrmarck

Osterreich

Hungern

**Der Vierd Quadrant ist gemacht auff  
Landt vnd Stett wie hernach volgt / darinne  
der Polus erhöhet ist von 50. 51 biß 52 grad.**

Picardey / Flandern

Hönigaw / Brabant

Seeland / Gelhria

Elff

Gülch

Westualhen

Hessen

Franken

Boyeland

Beham

Poln

Schlesi

Lausitz

In Meyssen

Dresden

Freyburg

Khemnitz

S. Anneberg

Thorga / Hayn

Meyssen / Döbeln

Leysnigt das vaterlande

Nochlis

Altenburg

Leypzig / Zeyß

Mierßburg

Düringen

Sachsen

Erfurde



Was weiter gegen Mitternacht gelegen ist/ als die Marggraffschafft Brandenburg/ Fryßland/ Holsatia/ Mechelburg/ Pomern/ Preußen/ Leyßland/ Denmarck/ See- landt/ Schönlandt/ Sweden/ Norwegen/ Gottlandt/ Wildelappen/ Schottlandt/ Engelandt/ Orcades/ vnd der gleichen vil mer Landt vñ Inseln/ sollen sich gebrauchen der gemainen Instrument die hernach volgen in disem Büch.

## Das Ander Capittel / wie man den Grad des Zodiac/ oder Thierkrantz/ dar inne die Sonn auff ainen fürgenommen Tag ist/ mansterlich finden soll.

**S**olt du auff einen Tag gewißlich finden inn welchem Zaychen vnd grad die Sonn ist im Thierkrantz/ so nim für dich den Rugken des Qua- dranten/ vnd such den selben Monat vnd Tag auff der andern scheibe/ dar- auff leg den lengsten zayger ( genendt der stund zayger ) mit der geraden oder waren lini/ vnd schaw welcher grad im Thierkreys von der lini des zaygers berürt wirdt/ Als/ wann du den zayger legst auff den sechsten tag des Mayen ( in einem gemainen jar ) so zaygt er den 25 grad des Stiers/ oder Ochßens/ darinn ist die Sonn den selben tag. Du solt aber mercken/ wann ein Schald oder Hüpfel Jar ist/ wann der 24 Tag des Hornungs verschinen ist/ so mußt du für yetlichen Tag das ganze jar auß den nechsten darnach nemen. Als/ wann du suchen wilt den grad der Sonnen auff den 12 Tag des Mercken/ so such den grad ( wie ich dich gelernt hab ) mit dem 13 Tag/ so findest du den grad der Sonnen den du begeret hast.

## Das Dritt Capitel/ wie du den Tag des jars aus der Sonnen schein erkennen solt.

**E**s begibt sich oft das ainer nicht waisß an welchem Tag oder in welchem Monat Er sey/ dann ainer zu zeyten irr wirt/ das Er weder Tag noch Monat waisß: Das du aber wider komest auff die erkantnus des rech- ten Tags/ so nym für dich einen rechten Compas/ vnd merck mit vleys wann es mittag ist/ das ist wann die Sonn oder der schad auff die 12 stund zayget/ so bald nim den Quadranten/ vñnd laß die Sonn durch die löchel der zway flaynen teflein der absche- hen scheinen/ vñnd merck wo der faden trifft auff die 12. stund im angesicht des Qua- dranten: dahin für die ayne Perla an dem faden hangend/ vnd für den faden auff die laytter/ also/ das die Perla treff auff die lini A. B. / da hastu den grad darinn die Sonn ist den selben tag. Du mußt aber mit vleys mercken/ ob der Tag zu oder ab nimbt: Nymbt der Tag zu/ so nym das zaychen neben der laytter/ in disen zaychen/ welches dann die Perla betrifft  $\gamma$   $\omega$   $\kappa$   $\nu$   $\delta$   $\pi$ : Nimbt der tag ab/ so nym das zaychen in der andern lini der zaychen  $\epsilon$   $\eta$   $\mu$   $\pm$   $m$   $\alpha$ . Wann du das zaychen vnd den grad der Sonnen also gefunden hast/ so such in auff der andern scheib oder rotul/ des rugken/ im eüßern circel/ vnd leg darauff den stund zayger/ der zaygt dir vnueruckt auch den Tag vñnd Monat/ den du vergessen hast.



### Das Vierd Capittel/ wie du die Gulden zal alle Jar mansterlich suchen solt.

**S**o du nun bald vnd gerecht finden wilt die Gulden zal (die du zu dem Monseheyn haben must) so addir 1. zu der Jarzal / von Christi gebürt / das daraus kombt tayl in 19. (dann 19. ist die reuolution der Gulden zal) was übrig bleybt hast die Gulden zal. Ein Exempel / Wilt du wissen was die Gulden zal sey / so man zelt nach Christi gebürt 1532. so setz du 1533. das tayl in 19 / die hastu darinn 80. mal / das wirff hynweg / bleyben 13. übrig / das ist die Gulden zal in diesem Jar.

### Das Fünfft Cap. Wie man den Grad vnd das Zaychen darinn der Mon ist finden soll.

**W**as allhie von des Mons lauff geschriben ist / solt du verstehen von dem mittel lauff allein: wenn du die Gulden zal auß dem nechsten Capitel gefunden hast / such sie in der andern rotul oder scheyb / dabey stehet geschriben / Aureus numerus / Auff die gefunden Gulden zal leg den zanger der dritten scheyb mit dem A. da soll Er ain ganz Jar vnuerruckt bleyben: darnach such den Monat des Kalenders (nit verstee nach dem sheyn) in der scheyb do das A auff seinem zanger steet: vnnnd auff die selbige lini bey dem anfang des Monats leg den zanger der vierden scheyb / mit dem zanger B. / vnnnd such auff der selben vierden rotul den Tag des Monats / daran du den lauff des Mons wissen wilt (dann sie hat 31. Tag in einem circel der eingeflochten ist wie ein schneck) darauff leg den stund zanger / vnd wo derselb den Thiertrantz berürt mit der glawwürdigen lini / da ist der grad des Mons / nach dem mittel lauff: Wilt du aber vngeserlich den selben lauff auff ein stund nach mittag finden / so nim zwüschen den Tagen bey einem gleichen die stund / dann ein yetlicher punct dar zwüschen bedeußt sechs stunde.

### Das Sechst Cap. wie man die brant des Mons von der Ecliptica (das ist der Sonnen weg) suchen sol.

**V**ß dem nechsten Capitel so du den mittel lauff des Mons gefunden hast / laß die scheyben also vnuerruckt / vnnnd fñer den zanger mit dem buchstaben E. des Drachenheubtes auff die Jarzal (die sich anhebt 1531. vnd endet 1548. / dauon ich im vierden artickel des 11. Capitel im Ersten tayls dises büchs genüßam geschriben hab) vnnnd auff den Monat: dann ein yetlich jar hat 12. grad / bedeuten die 12. Monat des Jars / nach rechter ordnung zuzelen: vnnnd merck wann der selbig zanger mit dem D. triffe oder berürt den umbtrantz des stund zangers / die selbig zyffer zanger an mit begeschem namen die brant des Mons von der Ecliptica / oder der Sonnen weg: die selbig brant mit ihrem namen mustu wissen / wann du durch den Monsehein die stund / es sey bey Tag oder bey nacht / erkennen wilt. Wie



wol dise grad gnügsam weren / damit zuerforschen die stund: welcher aber vermainet die stund durch den monschein vleysiger zu süchen / der mag die grad des Mons nach der leng vnnnd brayt / aus den Ephemeridibus nemen / oder auß meinem Astronomico: des gleichen wirst du mit den Planeten auch die stund finden / so du die grad nach der leng vnd brayt aus den Ephemeridibus / oder sonst wie du magst / gefunden hast. Aus dem Astronomico magst du (für war) auff's leycheft die brayt der Planeten (Latitudo genandt) finden / die weyl ich sie durch Instrumenta daselbst angezaigt habe / welches vormal gleich vnmüglich geacht ist worden.

## Das Siebend Cap. wie man erkennen soll die Stern des Herwagens / vnd den Polum / on vnderriecht eines Maysters.

**S** Inacht so du die gestirn sehen magst / vnnnd wilt erkennen den Herwagen / den die Astronomi den grossen Beern nennen / so nim dir vngesfärllich für ain stund / nach der schlahenden vhr / ob du schon vmb ain stund irrest ligt nicht daran / dann es bringt dir khain irthum. Auff solhe fürgenommene stund (so es vor mitternacht ist) leg den stund zaiger / bey der rechten handt / auff dem rucken des Quadrantens. So aber mitternacht verschinen ist / so leg den selbigen zaiger auff die selbige fürgenommene stund / nach mitternacht bey der lincken handt / vnnnd ruck die ander scheyb mit dem Tag des Monats oder der Sonnen grad vnder den selbigen zaiger / vnd mach das die scheybe also vnuerruckt beleyb: nach dem lege den selbigen zaiger auff die zway hindern ruder des Herwagens / die du findest bey dem 20 Tag Augusti / oder lege den zaiger auff das zwisach Creüglein / das vnder dem zaichen der Junckfrawen steht / vnnnd behalt den zaiger daselbst vnuerruckt / gedencck darnach vngesfärllich wo die Sonn steht wann es mittag ist / dahin fer deinen rucken / so kereft du das angesicht gegen mitternacht / Es wär aber gewisser so du einen gemainen Compas in deiner handt hettest / oder sehest den nider / von stundan zaigt dir das zwisach gäblein gegen mitternacht / Es ligt nicht daran wie du den Compas in die handt nimmest / so allein das zünglein vmb lauffen mag. Wann du die mittnächliche gegent also erkendest hast / fer daselbst hin dein angesicht / vnd nim den Quadranten in die handt / vnd fer das centrum übersich / vnnnd das angesicht des Quadranten gegen dir / vnd halt in vleysig übersich / damit du deine augen auch ein wenig erheben müst: so du also durch den nagel sehen wilt / halt den quadranten dermassen / das der faden (daran das bley hangt) auff den 100 punct hang / vnd schaw neben dem stund zaiger (der vorhin rechte gelegt ist) an den hymel / so findest du dem zaiger gleich / die zwen stern des grossen Beerns / die man nendt den Herwagen. Ob sie schon nit so genaw an den zaiger kommen / so hast du dennoch die gelegenheit gefunden: vnd wann du darnach dise nachgesetzte figur / vnd die gelegenheit der Stern / in acht nimbst / vnd sie gegen den stern des Hymels vergleichst / so erkennst du die stern des Herwagens on allen zweifel.


Wann du die Stern nun erkendest hast / vnd das Büch dagegen schawest / vnnnd die Stern mit dem büch auch dermassen für dich nimbst / so siechst du von stund an wo der Polus am Hymel stehet. Die gelegenheit des Polus findest du auch licherlich / so du durch den nagel siechst / vnd der stund zaiger auff den Herwagen (wie vor gemeldet ist) gestellt wirdt.



Du magst auch durch leichtere vnd gewissere art den Polum erkennen / so du für dich auff die handt nymbst einen Compas oder sez in für dich / das du neben dem Campas on alle hindernus gegen Mitternachte sehen magst / vnnnd sez in gleich wie du die stund bey der Sonnen darin erkennen wöltest ( verstee mit dem zünglen ) vnd schaw mit deinem gesicht neben dem faden des Compas hinauff / biß an den hymel: do selbst begegnet dir der Mer steern / der von dem gemainen volck Polus arcticus genendt wirt / dann der faden im Compas / so er biß an den hymel erlengert wurd / so berüret Er ( on allen zweyfel ) den Polum / den ich dir vermaint zu zaygen.

Es ist auch wol zu wissen / das der stundzayger nit allenthalb über den Quadranten außgeet / darumb man nit allzeit darneben hin die stern des Herwagens sehen mag / Darumb ( wo sichs also begibt ) klayb mit wachs ein hölzlein / oder sonst ein gerade masteri / oder starck papir / darauff / so magst du den zayger nach notturfft brauchen.

Alhie schaw an die form vnd gstat des Herwagens / so du den erfenst am Hymel / vnd von den hyndern zwayen redern ain gerade lini im syn fürnimbst ( verstee auff die seyt da sich die drey roß hinlencken ) so kumbt dir der Polus in dein gesicht / vnd kain anderer sternmag dich abführen / das bedeußt dir die getaylt lini.



Das Sibend Cap. wie man die Planeten / vnd vnbeuwegliche Stern / so nachuolgend durch ire bildnus gesetzt sint / am hymel erkennen soll.

**S**owenl zu disem Quadranten / die Erkäntnus etlicher vnbeuweglichen gestirn not ist / hab ich die allerleycheitste / vnd namnhafftigste ( die gute gelegenhayt haben / die stund dardurch zu erkennen ) für mich genomen / wie oben angezeigt ist im dritten tayl des 12. Capitels. Wann du der ainen erkennen wilt / so leg den Stundzayger im Augken des instruments / auff die stund vor



oder nach mitternacht / darinn du vngefärlich die stern wilt erkennen / vnnnd ruck den selben tag auff der andern scheyb vnder den zayger / vnd behalt die scheyb also vnuerruckt / so siechst du welche Stern oben nechst bey der zwelfften stund stehen / die selbige stern seind auch am Hymel zu oberst / da die Sonn zu mittag steht. Wann du allein (nach anzeigung der ziffer) die gestalt desselbigen bildnus (wie nachuolget) betrachtest / so kunnst du zu erkantnus des oder derselbigen stern. Wenn du nun einen also erkent hast / so kunnst du gar leyhentlich zu erkantnus des nechsten / so du betrachtest wie weit der selbig von dem ersten stehe / vnd nach gelegenhayt / der zwayer örter / gegen Aufgang oder Niedergang. Das hast du auß dem / so du den Quadranten für dich nymbst (verste den rechten oder hyndertayl) vnnnd ferest dich mit deinem angesicht gegen mittag / des gleichen das centrum des Quadrantens auch gegen dem tayl des hymels / do die Sonn siehet zu mittag / so erzaygen sich die stern auff der scheyb selber ordenlich genüßsam / welche mer vnnnd neher gegen dem auffgang stehen / des gleichen auff der rechten handt / welche gegen dem Niedergang sich abnangen.

### Ein leyhtere art die Stern zu erkennen.

So du ganz gewiß die Stern zu nacht erkennen wilt / so lege den stund zayger auff die 12 stund bey dem Centro des Quadranten / vnd ruck den selbigen stern dar vnder / Darnach leg den stund zayger (die scheyb vnuerruckt bleybende) auff den selben Tag / der zayget dir auff der ersten scheyb die stund / in welcher stund der selbig stern oben am hymel siehet: So du die proportion desselbigen sterns mit den beystehenden auß den nachuolgenden figuren oder bildnuß betrachtest / erkennst du den stern en zweyfel.

### Aber ein andere art / vnd noch gewisser / wie man die Stelle fix / vnd Planeten erkennen soll.

Wilt du die Stellas fixas des gleichen die Planeten erkennen / So merck vngefärlich welche zejt es ist nach der stund / vnnnd leg den stund zayger auff die selbig stund / vor oder nach mitternacht / vnd ruck darunder den tag auff der andern scheyb / vnd behalt die selbige scheyb vnuerruckt / leg darnach den stundzayger auff den stern den du erkenen wilt / vnd merck welche stund der zayger aber berür / merck auch mit vleiß auff die stern die im vnderntayl des Quadrantens nahent bey mitternacht stehen / vor vnnnd nach / die sint vnder der Erden / werden auch nit gesehen: vnd merck die gelegenhayt des hymels / ob der Stern gegen auffgang oder niedergang steet / vom obern tayl des hymels / ob er übern mittags circel gangen sey gegen niedergang oder nit. Darnach nym für dich das angesicht des Quadrantens / vnd leg den faden auff den selbigen stern (als die ziffer bedeyt) in dem vndern umbkrais / verste in dem Quadranten der auff 47. 48. 49. grad gemacht ist / vnnnd wo der faden trifft an die 12 stund / leg die ain Perle. Aber in andern angesichten der Quadranten / so auff andere Polus hoch gemacht sint / leg den faden auff den stern (nach anlaytung der ziffer) vnd ruck die Perla auch gerad / mitten auff den stern: wann du die Perla also recht gestelt hast / so heb den Quadranten auff / vnd fer dich gegen dem tayl des hymels / darinn du den stern gefunden hast im rucken des Quadrantens / vnnnd schaw durch die löchlein / mit erhebung des Quadranten / so lang bis die Perla hangt auff die stund / die der stern im rucken angezeigt hat: vnd wende dich also hin vnd her / bis du mit solcher erhebung des Quadranten einen grossen stern / durch die löchlein der abschen sehen magst / das ist eben der / den du zuerkennen begert hast.



Die Pleiades / das ist / das sibengestirn / darfftu nit mit solher mühe kennen lernen / sonder wann der zanger im rucken anzeigt das sie über der erden sint / so sint sie nach gelegenheit leichtlich zu erkennen / dann jr sint vil bey einander / haben ein ansehen als wer es ein heüffel liechtes gewülck. Wann du aber ainen Planeten erkennen wilt / so such in Ephemeridibus sein zeichen vnd grad nach der leng des Zodiae / desgleichen den grad der brayt mit irem namen / mittäglich oder mittnächtelich : die selben grad der leng vnd brayt such in der laytter der Planeten / nach gelegenheit der latitudo oder brayt / darauff leg die Perla mit dem faden / vnd thue im darnach mit der Perla / wie du yezunder von den andern Sternen gehört hast / so kummeß du auff alle gewisset zu erkänntnis der Planeten.

**Das Reündt Cap. von den bildnus dardurch die stelle fix (die nit Planeten sindt) erkent werden.**

**L**estlich hab ich gesetzt die zwen Hundtstern / die weyl von dder groß Hundtstern der aller liechtest ist am hymel / außserhalb etlicher Planeten / hab ich in für den ersten / als für einen anfang gesetzt / mit der zyffer 1 bezeichnet / vnd steet in dem maul des hunds.

Die weyl aber der Ander Hundtstern so nahend dabey stehet / vnd auch einen grossen stern hat / hab ich in verzeichnet mit der ziffer 2. Der Groß hund hat in seiner bildnus 18 stern / wirt genandt Alhabor / Syrius. Der klain Hundt hat nit mer dan 2. stern / von den Chaldeen Algomeysa / von den Lateinern Canicula / Antecanis / Procanis / von den Kriechen Procyon / genandt.

Oben



Auffgang



Untergang



Der Dritt/vierd/vnnd fünfft Stern/ werden allhie in ainer figur mit irer rechten proportion gegeneinander angezaigt. Der Dritt stehet auff der krümb der schlangen / Alphart Chaldaisch / ist vonn der andern groß. Der vierd stern ist des Löwen herz / von der Ersten groß / wirt auch der Königlich stern genandt / Chaldaisch Calbelezed. Der fünfft ist auff dem schwanz des Löwens / auch von der Ersten groß / Chaldaisch Denebezed.

Die ordnung diser Stern wirdt in diesen nachgesetzten zwayen bildnussen in rechter proportion angezaigt.

Oben



Unten:

Der Sechst Stern hanst im Latein *Spica virginis* / gehört in die Echer der Juncffrawen in der rechten handt / ist von der Ersten groß / Chaldaisch Azimech. Der Siebend hanst Bootes / auch von der Ersten groß / wirdt auch Arcturus genandt / Arctophilax / vociferans / Lanceator. Dise Stern werden gar leichtlich erkent durch die zwen stern der Wag / wie du vor augen siechst in diser nachgesetzten figur.

D



Die gestalt der vorgemelten Stern ist all-  
hie in dieser figur angezagt.

Oben

Bootes



Auffgang



Niddergang

Unden.

Der Acht Stern/ist das hertz Scorpionis/ Caldeisch Calbalatrab  
ist von der Andern groß/ wirdt nach der Proportion der grössern Stern der Wag also  
erkendt/ wie dir in diser figur sůrgemalt ist.

Oben



Auffgang



Niddergang



Der ix. Stern hanst der fallend Geyr/ Die Leyn Orphen/ vor zeh-  
ten ward sie gehayssen Testudo/ Fidicula/ Caldaisch Asange/ Wega/ Alohoze/ Ist auch  
seer groß/ vnd liecht/ von der ersten würde des scheins: hat sein proportion gegen dem flie-  
genden Adler/ also/ wie dise nachgesetzte figur anzeigt.

Der Fliegend Adler ist der 10 Stern in diser ordnung/ würde genandt Alkayr/ der  
selbig ist von der andern groß des liechts/ ist ettwas klainer vnd dunkler/ dann der stern  
der Leyn.

Oben



Auffgang

Nytergang



Unden

Diser Fliegend Adler wirdt zu vnnsern zeyten schier im endt des  
Stainbocks gefunden/ verstee nach der leng: wirt am aller besten im Sommer erkende/  
wenn die Sonn eingeet in Krebsen. Dann in der selbigen zeyt stehet Er gleich zu mitters  
nacht an dem mittagscircel/ in seiner grössen höch/ wie wol er auch sonst zu andern zey-  
ten mag erkende werden auß der andern vnd ersten scheyb/ des ruckens im Quadranten/  
auff alle stund vor vnd nach mitternacht/ wann es möglich ist in zu erkennen.

D ij



Der xi Stern steet auff dem flügel des fliegenden Roß / Chaldaisch  
 wirdt der selbig genandt Markab / ist auch von der andern groß / wirt gar bald erkendt /  
 so man warnimbt die vierung der 4 Stern in dem geflügelten Roß.  
 Oben



Oben.  
 Der xij Stern ist an dem Bauch des Walfischs / Chaldaisch Bata-  
 kaptos / ist nit gut zuerkennen / daß Er gar ein wenig grösser ist dann die von der dritten  
 groß: stehet zu vnsern zeiten nach der leng schier in der mitt des Widers.  
 Oben





Der xiiij/vnd xiv. Stern findt begriffen in dem gestirn des Ochsen.  
 Der 13. bedeut das Sibengestirn. Der 14. ist auff dem Aug des Ochsen / Caldaisch  
 Aldebaran. Der 15. vnd 16. sindt auch in ainer bildnus begriffen: der 15. nemlich  
 auff dem linken fuß Orionis / Caldaisch Rigel. Der 16. stehet auff der rechten achsel  
 Orionis / Bedalgeuze Caldaisch / sindt bed von der ersten groß. Deseß gestirn Orionis  
 ist die allerlieblichste am hymel zu sehen / vnd bald zuerkennen: die drey stern von der an-  
 dern groß / in dem gürt Orionis / werden von den Sarn genandt der Jacobs stab. Als  
 dise figur clärlich anzeigt.

Oben



Vnden

Das Zehend Cap. zangt an noch ein  
 bessere leer / wie man das gestirn auff's leicht-  
 test erkennen soll.

Nach dem ich in dem Achten Capitel manicherlay art dir für-  
 gelegt hab / vnd darauß die gestirn zuerkennen gelernt / bedunckt mich noch  
 ainer vnd der best weg / auch anzuzangen von nöten seyn. Diemeyl dich das  
 8 Capitel gelernt hat die stund zu finden / wann ein stern / vnd welcher / an das  
 mittl des hymels kombt / wil nicht not sein von der selben stund weyter meldung zuthun /  
 sonder zu der selben stund nim alzeyt für dich dise nachgesetzte figur / vnd halt sie also über  
 dein haubt / das vngesährlich das mittl punct / oder das Centrum über deinem haubt sey /

D iij



vnd den Stern der am mittel des hymels ist zu der selben stund fer gegen mittag / so siechst  
 du alle gelegenheit vnd proportion der 16 Stern/aines gegen dem andern in diser figur/  
 deßgleichen aller maß vnd form wirst du sie am hymel finden vnd erkennen.

Dise nehgemehte xvi. Stern mit iren bildnus / sindt  
 dir augenscheinlich in diser figur angehangt.





## Das Vnylfft Cap. Mit Welhem grad 30 diaci ein yetlicher Planet an das mittl des hymels trifft.

**W**ie wol dises Capittel nit notwer gewesen zu suchen die stund/  
ader doch von der mißgünner wegen vnd irer nachrede / hab ich das nit wöl-  
len vnderwegen lassen / damit sie mirs nit in ainem vnuerstandt zümessen.  
Ein Planet mag dermassen sein in dem Wider oder Wag / inn selher brayt  
von der Ecliptica oder der Sonnen weg / das Er nit mit dem selbigen grad der leng an  
den mittagheirckel trifft / darinn er in dem Almanach nach der leng gerechnet ist / sonder  
mit dem 3 grad vor im oder nach im / als in disem Exempel: Wann ein Planet wär im  
3 grad 32 in des Widers / vnnnd wär von der Ecliptica gegen Mitternacht 8. grad / so  
treff Er das mittl des hymels mit den Ersten grad des Widers. Daraus kombt / das  
der Planet bey einer viertel stund ehe den mittagheirckel betrifft / ehe das sein grad dar-  
inn Er ist (nach der Ecliptica zu rechnen) an das mittl des hymels kombt. Diesel-  
bige ir zuermeyden hab ich auff allen Quadranten (allein in dem nicht / der gesetzt ist  
auff Polus höch 47. 48. 49. grad) im vndern circelriß oder limbo gezogen 90. zwerch-  
lini / die sindt ein wenig gebogen / der stet aine von der andern alle mal einen grad / sindt  
alle nach der zwerch über den arcum G F (das ist Ecliptica) gezogen. Auch bey dem G  
zu beden seytent sichest du 8. grad / seer klain außgetaylt / bedeuten grad der brayt der Pla-  
neten. Als wenn du wilt finden den grad der Ecliptic der mit ainem Planeten an den mitta-  
tags circel / ober oder vnder der Erden augenblicklich trifft / so der Planet in der Mitt-  
nächtllichen brayt 8. grad von der Ecliptic stehet / vnd nach der leng 19 grad v. Mit  
dem vnd dergleichen thue also / leg den faden / der im Centro E. hanget / auff die lini E.  
G / vnd ruck das Perlein am faden hangend auff den 8 grad vom E gegen dem eüßern  
vmbeschwayff. Es ist auch not zu mercken / so du nach der brayt eines Planeten eingeen  
vnd die Perla recht rucken wilt / das du die brayt also nemen müß / wo du den Character  
des zaychen findest / ist alle mal von der Ecliptica in der selbigen seldung Latitudo Sep-  
tentrionalis / das ist mittnächtlliche brayt / als in disem Exempel. Dieweyl der Planet 8  
grad hat in mittnächtllicher brayt / vnnnd der Character stehet vnder der Ecliptica G F /  
im eüßern tayl des vmbeschwayffs / ist die selbig eüßere seldung die mittnächtlliche brayt bes-  
deuten desselben zaychens: darumb zel ich 8 grad vom punct G gegen dem vmb-  
schwayff / das ist mittnächtlliche brayt: darnach fuer ich den faden / den das zaychen v /  
also / ich zel in der Ecliptica F G den 9 grad v (ein yetliche weyt für ainen grad) do  
ist die stat des Planeten nach der leng: Von dem selben grad far ich zwischen den zwerch  
linien / in seiner brayt / als in disem Exempel / vom 19 grad v far ich gegen dem eüßern  
beirck auff der zwerchlini / darauff leg ich die Perla mit dem faden (sie betrefft die lini wo  
sie well) so zangt der faden das medium coeli in der Ecliptica G F / das ist vngefärllich  
der 15 grad des Widers / damit kommet der Planet an das mittl des hymels.

## Das Zwelfft Cap. wie man die Stund am Tag bey der Sonnen scheyn finden soll.

**S**o du den grad darinn die Sonn ist den selben Tag / auß dem  
Andern Capittel des Andern tayls gefunden hast / so such den selben grad in der  
Planeten laytter (versteet im angeficht des Quadrantens) in der lini A. B /  
das ist die Ecliptica / vnd leg darauff den faden / vnd das vnder Perlein ruck



auch darauff / vnd fher den Quadranten mit seinem Centro gegen der Sonnen / vnnd halt in also / das die Sonn durch bede löchlein der absehen schein / vnd der faden mit dem bley frey hang / alsdann merck wo die selbig Perla hyn feldt in den linien der stunden / da selbst zaygt sie die stund die du begert hast / vor oder nach mittag / wie dich der standt der Sonnen wol erkennen lernet:

### Das Drenzehendt Cap. wie man am Tag die Planeten stund finden soll.

**N**ach dem du die Perla durch das nechst Capittel gericht hast auff den grad der Sonnen / laß in also vnuerückt bleyben / vnd leg die Perla auff die mittags stund der Planeten stund ( das ist 6 ) Darnach welche stund du die Planeten stund wissen wilt auß der Sonnen schein / laß die Sonn durch die löchlein scheynen / so zaygt dir die ober Perla die Planeten stund vor oder nach mittag: die vnder Perla aber zaygt die gemaynen stund wie vor. Wann du aber dir fürnimmst ein stund den selben tag / welche du wilt / oder gedencst / vnnd wilt die Planeten stund die selbige zeyt wissen / ob schon die Sonn nicht scheynt / so ruck den faden das die vnder Perla auff die selbig stund ( der gemaynen stund ) falle / so zaygt die ober Perla die Planeten stund: merck allein / ist die gemain stund vor Mittag / so nym die Planeten stund auch vormittag / das ist / vonn 1 biß auff 6. Also magst du die Planeten stund ain lange zeyt zuuor finden / des gleichen auff ain vergangne zeyt: wie du dir dan fürnimmst. Zuzeyten scheint die Sonn durch die wulcken so tuncel / das sie iren schein nicht durch die löchlein der absehen lassen mag / alsdann müst du den Quadranten für dein gesicht nemen / vnd durch die löchlein sehen zu der Sonn ( so du sie erkennen magst ) so zaygt die Perla die stund gerecht wie sie soll.

### Das Vierzehend Capi. wie man Tag vnd nacht durch den Monschein die stund erkennen soll / deßgleichen auch durch die andern Planeten.

**I**ltu am Tag ( als man denn oft den Mon im Tag siecht ) oder zu nacht durch den Monschein erkennen die stund / so such den grad des Mons auß dem 5 Capitel dises andern tayls / vnd sein brayt von der Elyptie / Darnach such in der Planeten laytter den grad des Mons in der lini A B / von dem selben grad far gleichstendig den zwerchlinien bis auff den grad der brayt / dahin leg den faden / vnnd ruck darauff die vndersten Perlein / schaw durch die löchlein gegen dem Mon / vnd merck die stund die das Perlein anzanget / vor oder nach mittag / Darnach fher zu dir den rucken des Quadrantens / vnnd leg den stundzanger auch auff die selbigen stund / vor oder nach mittag: wie der Monscheyn durch die Perla angezanget hat: vnd ruck vnder den selben stundzanger den grad darinn der Mon ist zu der selbigen stund: darnach leg den stunde zanger ( die scheyb vnuerückt ) auff den Tag des Mons / der zayget die rechten stund die du gesucht hast / es sey bey Tag oder nacht. Auch so du gar vleyßig damit umbgeen wilt / so such durch das 11. Capittel dises andern tayls den grad Zodiaci / damit der Mon an das mittel des hymels stößt / das halt für den rechten grad des Mons zu disem brauch / darumb ruck die scheyb mit dem selben grad vnder den



Stundzanger 22. so hast du die stund recht gefunden: Wie wol einer widerpart halten möchte / die weyl der Mon so nahe bey der Erden stehet / vnd so grosse vndercheid des gesichts macht / das wil ich an diesem ort bleyben lassen / aber an einem andern ort wil ichs besser ansetzen / darumb solt du auff diß mal genüg haben. Also wie du mit dem Mon schein die stund gesucht hast / solt du auch mit den andern Planeten thun 24 7 21 Den 2 aber lassen wir beleyben / dann er leßt sich wenig sehen / darumb er zu diesem brauch nit nutz ist.

## Das xv. Cap. wie man zu nacht die Stund durch die xvj. vnbeuwegliche Stern finden soll.

**I**st du auß der xvj. Sternen ainen die stund erkennen / so lege den faden auff den selben Stern im angesicht des Quadranten / vnd ruck die vnderest Perla auch auff den Stern / so ist die Perla gericht wie sie sein soll / in allen angesichten des Quadrantens: allein in dem angesicht 47.48.49. graden / dieweyl die stern vnden in ainem besondern circelstich stehen / so du den faden dar auff legst / solt du die Perla dahin richten / wo dasmal der faden durchschneit die 12 oder mittags stund / vnd nit auff den Stern. Wann du die Perla gericht / vnd den stern am hymel erkent hast / so fer das Centrum des Quadrantens gegen dem stern / vnd schaw durch die zway grössern löchlein der absehen zu dem selben stern ( darzu die margarit gericht ist ) vnd merck welche stund die Perla vor oder nachmittag anzeigt. Das du aber weist ob du die stund vor oder nach mittag nemen solt / mustu auß dem erkennen. Ist der stern ( dardurch du die stund suchen wilt ) von dem mittags circel ( verstee / wann du durch den Polum vnd deinen haubt punct / gegen Mittag / ein lini im hyn gedenckest ) gegen auffgang der Sonnen / so nym die stund vormittag. Ist aber der Stern über den mittags circel gegen vndergang / so must du die Stund nach mittag nemen: desgleichen solt du auch mit dem Mon vnd Planeten verstee. Die selbig stund such auch vor oder nachmittag im Rücken des Quadranten / darauff lege den stundzanger / vnd ruck den fürgenomnen stern mit der andern scheyb vnder den zanger: wann du darnach den stundzanger auff den selben tag legst / so zeigt er an die rechten stund die du gesucht hast.

## Das xvj. Cap. wie man zu nacht durch die Stern zu erkantnus des Tags komen mag

**S** du in der wochen oder im Jar irr bist / vnd wanst nit was fürlein Tag ist / vnd wilt zu nacht bey den Sternen den Tag erkennen lernen: So nym für dich einen bekanten stern / vnd such sein stund mit der Perla / die selbig stund merck mit vleys: vnd du müst auch die rechte stund haben des Tags durch ein schlafentes werck ganz vleysig / auff den augenblick der auffmerckung. Die stund so der Stern durch die Perla angehaigt hat / such in dem rücken / darauff lege den stund zanger / vnd ruck darunter den selben stern / wo er stehet auff der ander scheyb / wann die selbig also vnerruckt bleybet / vnd du den stundzanger auff die rechten stund legest / die das schlafend werck anzeigt / so hast du den Tag den du gesucht hast vnder der geraden lini des zangers.



Das xvij. Cap. wie man zu nacht durch  
das gestirn des Herwagens die stund erkennen sol.

**S** du wilt durch den Herwagen (das ist der groß Beer) die stund zu nacht sachen / so set dich mit deinem angesicht gegen dem Polo / als ich dich in dem 7 Capitel gelernt hab vnd halt den Quadranten mit dem centro E übersich / vnd fher das angesicht des Quadranten gegen dir / den rücken gegen dem Polo / vnd halt in übersich das du den Polum (das ist den Meerstern) durch das mittel loch des Quadranten sehen magst / vnd ruck den stundzanger vmbher / als Er mit der waren lini treff an das gesicht / so du die zway hyndern reder des herwagens siehst (das alles soll mit ainem aug geschehen / das ander zugehalten werden) vnd halt den zanger vnuerruckt. Nimm das instrument zu dir / vnd ruck die ander scheyb mit dem zwysfachen creüzlein F / oder den lezern zwayen sternern des Herwagens (die stehen bey dem 20 Tag Augusti) vnder die gerade lini des zangers. Wann du darnach den zanger auff den Tag des Monats der andern scheyb legst / so zaget Er die rechten stund / darnach du gesücht hast. Diser brauch ist sich nach der Polushöch nicht verkeren / sonder beleybt in allen landen gerecht als vil es möglich ist.

Das xviii. Cap. lernt wie man die Pla-  
neten stund zu nacht finden soll.

**W**ann du die gemainen stund zu nacht gefunden hast / oder dir sonst ein stund der nacht fürnimmst die Planeten stund zu wissen. Das solt du auch verstehen / wann du über ein halbes Jar zuuor auff ain gewisse vnd gemaine stund / die Planeten stund finden woltest (daraus man zuletzt den regierenden Planeten findet) so such den grad der Sonnen auff den selben Tag / vnd nimm seinen gegenwurff. Als wann die Sonne im 12 grad v / so nimm du den 12 grad z / vnd leg die Perla in der Planeten laytter (verste in der lini A B) auff den gegenwurff der Sonnen / als im Exempl auff den 12 grad der Wag / Darnach fñer den faden mit der Perla auff die 12 stund / das ist die mittags stund (wirdt aber auff dis mal die mitternacht stund) vnd wann die Perla ligt auff der 12 stund / merck wo der faden die 6 stund der Planeten stund berür / dahin ruck die ober perla / so findt die Perlen bede recht gerichte: Darnach gedenc nicht anders / dann das die stunden des Tags allenthalben stunden der nacht seind: die stund vormittag werden hekunder stund vor mitternacht z. Auff welche stund du die Planeten stund wissen wilt / leg den faden mit der vndern perla / so zaget dir die ober perla die rechten begerten planetenstund. Begerst du die planeten stund vor mitternacht / so nimm die zal vonn 1 bis auff 6 / aber nach mitternacht vonn der 6 stund bis 12 / das ist der auffgang der Sonnen.

Das xix. Cap. wie man die stund des auff-  
gangs vnd nydergangs der Sonnen erkennen soll.

**S** du die vnderst Perla / zu finden die stund des Tags / gericht hast / so lege die gestracks auff die lini E D G / so siehst du bald welche stund die Sonn auffgehet in den stunden vormittag / vnd in denen nachmittag wann sie nydergehet.



## Das XX. Capitel/ von der Tagleng vnd Nachtleng / wie sie soll gesucht werden.

**B**is der Stund des Auffgangs oder nydergangs der Sonnen  
magst du leychtlich die Tagleng vnd nachtleng finden: wann du allein subtra-  
hirst die stund des auffgangs von 12 stunden/ so bleybt halbe Tagleng (von  
künstlichem Tag zu reden) subtrahirst du die stund des Nydergangs von 12  
stunden/ so bleybt halbe nachtleng: zwyseltige yetlichs in sonderhait/ so hast du die ganze  
Tagleng vnd ganze Nachtleng.

## Das XXj. Cap. Von den regierenden Planeten/ vnd wie du sie bey Tag vnd bey Nacht suchen solt.

**W**ann du die Planeten stund auß obangezeigten Capiteln ge-  
funden hast/ vnd wilt wissen welcher Planet die Element vnd Elementischen  
corper regiert/ die selbig vngleich stund/ darvon dann die alten gar vil gehal-  
ten haben/ die vsach aber bey den newen nicht sonderlich erkendt ist/ darumb  
sie von inen auch hynder gelegt werden. Vegerst aber du den zu wissen am Tag/ so such  
über der Taffel des tags die vngleich oder Planeten stund/ vnd bey der lincken handt den  
namen des Tags in der wochen/ vnd in irem winckel da die lini zusammen kommen/ sin-  
dest du den regierenden Planeten. Ein geleychnus/ An ainem Freytag wil ich wissen  
vmb die 4 stund ( verstee die vierd Planeten stund) den regierenden Planeten/ So ich  
im recht thu/ so sind ich h / der ein regieret ist der lufft vnn natur der menschen vnd an-  
derer elementischen corper/ als vil im dann die alten erkent vnd zügemessen haben.  
Deßgleichen solt du auch den regierenden planeten suchen/ auff die planeten stund der  
nacht/ auß seiner angnen hyenachgescheten Taffel.

### Taffel der regierung der Planeten nach den vngleichen sinnden des Tags.

Planetenstand	1	2	3	4	5	6	7	8	9	10	11	12
Sontag	☉	♀	♂	☿	♂	♂	♂	☉	♀	♂	☿	♂
Montag	☿	♂	☿	♂	☉	♀	♂	☿	♂	☿	♂	☉
Erichtag	♂	☉	♀	♂	☿	♂	☿	♂	☉	♀	♂	☿
Mittwoch	♀	☿	♂	☿	♂	☉	♀	♂	☿	♂	☿	♂
Donnerstag	☿	♂	☉	♀	♂	☿	♂	☿	♂	☉	♀	♂
Freytag	♀	♂	☿	♂	☿	♂	☉	♀	♂	☿	♂	☿
Sambstag	♂	☿	♂	☉	♀	♂	☿	♂	☿	♂	☉	♀



**Taffel der regirenden Planeten zu Nacht nach  
außtanlung der vngleichen stund.**

Vngleich stund	1	2	3	4	5	6	7	8	9	10	11	12
Sontag	4	♂	☉	♀	♀	♂	♂	4	♂	☉	♀	♀
Montag	♀	♀	♂	♂	4	♂	☉	♀	♀	♂	♂	4
Dinstag	♂	4	♂	☉	♀	♀	♂	♂	4	♂	☉	♀
Mittwoch	☉	♀	♀	♂	♂	4	♂	☉	♀	♀	♂	♂
Donnerstag	♂	♂	4	♂	☉	♀	♀	♂	♂	4	♂	☉
Freitag	♂	☉	♀	♀	♂	♂	4	♂	☉	♀	♀	♂
Sambstag	♀	♂	♂	4	♂	☉	♀	♀	♂	♂	4	♂

**Das XXij. Cap. Von der Am-  
plitudo des Auffgangs vnnnd Nyder-  
gangs der Sonnen/Mons/ Planeten  
vnnnd der unbeweglichen gestirn.**

**A**mplitudo ( wie ich vormals im Achten Capittel des Ersten  
capls auch beschriben hab ) ist der bogen des Horizonten zwischen dem Auf-  
gang des Equinoctials ( das der ware auffgang genandt wirt ) vnnnd dem  
auffgang der Sonnen / oder aines sterns begriffen ist. Geschicht der selbig  
auffgang oder nydergang gegen mittag / so heysst Amplitudo ortus meridionalis / das  
ist / die weyt des auffgangs gegen mittag. Gegen mitternacht wirt es genandt die weyt  
des auffgangs oder nydergangs gegen mitternacht. Die Amplitudo ist gut vnd nuz so  
man die Planeten oder ander gestirn durch yren auffgang erkennen wil. Wilt du wissen  
oder erkennen die Amplitudo des auffgangs der Sonnen : wann du die Perla / gleich wie  
du in der abnemung der stunden / an ire stat gericht hast / so leg sie mitsampt dem faden  
auff die lini E G / so zeigt dir die Perla die grad mit sampt der zyffer wie weyt die Sonn  
im horizonten auffgehet gegen mittag oder mitternacht / gleich die selbige grad nym für  
die amplitud des nydergang. Wan du nun die amplitud des auffgangs eins Planeten  
oder eins andern stern / auß dem angesicht des Quadranten gefunden hast / vnd wilt den  
selben stern / durch die selben amplitud erkennen / so merck auff die stund seines auffgangs.  
Die selbigezeit nym für dich den Quadranten / vnd fhr das angesicht übersich. Ist die  
amplitud gegen mittag ( verstee vom rechten auffgang ) so setz einen gemainen Compas  
mit ainer scheyten / die der 12 stund gleichständig ist / auff die lini E G / darauff die am-  
plitudines stehen / vnnnd ruck den Quadranten mitsampt dem Compas / biß das das G  
gleich gegen mittag vnd das zünglein im Compas recht stehet / als dan zeigt dir die lini  
E F den warn auffgang : wan du vom F ( in circel F G ) zehest gegen dem G die gefun-  
den amplitud / grad für grad / so hast du die gelegenheit / in welcher der stern auffgeen wirt.  
Ist aber die amplitud gegen mitternacht / so setz den Compas auff die lini E F / vnd fhr  
das E gegen mittag / so zeigt dir das G den warn auffgang : Von dan zel gegen dem  
F / im circel F G die amplitudo / daselbst hinaus wirt der selbig Planet oder stern auff  
gehen. Vnd dieweyl Er gemainiglich groser ist dan andere / in der selben refir / ist er auß  
dieser gelegenheit / leycklich zuerkennen.




# Das Dritt Tayl dieses Buchs

ist vonn der messung der gebew/wie hoch/brant  
vnd langf die sindt/vnd wie weit ains von dem andern  
steht/dergleichen auch von natürlichem wasserfuren.

Das Er Cap. wi man die höch eines  
Thurns auß dem schatten des Thurns/ver-  
mittel dieses Quadranten abmessen soll.

**S** Das ich von der messung/der höch/tieff/vnnd brant schreib/  
wil von nöten sein/das ich anzeige/was umbra recta oder umbra versa sey:  
Umbra recta/ist der recht schat/das ist.wenn der schat als langf ist als das  
gebew oder kürzer: darumb wann der faden felt auff die punct des rechten  
schatens/so ist der schat kürzer dann der Thurn hoch ist. Ist aber der schat lenger dann  
der Thurn hoch ist/so haßsen die punct (die der faden berürt) des verkehrten schatens zu  
Latein/Puncta umbræ versæ. Es gefiel mir auch wol/wann man die punct umbræ  
rectæ nennet den kurzen schatten/vnd die punct umbræ versæ den langen schatten.

Wann du durch diesen Quadranten messen wilt/wie hoch ein Thurn sey/oder sonst  
ein gebew/darzu man auff der erden nach rechter eben gehen mag/So laß die Sonn



oder den mon durch die löch  
lein der abschen scheinen/vñ  
merck den faden: Felt er auf  
100 punct in dem circel H.  
J. oder im vndern Circel  
auf 45 grad/so ist der thurn  
gleich als hoch als der schat  
langf ist: wañ du den schat-  
ten mit einer elln/oder sonst  
einem gewöhnlichen maß mis-  
sest/so hast du den Thurn  
auch gemessen. Als/ist der  
schat 80. schrit lanck/so ist  
der Thurn auch 80. schrit  
hoch. Wañ aber der faden

mit gerad auff 100 punct feldt/so magst du wol verziehen biß die Sonn oder der Mon  
höher oder niderer steet/vnd der faden auff 100 punct falle: als in diser figur anzeigt ist.

Das Ander Cap. wie du abmessen solt die  
höch/so der fadē felt auf die punct des rechten schatens.

**S** Elt der faden in dem abschen/vnnd berürt den rechten schaten  
so ist der Thurn oder dasselbig gebew höher dann der schaten lanck ist. Als dann  
mußt du die höch also erfinden/durch diß geleychnus. Felt der faden auff 50.  
punct/so ist der schat halb so lanck als der Thurn hoch ist. Feldt aber der schat  
auff 25 punct die weyl 25 ein 1/2 ist auß 100/so ist der schat (nach seiner leng) auch 1/2 des  
Thurns hoch. Vnd die punct sollen also in die regel gesetzt werden.



Wann der faden gefallen wer auff 25 punct des rechten schatens / vnd der schatt ist lang 42 schrit oder Ellen / Setz in die Regel / Sprich / 25 geben 42 was geben 100? Multiplicir 100 mit 42 / kummen 4200 / die tayl in 25 / die taylung gibt 168 schrit / so hoch ist der Thurn. Darauff nym dir disen verstand / als / wann du den schatten taylst in 25 tayl / so ist der Thurn der selben tayl 100 hoch.

Dise messung wirdt angekeygt durch dise figur.



Das dritt Cap. wie man messen soll die höch durch den schatten der Sonnen oder des Mons durch disen Quadranten / so der faden auff die punct des umbkerten schatens fällt.

**E**s ist auch wol zu wissen / wann du durch den schatten messen wilt / das es nit not sey das du zu dem schaten geest: Sonder laß die Sonn oder den Mon durch die löchlein scheynen / vnd merck die punct die der faden berürt: vnd wann ein ander / gleich zu der selben zeit den schatten miß / mit schritten oder Ellen / so magst du die höch finden: als wol / als werest du selber bey dem schatten des Thurns. Damit kein zufälliger artickel zu dem messen außgelassen werd /



wil ich dir dis exempl geben / Ich setz / der faden fall auff 75 punct des gewentn schatens / vnd der schat ist lang 240 schrit: sprich nach art der weissen regl / 100 geben 75 was geben 240? Multiplicir 240 mit 75 / kummen 18000 / die tayl in 100 / so gibt die selbig taylung 180 schrit / so hoch ist der selbig Thurn.



**Das Vierd Cap. wie man die höch der  
gebew oder Thurn durch das absehen messen  
soll/one den schatten der Son vnd Mons.**

**D**ie höch eines Thurns mit dem Quadranten abzumessen/ So  
nym für dich ein ebne / auff das du zu dem gebew ganz hynzü gehen mügest /  
vnd heb den Quadranten auff für dein angesicht / ther das Centrum (das ist  
das C) gegen der höch des Thurns/ vnd schaw mit ainem aug vleyssig durch  
die zway grössern löchel zu den knöpfen des Thurns / oder sonst einem gemerck / darzü  
du die höch wissen wilt / von der erden/ (das ander aug solt du allemal in der messung zu  
halten) felt der faden gleich auff 100 punct in dem bogen H Y / so miß von deinem fuß  
wie vil schrit / Ellen / oder ein andere maß sey zu dem grund des Thurns / darzü thū deine  
leng / so hast du die rechte höch des Thurns. Felt aber der faden nit gleich auff 100 punct  
oder 45 grad / des vndern Circels / so gehe gerad hynder sich oder für sich / vnnnd thū das  
so lang / biß der faden auff 100 punct oder 45 grad falle / so hast du die höch des thurns  
wie ich dich gelernt habe. Ein Exempel / der faden ist gefallen auff 45 grad / oder 100  
punct / vnd zwischen deinem fuß vnd thurn sint 78 schrit / der messer ist lang oder hoch  
2 schrit / thū 2 zu 78 / kommen 80 schrit / so hoch ist der thurn.



**Das Fünfft Cap. Wann du vnge-  
ferlich steest wo du hin wilt / vnd wilt die  
höchdes thurns oder gebew abmessen.**

**I**n der Ersten stat (du siehest vngeserlich wo du wellest) so du  
nicht hynder sich noch für sich gehen wilt / vnnnd dennoch die weyten zu dem  
grunde des Thurns messen kanst / on hyndernus der gebew / So siech die höch  
ab durch die löchlein / wie du im nechsten Capittel gelernt hast / felt der faden  
auff die punct des verkeren schatens / so ist die weye vonn deinem fuß zu dem grunde des  
Thurns nit so lang als der Thurn hoch ist. Den rechten proceß diser messung nym auß  
disem Exempel / als / der faden sey gefallen auff 75 punct des rechten schaten / vnnnd zu  
dem thurn vonn deinem fuß sint 300 schüch / setz in die regel / Sprich / 75 geben 100  
schüch / was geben 300 punct. Multiplir 100 mit 300 / kommen 30000. das tayl



in 75 / der Quotient ist 400 schüch / darzu thū dein höch das sint 2 schüch / Also ist der thurn 402 schüch hoch. Begibte sichs aber das der faden fall auff die punct des gewenten schatens / so thū im also / Ich seß der faden sey gefallen auff 40 punct des lengern




schatens / Die weyt von deinem fuß zum thurn ist 1000 schüch / stehet nun der kauftmans regel / 100 geben 40 / was geben 1000? schüch. Multip. 1000 mit 40. werden darauß 40000 / das tayl in 100. so kombt im Quotienten 400 schüch / das ist die höch des Thurns wann du deine höch biß zu dem aug darzu thuest.

Dise zwen articel werden durch dise ainige figur erklärt.

### Das Sechst Cap. wie du die höch eines Thurns abmessen solt / wann du zu dem grund nit gehen magst vor andern gebewen.

**L**S begibt sich oft das ainer einen Thurn abmessen wil / auff dem ebenen feld / vnd der Thurn stehet in einem Schloß oder in einer Statt / daselbst mag Er zu dem grundt nit messen / von dem standt seynes absehens / von wegen der gräben vnnnd gemeür. Darumb muß der messer zweymal die höch absehen. Wann er zum ersten den Thurn abgesehen hat / so soll er gerad hynder sich oder für sich geen / nit auff ein seyt. In solher messung felt der schaten gewönlich auff die punct des langen oder vmbferten schatens / wie du damit handeln solt magst du leichtlich erkennen auß disem Exempel. In der ersten stat oder absehung / felt der faden auff 50



punct des verkeren schatens / damit tayl 100 / kkommen 2. Darnach in dem andern absehen felt der faden auff 25. punct / auch des gewentten schatens / tayl 100 auch in 25 / kkommen 4 / darnach subtrahir 2 von 4 bleyben 2. die solt du den tayler nennen. Darnach miß wie vil schrit oder Ellen von einer stat zu der andern seyen ( verstee wo du die zweymal gestanden bist ) da findest du 246 schrit die tayl in den tayler ( das ist

2 ) kkommen auß der taylung 123 schrit / so du deine leng darzu thuest / so hast du die höch des Thurns 125 schrit. Das magst du in diser figur augenscheinlich erkennen.



Ein Exempel wann der faden inn beden absehen auff die punct des rechten schattens felt (welches selten geschicht) Ich setz er sey in dem Ersten absehen gefallen auff 80 punct/in dem andern auff 25 punct. Vezunder subtrahir 25 von 80/ bleibt der tayler 55. Von einem standt zu dem andern sint gewesen 32 schüch. Vezund multiplicir 80 punct mit 32 schühen / macht 2560 / die tayl in den tayler 55 / gibt die taylung 46  $\frac{2}{5}$  schuch / das ist die höch des thurns / so du dein lenge vonn den füessen zu dem aug darzu legest. So aber inn einem absehen der faden felt auff die punct des rechten schattens / Vnd in der andern stat des absehens auff die punct des gewenten schattens / so thū wie dich diß Exempel lernet. Ich setz in der stat des Ersten absehens / feldt der faden auff 91  $\frac{1}{2}$  punct des rechten oder kurzen schattens : in dem andern absehen auff 83  $\frac{1}{2}$  des gewenten oder langen schattens : darnach diuidir 1000 (das ist die geurdt zal von 100 puncten) in 83  $\frac{1}{2}$  / kombt auß der taylung 120 / das ist nichts anders / dann das du die punct des gewenten schattens / in punct des rechten schattens verfert hast : von den selben 120 subtrahir 91  $\frac{1}{2}$  / bleiben 28  $\frac{1}{2}$  punct. Darnach so du mißt von ainer stat der obseruation oder abschung zu der andern / vnnnd hast gefunden 90 schüch / must du es also in die regel setzen / 28  $\frac{1}{2}$  geben 120 / was geben 90 ? Multiplicir 90 mit 120 / bringet 10800 die tayl in 28  $\frac{1}{2}$  / kommet daraus 381  $\frac{1}{2}$  schüch / so hoch ist der Thurn / mit deiner lenge.

**Wie man die höch eines Thurns messen soll / wan ainer auff einem Berg stehet / des gleichen wann ainer etwas anders in der höch messen wil / als / wie hoch ein fenster sey / oder ein Ba den / oder ein spiz auff einem Thurn etc.**

Dieweyl dises Capitel weiter erstreckt vnd gebraucht werden mag / hab ich es nit zertaylen wollen / sonder wil alhie mit kürz noch einen articel begreiffen / Wann du einen Thurn abmessen woltest / der auff einem berg gelegen wär / so must du das durch dises Capitel thun / vnd kain anders. Aber zum ersten must du suchen die höch des thurns vnnnd des Bergs / miteinander / darnach des Bergs höch in sonderhant / das alles durch dises Capitel / Wann du die höch des Bergs subtrahirst oder abzeichst vonn der höch des thurns vnd des bergs miteinander / so überbleybe die höch des thurns / die du begert hast. Also thū jm auch mit andern dingen nach anfangung des titels.

**Das Siebend Cap. wie man die weyt eines Thurns von dem andern messen soll / wenn der messer in dem ainen Thurn stehet.**

**S**o du messen wilt wie weyt ein Thurn von dem andern stehet vnd du auff dem ainen thurn bist : so schaw zu einem fenster heraus / das am aller nydersten stehet am thurn / vnd laß den faden hangen auff die lini E G / also / das der faden khainen grad berür / vnnnd merck durch die löchlein einen punct oder zaychen an dem andern thurn / der gut zuerkennen ist. Darnach steyz hinauf in den thurn / vnd siech zu einem andern fenster hinaus / doch das die zway fenster ob einander stehen auff ainer seytt des thurns / vnd schaw wider durch die absehen auff den gemerckten punct oder zaychen an dem andern Thurn / da du zum ersten auch hym gesehen hast / vnd merck welchen punct der faden berür / vnder den puncten des langen schattens /



(Darauff es dann allemal fallen muß / so allein die thürn etwas mercklichs voneinander stehen) Ich setz der faden sey gefallen auff 25 punct des langen schattens / darnach miß wie weyt / oder wie hoch ein fenster von dem andern sey (verstee / von dem punct / do du dein aug in den zwayen abmessung gehabt hast / so du abgesehen hast das zaychen am andern thurn) Ich setz die fenster sint voneinander 15 ellen. Nachs durch die regel / sprich 25 geben 100 / was geben 15 ellen? Multiplicir 100 mit 15 / kommen 1500 / die tayl in 25 / entspringen 60 ellen / so weyt stehen die thürn voneinander. Dife regel kanst du zu vil dingen brauchen / als wann du wissen wilt / wie weyt über ein wasser oder graben sey / so nym dir für ein gemerck ienset des wassers / vnnnd an der stat des absehens nym dir vor zwö stat für übereinander / als an einem Baum oder stangen / daran du auf vnd ab kommen magst.

Nym einen bessern verstandt auß diser figur.



### Das Acht Cap. wie einer die höch eines Thurns messen soll / wann Er auff dem Thurn ist.

**W**ann du auff einem Thurn bist / vnnnd wilt durch disen Quadranten messen / wie hoch derselbig Thurn ist / So nym dir für zway fenster in gleicher höch von der erden / auch das sie an einer wandt oder seitten stehn des thurns / vnd nym dir für ein gemerck auff der erden / das du nach der seitten des Thurns sehen magst / vnd schaw durch die löchlein das gemerck zu beden fenstern auß / vnd merck welchen punct der faden betrifft in beden fenstern. Merck auch mit vleysß das du den Quadranten / desgleichen dein aug / inn beden absehen in ainer höch habest von der erden: vnd nymwar / wie weyt von einer stat des absehens ist zu der andern stat (verstee von der stat des augens) Nym ein Exempel / das aug ist 10 ellen in beden absehen von einander gewesen / In dem Ersten absehen ist der faden gefallen auff 20 punct des rechten oder kurzen schattens (als dann gewönlich geschicht) In der andern observation auff 35 punct auch des kurzen schattens / subtrahir 20 von 35 bleyben 15 /



Thunder set in die regel / Sprich 15 geben 100 / was geben 10 Ellen? (das ist wie weye  
 ein absehen von dem andern geschehen sey) Multiplicir 100 mit 10 / kommen 1000.  
 die tahl in 15 / kommen 66 2/3 Ellen / so hoch ist der Thurn.

Diese figur endet den verstande genugsamlich.



Das Reündt Cap. wie man mit einem  
 absehen / das man still stehet / vnd nicht hinder-  
 sich noch für sich gehet / messen soll / wie weit du  
 zu einem Thurn hast / wann du vorhin seine  
 höch / auß anzaigung der andern Capittel /  
 gefunden hast.

**D**iese art zu messen ist vormalis in kainem Quadranten ange-  
 zeigt / ist aber gar leicht vnd gerecht. Wann du gemessen hast die höch des  
 gebewis oder thurns / so tüt an das ort / dauon du die weye zu dem thurn be-  
 gerst zu wissen / vnd darzu nit gehen magst / vnd fher den Quadranten vmb-  
 wende das Centrum E gegen dem Thurn / vnd schaw vleyßig durch die löchlein auff  
 das zaichen am thurn / dahin du die höch gemessen hast / vnd merck die punct: Felt der  
 faden auff 100 punct / so ist eben so weye zu dem Thurn als der thurn hoch ist / weniger  
 deiner lenge / so du deine höch oder leng subtrahirst / von der höch des thurns / so bleybt die  
 weye deines standes von dem thurn. Dises Capitel ist gar nützlich vnd leicht zu brauchen.  
 Felt der faden auff die punct des gewenten oder langen schattens / so hast du weyter  
 zu dem thurn dann er hoch ist. Das sind also. Ich setz der Thurn sey hoch 123 schrit /  
 dauon nym dein leng (die setz ich auff 2 schrit) bleyben noch 121 schrit / vnd der faden  
 berürt 75 punct des verkeren schatens / setz die zal in die regel also / 75 geben 100 / was  
 geben 121? Multiplicir 121 mit 100 / bringet 12100 / das tahl in 75 / kommen  
 161 2/3 schrit / so weye hast du zu dem thurn. Felt aber der faden auff die punct des kurz-  
 sen oder rechten schatens / so ist nit so weye zu dem thurn als er hoch ist. Ich setz der faden  
 fall auff 80 punct des kurzen schatens. Sprich 100 punct geben 80 punct / was geben  
 121 schrit? Multiplicir 121 mit 100 / kommen 9680 / das tahl in 100 / werden in  
 der taylung 96 schrit / so weye hast du zu dem thurn. Etlich mainen solhe messung



sey vnnützlich durch den Stab (welchen sie gewöhnlich nennen den Jacobs Stab) zu  
wegen zubringen / Darzu sprich ich / das es die aller leichtest vnd gewishest messung sey /  
durch den selbigen Stab: daß du magst an einer stat / wo du hin steest / darmit constant  
wissen / wie weit du da hin hast / on alle messung auff der erden. Deßgleichen mag man  
damit auch messen vnd finden / in welchem zaychen vnd grad / nach der leng vnd brayt /  
ein yestlicher stern stehet / Davon liß das büchlein das ich vom Stab geschrieben hab.



Das Zehend Cap. Wie man die weyt  
eines fürgenommenen dings / an der Erden von  
dem Thurn messen soll / so der messer auff  
der hoch des Thurns ist.

**D**ie weyt zu finden / mußt du zum ersten auß dem viij. Capittel  
suchen die hoch des Thurns (verstehe durch das selbig gemerck / darvon du den  
die weyt des Thurns wissen wilt) vnnnd merck auff welchen punct der faden  
hang in der ersten vnd fördern abmessung / als in diser figur der büchstaben a a  
bedeuten ist. Setz der faden auff den rechten oder linken schatten / als 20 punct / vnd der  
Thurn ist 66 Ellen hoch: Sprich 100 geben 20 / was geben 66 / bringe nach der re-  
gel 13 Ellen vom Thurn  
zu dem Thurne c.



Setz aber der faden auff die  
punct des gewentn oder lan-  
gen schattens / als auff 40  
punct / Setz in der regel 40  
geben 100 was gibt die hoch  
des Thurns 66 2 nach art  
der regel bringest du darauf  
166 Ellen / so weyt ist von  
dem thurn darauf der messer  
steher / zu dem thurn d d.



## Das Vnlfst Cap. wie du einen Thurn messen solt/wie hoch Er ist/wann du auff et- nem höhern berge oder Thurn bist.

**I**m Ersten/ auß dem nechsten Capitel muß wie weyt derselbige Thurn stehet von dem Thurn darauff du bist: auch wie hoch der selbig thurn ist darauff du bist auß dem 8 Capitel. Ich setz du habst die weyt gefunden/ vnd sey 56 Ellen/ vnd der Thurn ist hoch 66  $\frac{2}{3}$  ellen: wann du gesunder von deinem thurn auff die höch des andern thurns siehest/ vnd findest das der faden hangt auff 70 punct des kurzen oder rechten schatens/ Setz in die regel/ sprich/ 70 punct geben 100 punct/ was geben 13  $\frac{1}{2}$  ellen? wann du volbracht hast die rechnung nach der kauffmans regel/ so findest du 19  $\frac{1}{2}$  ellen/ die subtrahir vonn der höch des Thurns 66  $\frac{2}{3}$ / so bleybet die höch des selben thurns 47  $\frac{1}{2}$  ellen das du gesucht hast. Wann aber der faden felt auff die punct des verterren oder langen schatens/ als auff 80 punct/ vnd zwischen dem selben thurn vnd des darauff du steest sint 166  $\frac{2}{3}$  ellen. Der thurn darauff du bist wie vor 66  $\frac{2}{3}$  Ellen hoch. Jesunder gebrauch dich der regel Dctri also/ so findest du die höch des andern thurn sprich 100 punct (der ganz lang schat) geben 80 punct/ des langen schatens/ was geben 166  $\frac{2}{3}$  ellen/ Nach der regel findest du 133  $\frac{1}{3}$ / Setz dise zal wider in die regel mit der höch des thurns/ auch mit der weyt der thuern/ also 166  $\frac{2}{3}$  geben 133  $\frac{1}{3}$ / was geben 66  $\frac{2}{3}$ / nach art der regel findest du 53  $\frac{1}{3}$ / das subtrahir von 66  $\frac{2}{3}$ / bleybt die rechte höch des Thurns 13  $\frac{1}{2}$  ellen/ die du begert hast. Den verstant diser wort magst du leyhelich auß der figur des nechsten Capitels vor disem nemen.

## Das Zwelfst Cap. wie man die tieff der Brünnen künstlich messen soll.

**S**o du die tieff eines Brunnens mit disem Quadranten messen wilt/ solt du zum ersten die weyt des Brunnens messen/ Ich setz er sey weyt 5 ellen/ halt daran den Quadranten/ fher das centrum übersich zu deinem gesicht/ vnd merck die punct/ als/ es berür den 30 punct des kurzen schatens/ Setz in die regel/ sprich 30 punct geben 100/ was geben 5 Ellen? nach der art der regel findest du 166  $\frac{2}{3}$  ellen/ so tieff ist der brunnens biß auff das wasser. Durch das wasser biß auff den grunde magst du in der gestalt nicht messen/ dann das gesicht durch die dick des wassers zerbrochen vnd übersich getriben wirdt/ als dich dann die Perspectiua lernet.


Das ich dir aber kaine regel gebe/ so der faden felt auff die punct des vmbkerren schatens/ ist die ursach/ das kain Brunn so weyt ist/ das 56 auff die selbige punct fallen möcht/ vnd das wär gleich als ein vnmüglich ding/ Darumb hab an diser leer ein genügen.

Du solt auch mit vleiß absehen zum ersten/ das du die weyt des Brunnens mit weyter nymest/ dann der Brunnens auff dem wasser weyt ist. Das magst du wol innen werden/ wann du eine stange über den Brunnens legest/ vnd zum ersten nach dem Bleygewicht einen punct suchest auff der stange/ der dem wasser gleich ist/ dasselb thû zu beden seytens.

Die gestalt diser messung ist in diser nachgesetzten figur augenscheinlich angehangt.



Dise figur lernt dich / wie du dich zu der vorange-  
 zangten messung des Brunnens stelln solst.



Das xiiij. Cap. wie man absehen soll die  
 Brunnenn/ob man das wasser daraus auff ein  
 Schlos oder Stat bringen mög oder nit.

**M**er wol dir gar ein schlechte kunst ist/doch (als ich offte  
 gehört hab) daß vil menschen unbekandt/ Darumb wil ich das mit wenig  
 worten begreiffen. Wann du einen Brunnenn hast/ vnd den selben durch  
 die rören oder deichel geren inn ein Schlos oder Stat führen woltest: ob das  
 möglich sey oder nicht solt du also erfahren. Stehe zu dem Brunnenn/ oder nahent daben/  
 vnd halt den Quadranten dem wasser des Brunnenns gleich/ also/ das der faden hang  
 gerade auff der lini E G/ vnd schaw zu der selbigen Stat oder Schlos/ siehst du durch



die löchlein über das Schloß  
 oder Stat/ so ist das mög-  
 lich/ wo du aber vnder die sel-  
 bige siehest/ so ist das vnmög-  
 lich. Vnd als siehst du darun-  
 der siehest/ als hoch magst du  
 das wasser führen.

Dise leer ist leicht auß diser  
 figur zuuersteen/ so du die sel-  
 bige mit vleys anschawest.



Zu zeyten begibt es sich/das der Brunn so weit von der Stat ist/  
das vil bergz vnd thal dazwischen sint/das man die Stat (so einer steet bey dem Brun-  
nen) nit sehen mag/vnd widerumb den Brunnen/so du stehest bey der stat. Alsdann solt  
du bey dem brunnen anheben/vnd durch die löchlein sehen/gegen einem berg/vnnd dir  
ein güts gemerck farnemen: wann du dahin kommest solt du aber weyter schawen zu ei-  
nem andern berg/vnd dir das ander zaychen oder gemerck farnemen/desgleichen zum  
dritten oder vierden mal/so lang du von ainem gemerck die Stat oder das Schlos sehen  
magst. Verstehe also/das alle mal der saden mit dem Bley auff die lini E G hange.  
Geet alsdann zu lest dein gesicht durch die löchlein höher dann das Schlos oder Stat  
ist/so ist es wol möglich das du das wasser hyn ein bringest: wo aber dein gesicht vnder die  
Stat oder Schlos/an den Berge trifft/daselbß hyn bringst du das wasser/vnnd nicht  
höher/aber dennoch ganz schwach: vnd ye tieffer du daselbst das wasser auflest/ye stär-  
ker das leufft. Das alles wirdt bedeuñt durch dise figur.



Es ist von nöten/ehe das man die wasser in ein Stat füer/mit gros-  
ser kost vnd arbeyt/das man sie vorhin wol probir/ob sie dem menschen gesundt sint oder  
nit/Also/das sie süß seind/schön/liecht/lautter vnd clar/ring oder leicht am gewicht/  
vnnd so es weyt rint kein Bymß/schilff oder gemüß darinn wachße/dann die selbigen  
wasser findt nit gesunde. Auch ist das ein zaychen der gesundthait/wann man die zye-  
meß bald darinn kochen mag/vnd ye belder ye gesünder. Vnd man solt zum ersten  
auch wol besichtigen/wann das wasser inn einem gar rannen topff oder hassen gefotten  
wirdt/vnd ain weyl still gestanden ist/vnd gemach heraus gossen/ob es an dem grunde  
des hassens/schleym/grieff/oder sandt gelassen hat: hat es der khains gelassen/so ist es  
auch ein zaychen der gesundthait. Des gleichen/wann ein tröpflein desselben wassers  
auff einen spiegel oder sonst auff ein palirt metall gegossen wirt/vnd wider aufgetructent  
vnd kein mackel vnder ime gelassen hat/ist auch ein zaychen der gesundthait.

Auch wann du von newen einen Brunnen süchen vnnd graben woltest/vnd gewiß  
sein wilt/ob du wasser finden magst oder nit/So thü jm wie Victruuus anhaigt also/  
Vor der Sonnen auffgang/ehe die Sonn die feuchtigkait der nacht verzert/gee dahin  
da du gern ein Brunnen graben woltest/vnd lege dich nider auff den Bauch/vnd erheb  
das kin ein wenig über die erden/vnd mußt hyn vnd her guken/in gleicher höch/nicht zu  
hoch über sich: wo du findest anffriechende feuchtigkait/durch einander schwärbeln/wie




ein reysender nebel / daselbst ist on zweysel verborgen wasser im erdrich. Du solt auch nit gedencken / das man die Brunn nit anders suchen künd oder mög / dann also / sonder es sint noch vil ander natürliche künste / damit man das verschlossen wasser finden kan / die selbigen künste werden aber in grosser haymlichkeit behalten.



**Das xiiij. Cap. wie man durch einen flachen Spiegel / oder durch ein Stillsiehende wasser / die höch der gebew messen soll.**


**I**n yeclich Körperlich ding / so es über einen Spiegel oder sonst über ein polirte materi erhöcht wirt ( ob es schon nit nahent dabey ist ) selt auff die flech des Spiegels ( ich rede von den flachen Spiegeln / nit die von glas gemacht vnd gebogen sint ) gerad nach dem winckelmas : ob schon der Spiegel nit so brayt ist / vnd erscheynt vnder dem Spiegel gleich als tieff / als es über der flech des Spiegels ist. Darumb solt du nit anderst gedencken / wann du ein gebew (oder was es sey) in einem Spiegel siechst / dann der Spiegel sey durchsichtig wie ein glas / vnd siechst den knopff des Thurns durch das glas / als stünde der Thurn vnder sich / winckel gerecht auff der flech des glas / als diß figur clärlich anzeigt.



Wan du aber den Thurn messen wilt / wie hoch Er sey / so must du nit nach der seyten des Spiegels stehen / ( ob du schon den Thurn darinne siechst ) sonder tritt in ein gerade lini für den Spiegel / also / das der Spigl zwischen dir vnd des Thurns lige. Vnd auch ist zumercken / das der spigl dem grundt des Thurns gleich nider lig / daß du kanst nit höher messen den Thurn / dann was vom thurn über die flech des spiegels ist: das solt du also verstehen / wann du die flech des Spiegels außbrayttest durch den Thurn.




Diese figur gibt diesen vorgeschribnen worten einen claren verstand / so man sie recht anschawet.






Von wegen bessers verstants der vorgesehten wort  
habe ich allhie dise figur fůrgemalct.



Damit du weiter den spigel zu der messung brauchen mögest / merck  
auff dise wort. Wann du also für den spigel steest / vnd darzu vnd darvon gehen magst /  
biß du den knopff / oder sonst ein eck des thurns im spigel siehst / müst du mit vleys mercken  
ein zaychen an der erden ( verstee gleich von dem aug herab nach dem bleygewicht ) dar-  
um so solt du wol gerad stehen / das dein aug nit für die zehen der füß / oder die zehen für  
das aug gehen. Darnach miß mit ainem bekanten maß / wie weit du von dem selbigen  
punct des Spigels gestanden bist ( darinn du das zaichen des thurns gesehen hast ) Ich  
seß ein gleichnus / du seyst gestanden vom spigel 4 Ellen / vnd von deinem füß zu dem  
aug sint 3 ellen / vom spigel zu dem Thurn 40 ellen : wilt du die hoch des Thurns dar-  
aus finden / so seß in die regel also / Sprich / 4 geben 3 / was geben 40? nach art der re-  
gel findest du 30 Ellen / so hoch ist der thurn.


Durch diese figur wirt es besser erclart.





**Das xv. Cap. zu messen die höch eines  
Thurns / wann du zu dem grundt des  
Thurns nicht gehen magst.**

**A**nn du zu dem grundt des Thurns nicht gehen magst vor ge-  
bew / gräben / wasser / oder ander hyndernus / so lege den Spiegel zwir nider /  
hab vleys das du von der ersten stat gerad hynder sich geest / oder gerad für sich  
vnd nit auff ein seytten / vnd schaw aber den Thurn im spigel / vnd merck mit  
vleys die geleger des spigels / vnd wie weyt du allemal dauon stehest. Begibt sich / das in  
den zwayen obseruation oder absehen des Thurns / die höch vom aug zu der erden lenger  
oder höher ist dann der fuß vom spigel / als in diesem Exempel ercläre ist / Ich setz du sehest  
7 schuch lang / vnd in dem Ersten absehen stehest du von dem spigel 4 schuch. In dem  
andern absehen stehest du 6 schuch von dem spigel / subtrahir 4 von 6 / bleyben 2 / vnd  
zwüschen den zwayen legern des spigels sindt 125 schuch. Setz das in die Regel detri /  
Sprich 2 geben 7 schuch (das ist dein höch zu dem aug) wie vil geben 125 schuch? nach  
art der regel findest du 473 1/2 schuch / also hoch ist der Thurn. Du solt auch besondern  
vleys haben / das du alle ding / die du messen wilt / mittlen in oder auff dem spigel siechst /  
gleich als im Centro / dann es brecht grosse irr / so der spigel groß vnd brant wär / vnd du  
sehest ainmal in der mitt den Thurn / das andermal auff der seytten / darnach wiß dich zu  
richten. Darumb hab ich dir dise figur trewlich angezaygt.




**Das xvi. Capitel / wann der standt vom  
fuß zu dem Spigel lenger ist (als am allermei-  
sten geschicht) dann der messer hoch ist / wie  
die höch des Thurns sol gemessen werden.**

**A**llemannsten begibt sich das / so du messen wilt / das du wey-  
ter vom Spigel stehen mußt dann du hoch bist / alsdann thû ihm wie dich dis  
Exempel claer lernet. Ich setz dein fuß ist vom spigel inn dem ersten absehen 18  
schuch / vnd deine leng 7 schuch. In dem andern absehen stehest du von dem spigel 28  
schuch / vnd deine leng (wie vor gesagt ist) 7 schuch. Zwüschen den legern des Spigels  
155 schuch / Nun ist die frag wie hoch der thurn sey? Zayl 18 mit deiner leng / das sine  
7 schuch / wirt in der taylung 2 1/2 / Zayl auch 28 schuch mit 7 (das ist dein höch) kom  
G ij




met 4. Darnach subtrahir 2<sup>4</sup> / das ist der tayler. In den selben tayler diuidir 155 werck  
schuch / kommen 108<sup>2</sup> / werckschuch / so hoch ist der thurn den du abgemessen hast / als  
dise nachgesetzte figur clärlich anzeigt.



### Beschlus

Diueyl dieser Quadrant seer klain ist zu dem abmessen / der höch /  
weyt / brayt / vnd tieff / solt du den darumb nit verachten / sonder du solt dardurch den  
brauch vnd verstande des messen lernen. Wilt du aber ein gewissers Instrument machen  
zu dem messen / so nim für dich ein geurdtcs instrument / als groß du wilt / in solher form  
wie ich dir allhie nachgesetzt hab / Vnd bedunckt mich das best sein / wann du ein geurdtc  
Rham machest / das ein yteliche seyt einer klafftern langf sey. Der selbigen rham tayl zwo  
seytten die zusammen stossen yteliche in 100 tayl. Besser aber wär es (diueyl die rham  
so gros ist) das man yteliche seyt in 1000 gleiche tayl taylet / oder in 10000 tayl / oder  
100000 / ye mer ye besser. Wann du dise rham brauchen wilt / so brauchts in aller mase  
sen / wie du den Quadranten gebraucht hast / allain / wo du im brauch nes Quadranten  
100 hast / in der Regel Detri gesetzt / must du allhie sehen 100 / / oder 10000 / oder  
100000 / als vil du dann inn ein seyt getaylt hast / Darnach handel mit der regl Detri  
wie ich dich allenthalben im Quadranten gelernt habe.





# Das Wirdt Tayl dieses Buchs

Von dem Horometro/ das ein gemain  
Instrument / inn allen Landen der gangen  
welt/ Tag vnd nacht zu erkantnus der stun-  
den / zu brauchen ist.

Das Erst Capitel / Wie man ein yetlich  
tayl vnd lini des angesichts dieses instruments/  
brauchen soll.

Zum Ersten.

**A**lsenglich hast du oben etlich Stern / weiß  
vnd schwarz vndereinander / vnd bey yetlichem stehet ein  
zyffer / Anmal aber stehen bey einem Stern zwey zyffer / als bey dem  
1 6 stehet auch der zyffer 2 / Darumb wurd der selbig für zwey Stern  
auch gebraucht. Bey dem 1 3 zyffer stehen drey klaine sternlein vnder ein-  
ander gesetzt also \* \* \* bedeuten vn stehen für einen/oder für das sibengestirn in der gemain.

Zum Andern.

Nach dem hast du in diesem Horometro ein genierdt gyttter / doch len-  
ger dann brant / ist sich nach der seytten kheren / gleich wie ein fenster rautten. Durch die  
mitt diser rautten gehet ein lini nach der leng / die bedeüt der Sonnen weg / die im Latein  
genent wurd Ecliptica / darumb siehet dabey geschriben ECLIPTICA. Neben dieser  
Ecliptica sint auff yetlicher seytten vnden vnd oben / 8 gleichstendige lini gezogen / auch  
in gleicher weyt voneinander / derselben bedeüt ein yetliche einen grad / der brant des Zo-  
diacus oder Thierkrantz. Das jr aber 8 sint zu beden seytten / ist vrsach / die weyl der Mon  
vnnnd die andern vier Planeten / dann 8 wurd allhie nicht gebraucht ( von derwegen dise  
rautten gemacht ist ) außershalb der Sonnen weg gehen / sonst möcht man die Stunde  
durch dise Planeten nit erkennen. Das jr aber eben auff yetlicher seytten 8 sint / geschieht  
darumb / die weyl die Planeten auff die selbige weyt vast auß der Ecliptica gehen / als der  
Mon gehet auß der Ecliptica / gegen Mitternacht / vnderweylen so ehr vom Drachens-  
heubt gehet biß er 5 grad dauon stehet. Desgleichen kombt er auch 5 grad gegen mittag  
von der Ecliptica / so ehr 90 grad in seinem weg von dem Drachenschwanz gangen ist.  
Also solt du auch von den andern Planeten verstehen / das ein yetlicher ein Drachenheubt  
vnnnd Drachenschwanz habe: aber doch hat kainer gleyche brant gegen mitternacht / als  
gegen mittag wie der Mon / der zu beden seytten auff 5 grad kombt. Als Saturnus / wann  
er in seinem Centro hat 10 zaychen 8 biß 12 grad / vnnnd im argument gleich 6 zaychen  
so stehet er von der Ecliptica gegen mitternacht 3 grad 2 minuten / nit weyter mag Eher  
kommen gegen mitternacht. Gegen mittentag aber kombt er auff weyest auff 3 grad  
5 minuten / das muß geschchen wenn sein centrum 4 zaychen ist vnd 12 grad / vnd das



Argument (verstehe allemal das ware Argument vnd ware Centrum) gleich 6 zeichen. Jupiter / so er am weytesten von der Ecliptica kombt gegen mitternacht / geschicht so sein Argument ist 6 zeichen volckömlich / vnd das Centrum khain zeichen / sonder 20 grad biß auff den 26 grad / alsdann ist die brayt 2 grad 5 minut. Aber gegen mittag khombt er von der Ecliptica 2 grad 8 minut / wann das Argument 6 zeichen ist / vnd das ware Centrum 6 zeichen 14 grad / vnd verkeret sich nit / daß zu mercken ist / biß auff den 26 grad über das 6 zeichen. Mars in der mitnächtelichen brayt wendt er sich von der Ecliptica auffß weytest 4 grad 21 minut / wann sein Argument 6 zeichen ist / vnnnd das Centrum gar nichts. Gegen mittag aber / so er hat 6 zeichen Argument vnd 6 zeichen Centrum / kombt er von der Ecliptica 7 grad 30 minut. Schaw / von deswegen müß die brayt des Thierkreis oder Zodiacs 8 grad gemacht werden / wie wol nur 7<sup>o</sup> von nöten wär. Diaweyl aber ein<sup>o</sup> grad in den Instrumenten einen übelstant gibe / hab ich 8 ganz grad genommen : wie wol gegen mitternacht wär nit von nöten gewesen / das ich die brayt über 5 grad gemacht hette / hab das allein wolstandes halben gethan. Venus ist gar wunderlich in irer brayt / ist aber gewonlich mer dann ander Planeten zu erkantnus der stunden zu gebrauchen : aber auffß aller mayß hat sie gegen mittag ire brayt 7 grad 22 minut / so ir Argument ist 6 zeichen / vnd das Centrum 3 zeichen. Gegen mitternacht hat sie auch die größte brayt auch 7 grad 22 minut / auch im halben Argument / so das Centrum gleich 9 zeichen ist. Die brayt vnnnd leng aller Planeten findest du leichtlich vnd geschwind / on alle rechnung in meinem Astronomico / auff alle Jar / Tag / stund / vnd minut. Den Mercurium laß ich bleyben / dann er gar nit gebraucht werden mag / die weyl ehe sich so ein wenig nach dem nydergang der Sonnen / oder vor der Sonnen auffgang sehen lest / auch zu weylen kaum einen Tag / vnderweylen 3 Tag / ist zu zeihen wol ein vircypl jar vnnnd mer verborzen / das man in gar nit sehen mag / darumb er auch von wenig Astronomis ist gesehen worden. Ich main nit die rechten Astronomos / sonder die nichts anders dann vorgebeüelt meil bachen. Weyter von diser laytter (die ich der Planeten laytter / oder die rautten nenne) solt du mercken / das die zwerchlini / die von oben gegen der lincken handt herab fallen die grad der leng der 12 zeichen bedeuten vnd aufstaplen. Derselbigen lini finde 7 / misambt den außern zwayen / sint ettwas brayter oder dicker dann die andern / die bedeuten allemal den auffgang eines zeichen / als dann die Characteres der zeichen bey der Ecliptica anzanzen. Zwischen der selbigen lini finde noch allemal zwo begriffen / etwas subtiler dann die 7 / steht aine vorn der andern 10 grad. Also wirt ein yedlichs zeichen in drey tayl getaylt / welcher ein yedlichs 10 grad beschleußt. Vnd die ordnung der grad soll getaylt werden nach der taylung vnnnd ordnung der zeichen. Auch bey der linckenhandt sticht geschriben vnder der Ecliptica LATITVDO MERIDIONALIS / bedeüt / was vnder der Ecliptica ist / das bedeüt die mit taglich brayt. Vnd ober der Ecliptica / SEPTENTRIONALIS LATITVDO / das ist die mitnächtelich brayt. Also ist genüßsam von der Rautten fürgebracht / zu erkantnus irer linien.

### Zum Dritten.

Bald vnder der Rautten der Planeten ist ein Triangel / der hat einen spiz oder Centrum in dem punct A / darauß dann alle lini gezogen sindt biß an die rautten : sollen aber haymlich vnd verborzen gezogen sein biß in die punct der zertaylung der Ecliptica vnd der zwerchlini. Dann dise lini sint in allermassen bedeuten die taylung der Ecliptica / dann alle anfang der zeichen sint mit grossen vnd brayten linien gezogen. Wilt du aber verstehen / welches zeichen ein yedliche lini bedeüt / so hefft einen faden in das Centrum A / wann du in legst auff ein lini die da sayst vnnnd brayt ist / so saygt dir der far



den in der Ecliptica der rautten dasselbig zeichen mit dem beygesetzten Character. Also solt du auch verstehen / von den andern linien / die allemal 10 grad voneinander steen. Es sint auch nach der zwersch etliche gleichstendige lini gezogen / welche (ein yettliche für sich selbs) ein Zodiacus oder ein Ecliptica eines Landes bedeut: darumb wil ichs allhie nennen Zodiacus der Polus höch: denn bey der rechten handt sint die grad der polushöch geschriben / von 35 grad biß auff 60 grad. Wann du den grad eines zeichen in dem Zodiac deiner Polushöch suchen wilt / so such zum ersten den selben grad in der Ecliptica der rautten oder Planeten laytter / darauff leg den faden: wo der selbig faden den Zodiac deiner polushöch betrifft / da ist der grad den du gesucht hast. Du magst den selben grad auch wol von dir selber finden zwüschen den abfallenden linien / one mittel des fadens.

### Zum Vierden

Neben disem Triangel hast du bey der linken handt die Character der 12 zeichen / wie sie gegeneinander stehen im hymel / als v stehet gegen der  $\pi$  / Der  $\gamma$  gegen dem  $\mu$  re. Dife gegenwürff sint nützlich zu brauchen / wann du zu nacht durch die gestirn die stund erkennen wilt. Auff oder bey der rechten handt stehen vndereinander 15 stern mit sambt iren nāmen vnd zyffern / dardurch du leichtlich die obern Stern bey der nacht brauchen vnd erkennen magst / wie hernach volgt.

### Zum Fünfften

Darnach hast du etliche gleichstendige lini / die herab fallen / die bedeuten die stund des Tags vnd nacht / etliche zyffer der stunden stehen oben von 12 / 1 / 2 / 3 / biß auff 10 / vnd bedeuten stund nach mittag. Etliche zyffer stehen vnden von 2 biß 11 / das sint stund vormittag. Die lini da 12 überstehen bedeut den Meridianum oder mittags circel / das ist die 12 stund bey tag vnd nacht. Die nechste lini darnach bedeut 1 vnd 11 / Die drit lini 2 vnd 10 / in summa alle mal machen die zwo zal vnden vnd oben zusammen gethan auff einer lini 12: vnd dife lini haissen die stund lini. Darnach hast du auch an der zwelfften stund ein anhangende laytter / mit etlichen graden / vnd Charactern der zwelff zeichen / Die selbiac laytter hast die mittags oder mittäglich laytter. In der selben laytter soll vnd müß auch allemal / so man die stund erkennen wil / der grad der Sonnen oder des Sterns gesucht werden.


### Zum Sechsten

Über dife bißher gemelte lini / hastu in disem instrument / vnden vñ her nach dem circel etliche grad außgetaylt dabey steen die zyffer von 10 biß auff 100 / der sint zwayerlay / schwarz vnd weyß / ains tayls schwarz / die haissen punct des kurzen oder rechten schatens / im Latein Puncta ombrae rectae / oder umbra recta. Darnach sint etliche alle weyß auch gleichförmig von 10 biß 100 anzeigt mit zyffern / bedeuten die punct des langen oder gewenten schatens / im Latein Umbra versa / genandt. Das Centrum / darinne der faden zu dem brauch diser punct hangen oder adlegt werden soll / ist das ringlein / das da stehet bey dem Buchstaben D / also 0 / nahent bey der Ecliptica / zu der linkenhandt.




Wie das Angesicht dises Instru-  
ments zu dem brauch soll zubereitet  
werden.

**D**er brauch dises Instruments kan vnnd mag nicht geschehen/  
du leymest dann das auff ein wol vnnd sauber gehobelt brettlein / also / Zum  
Ersten mach das pappir feucht / vnd laß es einen halben Tag oder lenger liegen  
darnach leym das auff das brettlein / vnnd was über das papir / so gedruckt ist  
mit linien vnnd circelrissen / schneyd hynweg : vnnd darzu was weyß papir ynnen inn  
der handthabe ist / schneyd auch darauß / damit man gerings vmb das Instrument die  
Sternen sehen mög. Vnd durch die handthabe mach auff ytellicher seyte zway löchlein /  
ains groß zum abschen die Stern / das ander ganz klain zu der Sonnen scheyn. Vnd  
merck mit vleyß / das die obern löchlein ( das sindt die größern ) gleich als die vndern in  
gleicher weyt / zu beden seytten / oder in beden schenckeln der handthabe / von dem äussern  
circelriß des Instruments gesetzt werden / wie du clärlich in der nachgesesseen figur vor  
augen siechst. Darnach mach einen faden in das punct A / der als langk ist / das Ehr  
oben über das Instrument bey den Sternen rapchen mag. Auch hefft mit subtilen nāg-  
lein auff die drey Buchstaben L M N / die da stehen zu nechst über der rautten / ein mess-  
siges armlein / mit zwayen glidern / wie dich dise hic nachgeseste figur lernet / darcin mach  
einen seyden faden mit einer anhangenden Perla vnd bleyßlöchlein / so ist diß Instrument  
zu dem brauch auff diser seytten des angesichts fertig.






Das ist die figur des Angesichts/  
des Hero. neri.






## Das Ander Capittel / von dem Rucken disses Instruments / vnd seiner zuberaitung.

**D**er Rucken oder hindertail sal in aller massn vñ form zuberait wer  
den / wi der rucken des Quadranten / als ich dich im 12 / 13 / 14 / 15 / 16 vñnd  
17 Capitteln des ersten tails gelernt habe. Also / du salt die ander / die dritt / vierd  
vnd fünffte schein zu sambt dem stunde zaiger mit einem durchsichtigen nagl zu sammen  
heften / so ist es zu dem brauch fertig. Von kurz wegen hab ich di schein hernach gesetzt.





Das ist die figur des Kuckens / vnd  
 wirdt nachuolgend / wie auch vorgeend ge-  
 hört ist / die Erst schenb genandt.





# Der brauch dieses Instruments.

Das Drit Capitel/wie man die stund  
am Tag auß der Sonnen schein erkennen soll.

**A**b vlenßige auffmerckung auff die Polus höch / der selbigen  
Stat oder wonung / do du das instrument brauchen wilt / die magst du leicht  
auß dem Ersten Capitel des Andern tayls des Quadranten erkennen.  
Wann du nun hast erkent die Polus höch / so zel die Polus höch in dem Tri-  
angel des angesichts bey der rechten handt: vnd die selbig lini nach derlwerch hayst Zo-  
diacus oder Zhyerkrayß deines Lands oder Stat / darinne such den grad der sonnen / den  
du leichtlich auß der andern scheyb erkennest / so du allein den faden auff den Tag dessel-  
bigen Monats legest / dann der selbigfaden zeigt dir in dem Zodiac den grad der Son-  
des selbigen tags. Den selbigen grad such in deinem Zodiac / wie vor gesagt / darauff  
leg das löchlein des ärmleins darinn der faden hanget / vnnnd leg den faden auch auff den  
selben grad im Zodiac der Mittags laytter / verstee / wo du der Sonnen grad findest auß  
der 12 stund / dahin leg die Perla die an dem faden hanget. Darnach wendt das löchlein  
im rechten schenckel der handthab gegen der Sonnen (verstee / wann du das angesicht  
des Instruments zu dir wendest) vnd halts hyn vnd heer / das die Sonn durch die klais-  
nen löchlein / die gegeneinander überstehen / scheyne: alsbald du das ersiehst / schaw wo  
die Perla hynfalle in den stundlinien / vnnnd merck auff die zal der stund / nach der zeijt /  
vor oder nach mittag / so hast du die stund des Tags wie du begert hast.

Das Vierd Capitel lernt wie man in  
der nacht durch die unbewegliche Stern die  
Stundt finden soll.

**W**ann du einen Stern / der unbeweglich ist ( die genent werden  
Stellæ fixæ ) am Hymel erkennest / verstee ainen auß disen 16 / die ich dich  
im Quadranten vormals manigfaltiglich hab erkennen lernen / So leg den  
faden auß dem A auff den selben stern / oben in diesem Instrument / dann sie  
durch ire zyffer anzeigt vnd gemelt werden / verstee mitten auff den Stern: vnd wo der  
selbig faden berürt den Zodiac deiner Stat im Triangel / dahin leg das ärmlein mit dem  
löchlein darinn der fadenhangt: vnd merck in welchem grad vngefärlich vnd in welchem  
zaychen / das ist gleich den selben grad vnd zaychen such in der mittäglichen laytter / dar-  
auff richtet die Perla / wie du vor mit der Sonnen grad gethan hast / so ist die Perla gericht.  
Darnach schaw zu dem selbigen stern am hymel / also / ker die mittagelaytter gegen dir /  
vnd schaw durch die grossen zway löchlein gegen dem Stern / vnd merck welche stund die  
Perla berürt / oder minut vngefärlich der selbigen stunden. Ist der Stern vom mittags-  
circel gegen dem auffgang / so nim die selbige stund im rucken dieses Instruments bey der  
lincken handt / in der zal die mit Bächstaben beschriben ist. Wirdt aber der Stern über  
den mittags circel gefunden gegen dem nydergang / so nym die selbige stund im Ersten  
circel des ruckens / auff oder bey der rechten handt. Auff die selbige stund leg den Stund  
zayger / vnnnd ruck den selbigen Stern ( er stehe wo er wöll auß der andern scheyb ) vnder



den stundzanger / vnd halt die ander scheyb also vnerrückt / vnd leg den stundzanger auff den Tag des Monats / oder auff den grad der Sonnen / so zaygt er in der Ersten scheyb die stund der nacht die du begert hast. Es ist auch mein rhat / das du die stund der nacht allemal durch einen Stern suchst / der nit weyt vom auffgang sthet / Auß den vsachen dann dieselbige stunden sint weyer voneinander im angesicht dises Instruments / dann die nahent bey der 12 stund stehen / vnnnd ye weyer die stundlini voneinander stehen / ye gewisser magst du die minut oder vürteyl der stunden nemen.

### Das Fünfft Capittel / Wie man im der nacht die Stunden durch die Planeten erkennen soll.

**I** S wenß ein netlicher wol / das die Planeten gar selten in der Ecliptica gefunden werden / sonder haben gewöhnlich etwas in irer brayt. Darumb müstu darzu brauchen die rautten der Planeten laytter / also / wann du hast den grad der leng ains Planeten / vnd auch den grad der brayt so such den grad der brayt in der Ecliptica / das ist mitten durch die rautten / von dem selben grad fahr so vil grad über sich / gleichstendig zwischen den zwerchlinien / biß auff den grad der brayt / so die brayt mitnächtelich ist. Ist aber die brayt mittäglich / so zel den grad der brayt herab : vnd wann du also den grad nach der leng vnd brayt gefunden hast / in der rautten so lege darauff den faden auß dem A / vnnnd wo der selbig faden den Zodiac deiner Polus höch berürt / dahin lege das ärmelein mit dem löchlein / vnnnd auff gleichen grad lege die Perla in der mittäglichen laytter. Darnach schaw zu dem Planeten / vnd thū im in dem rucken wie du in dem nechsten Capitel gelernt hast / mit den stern / allein ist vnder schid das du hezunder inn der andern scheyb brauchest den grad der leng desselbigen Planeten : was dir die Perla für ein stund anzaigt mußt du im rucken suchen / vnd darauff den stund zaiger legen / darunder des Planeten grad im Zodiac der andern scheyb : wann du zulezt den zaiger auch auff den Tag legst / so zaygt er die stund der nacht der du begert hast.

In dem Monschein müßt du zum Ersten die brayt des Mons suchen / wie dich das Sechst Capitel des Andern tayls des Quadranten lernet. Darumb ist es nit not vil mer alhie dauon anzuzaiagen.

### Das Sechst Capittel / wie du zu Nacht die Stund durch den Grossen Be- ren oder Herwagen erkennen solt.

**I** Ch hab dich oben im Quadranten meines bedunckens genüg sam gelernt wie du den grossen Beern / den man sonst den Herwagen nendt / erkennen solt. Darinne sint dir hezunder nit mer nuß dann zwen Stern / die hyndern zway reder / die mit dem Polo gleich in ainer lini stehen. Wilt du die stund auff's leychest dardurch erkennen / so wend dein angesicht gegen dem Polo / vnd den rucken des Instruments fher auch gegen dem Polo / vnd heb das auff / vnnnd schaw durch das loch des nagels oder Centrum / an den Polum. Als bald du durch das loch den Polum ersiehst / schaw neben dem Instrument zu den zwayen hyndern redern. Wann du also die hyndern zwen Stern in das gesicht bringest / so ruck mit der andern handt den stundzanger das er mit der geraden lini dir das gesicht ein wenig verdeckt. Darnach nym



das Instrument zu dir / behalt den Stundezanger vnuerruckt / vnd ruck die ander scheyb mit den zwayen Sternen des Herwagens / die bey dem 20 Tag Augusti stehen / vnder den zanger / oder das zwifach Creuslein  $\ddagger$  Wann du darnach (so die ander scheyb auch vnuerruckt bleybt) den Stundezanger auff den Tag des Monats legest / zangt Er dir die Stund der nacht / die du durch einen leichten weg gesucht hast.

### Das Sibend Capitel / wie man bey tag vnd nacht die Stund der Sonnen Auff vnd Nidergang / des gleichen die Tag vnd Nacht leng erkennen soll

**D**aglenz vnd Nacht leng zuerkennen / ist leicht / so du das armlein die  $\ddagger$  und abzusehen recht auff der Sonnen grad gelegt hast / vnd den faden gleich vnder sich hangen lest / zwischen den Stundlinien : wann du die stund nach der obern zal abnymbst / so hast du die stund des Nidergangs / vnd ist auch anzeigen die halben Tagleng / so du die zwifeltigst / so hast du die ganzen Tagleng. Nymbst du aber die Stund nach der vndern zal der zyffer / so hast du die stund des Aufgangs / wann du die von 12 subtrahirst oder abzueckst / so bleybt die halbe Nacht leng / darauß du die ganze nacht leng leychtlich finden magst / so du sie zwifeltigst.

### Das Acht Capittel / Von der messung der gebew.

**I**t von nöten ist allhie / von der messung der gebew vil wort zu machen / die weyl ich vormals im Dritten tayl des Quadranten genügsam angezagt hab. Dieweyl auch die messung alhie gleich in sölher form geschehen mätz / bedunckt mich das vnnutz sein / Dann ich allhie die punct des Rechten schatens / vnd auch des Gewentens gleich auch in 100 getaylt hab / als in dem Quadranten. Allein solt du allhie auffmercken / das (waß du etwo ein höch / tieff oder brayt / messen wilt) du das armlein mit dem faden legest auff das ringlein bey dem B / vnd brauch die abschen gleich wie in dem Quadranten / so bist du gnügsam / meines bedunckens / in der messung vnderrichtet. Darumb wil ich mit disen Worten das vierdt tayl dieses büchs beschloffen haben / vnd einanders anheben.



# Das Fünffte Tahl dieses Buchs


Von dem geurrtten quadranten / den ich sonst  
genent habe / den Quadranten der geraden linien/  
welchen ich auch erst von new erdacht habe / zu  
nuz der gangen christenheit / vnd bey nahende der  
gangen welt,





## Das Erst Capittel/ von der gemainen auß- legung des Quadrantens vnd seiner linien.

**D**ieser Quadrant hat in jm .X. gerade vnnnd gleichstendige linien / di bedeüthen die gemainen stunden / vor vnd nachmittage / anzuheben von dreien vor mittage / bis auff 9 nach mittage. Vnnnd neben der zwölfften stunde stehen etlich grad getailt / auch mit iren zalen bezeichent / von 30 bis auff 60 / die bedeuten di polus hoch / vnd wirt genant di mit tages laitter. Das Centrum des Quadranten hab ich genent vnnnd bezeichent mit dem buchstaben E. Auch nahende bey dem centro seyn drei löchelein / mit dem L / M / N / vor zeichent. darauff auch ein gleichförmig messiges blechlein sal gemacht vnd gnagelt werden / mit zweien an hiltten ärmlen / das ain sol in dem M / dar auff das ander in dem N beweglich angehefft werden sall. Darnach jm außern glid / das ich mit dem P verzeichent habe / sal ein fadem hangenn / mit einer hyn vnnnd hehr beweglichenn perla. Das sichstu clärlich in dieser nachgesetzten figur.



Darnach sein in diesem instrument 16 linien / welche von oben herab fallen / von der Rechten handt zu der Linken. Die selbige lini stossen vnd thosien all zusamen in dem A von dan zerstreuen si sich widerum gegen der linkenhandt. Gleich di selbige lini / haben oben vnd vnden beygesetzte zale / von 30 bis 60 / bedeutend die polus hoch / vnd zeigen an / eines islichen lands Hyperfrayß / oder Zodiacum / dann ein jetliche der selben werde durch gleichstendige zwerchlinien in 12 zeichen / vnd ein jetlichs widerum in 3 tail getailt der selbigen tail bedeut ein islichs 10 grad. Also hastu verstands gnug / das ein itliche polus hoch iren aigenen zodiacum hat. Es sein auch nach der zwerch von itlichem beygesetzten stern / mit punctlein / getailte lini gezogen / di bedeuten den brauch der 16 stern / also / wan du durch einen stern die stundt erkennen wilt / so mustu das ärmlen mit dem p legen auff die durchschneidung der selbigen getailten lini / so von dem stern außgeet / vnnnd des Zodiacs der selbigen polus hoch. Vm wahr / bey der 12 stundt sein die stern mit irer zaell vnd namen gesetzt / desgleichen di gegenwürff der zwelff zeichen. Bissher hab ich von den geraden linien den gemainen verstand angezaiget / Insunder aber wil ich meldung thun von den krummen linien di mit dem circel gezogen sein. Zum Ersten ist ein circel riß der haist / F / G / der ist getailt in 360 grad / di sein widerumb in 12 tail getailt / bedeuten di zwelff zeichen / wi du augenscheinlich in der vorgesetzten figur / mit sambt den charactern vnnnd ziffern vorzeichent sichst. Darnach ist mehr ein circel dobei stehen H / I / darinne sein die 16 stern mit iren ziffern geset. Zum dritten ist noch ein circel der heist K / L / ist getailt in 24 tail / ein islichs bedeut eine stundt / vnd ein itliche stunde ist in 4 virel getailt. Zum letzten beschliessen diesen Quadranten zwei gerade lini auff einander stossende wi ein winckelmaß / der isliche ist getailt in 100 gleiche tail / vnd werden genant puncta Umbre Verse vnd puncta Umbre Recte / wi du mit beygesetzten worten angezaiget findest.



## Das Ander Capittel/ vonn der zube- rattung dises Quadranten.

**S**ehr vnd gos ist das von nōtten/so du den Quadranten auff  
leynen wilt/das du in vor hin feucht machest: wie ich dich vorne bey dem ende  
des ersten Quadranten gelernt habe: vnd darnach erst auff ein gerad schlecht  
vnd wol gehobelt brettlein leymest. Darnach setz oben auff die ain seitten / dar-  
auff AL TITVDO POLI stehet / zway auffgerichtete täfflein / zu dem abschen: die ich  
bisher in disem büch am maysten / abschen genendt habe. Durch ein ytelichs der selbigen  
täfflein mach zway löchlein: ains vñnd das oberst allemal grösser vñnd weyter dann das  
ynner / dāmt man dardurch die Stern deſter leichter sehen möge. Vñnd die löchlein sol-  
len auch mit sonderm vlenß gemacht werden / das sie in gleicher weyt oder höch von dem  
Quadranten stehen. Dife lere hab ich dir geben nach dem alten brauch: meins bedun-  
ckens aber wer es besser (als ich wol erfarn habe) das man für das ober löchlein auff dem  
täfflein bey dem E machet ein knöpflein / welches zu dem abschen der Stern vil besser ist  
dann das löchlein. Aber in dem andern täfflein soll in alle wez ein löchlein sein / Als du  
in diser figur clārlīch siechst. Vñnd disen rhat gib ich dir / vñnd ist auch der best / das du solhe  
abschen in allen Instrumenten machest / die du zu dem abschen der gestirn brauchen wilt.



Du hast auch nit weyt von dem Centro E ein gemālt / darinn stehen drey ringlein /  
vñnd dobey drey buchſtaben / L / M / N / bedeuten / das du das meſſige ārmlein (dauon im  
nechſten Capitel geſagt iſt) darauff nageln oder heſſten ſolt. Alſo iſt diſe Instrument  
zu dem brauch gang vñnd gar verfert get.

## Das Drit Cap. wie man am tag durch der Sonnen ſcheyn die ſtund erkennen ſoll.

**I**ch bedunckt es ſey biſſher genūgſam angezaigt / das die ſtund  
des Tags vñnd der Nacht / one vñnd auſſerhalb der Sonnen grad / mit ſolhen  
Instrumenten / die man frey in den lūfften halten mag / nicht kan gefunden  
noch erkent werden. Darumb ich alhie ſchweygen wil / vñnd von dem grad der  
Sonnen (verſtehe / wie man den erkennen ſoll) nichts anzaigen / die weyl ich biſſher gar  
vil vñnderriecht gegeben vñnd gelernt habe / wie man in zuwegenbringe. Derhalben wil ich  
fürſaren / vñnd von der erkāntnis der ſtunden ein lehr fürbringen. Wan du das zaichen  
vñnd den grad der Sonnen waſſt vñnd erkent haſt / ſolt du darnach auffmercken / ob die  
Son ſey in einem mittnāchtlichen zaichen / als /  $\gamma$   $\delta$   $\pi$   $\sigma$   $\alpha$   $\mu$ : findeſt du die Sonn in  
einem ſolhen zaichen ſo ſuch deine Poluſhöch im Zodiac oder Zaichenetrager / vñnder dem  
buchſtaben A / in der geſtalt / Nimm für dich den grad der Poluſhöch / verſtehe / vñnden  
am ende diſes Zodiacus oder Zaichenetragers / vonn 30. hinauff biß auff 60.



Auch bedeu't ein ytellicher grad in diser Polushöch 2 grad. Darumb allemal zwischen zweyen noch ein lini sol verstanden werden die ich von eng wegen nit gezogen hab. Von dem selbigen grad der Polushöch / solstu hyncin gegen dem A / es sey die lini gezogen oder nit / faren / biß du den grad der Sonnen berüerst / Dann ein ytellichs zaichen ist nach der zwerech in drey tayl getaylt / der ytellichs einen grad bedeu't. Wo der selbig grad der Sonnen vnd die Polushöch zusammen stossen / da hin leg das ärmlein mit dem P (verstehe / das löchlein darinn der faden hange) Darnach such auch den grad der Polushöch in der mittags laytter / verstehe / gleich auff der 12 stund / darauff lege den faden (yedoeh das das P im Zodiac vnuerückt bleybe) darauff lege auch die Perla. Wann nuhn die Sonn scheint / vnd du die Stund erkennen wilt / so fher den Quadranten mit dem Centro E gegen der Sonnen / vnd laß sie durch die klainen löchlein scheynen / die in beyden auffgerichteten täffelein sint: wo alsdann die Perla hyn felt / da ist die stund vor oder nach mittag / die du zu suchen begert hast.

### Das Vierd Cap. Von der tagleng vnd nachtleng / desgleichen von der stund des auff vnd nydergangs der Sonnen.

**S** bald du das messigen ärmlein mit dem faden / oder mit dem P auff den grad der Sonnen in deiner Polushöch gericht vnd gelegt hast / halt den Quadranten dermassen / das der faden gleichstendig hang zwischen den linien der stunden / als bald zaygen dir die zyffer der obern zeyl die stunde des auffgangs der Sonnen / vnd die vnder zal / die stund des Nydergangs. Die stund des nydergangs in der vndern zal / an jr selbst / zaygt an halbe Tagleng. Aber die Stund des auffgangs / bedeu't auch halbe nachtleng. Dañ gehet die Sonn auff vmb die 7 stund so ist die halbe nacht 7 stund lang: nymbst du 7 zweymal / wirt daraus 14 / vnd ist die ganze nachtleng. Also mußt du auch verstehen von der Tagleng. Gehet die Sonn nyder vmb 5 / so ist der halbe tag 5 stund lang / vnd der ganze Tag 10 stund. Das mocht ich dir mit kurz anzuzaygen nit vnderlassen.

### Das Fünfft Cap. wie du die Stund der nacht durch die xvi. Stern (dauon vil vnd offte bis her in disem büch meldung gethon ist) fin den vnd erkennen solt.

**N**ach dem vnd ich bißher von der erkäntnus der xvi Stern vil wort gemacht vnd lere gegeben habe / wil allhie von der selbigen erkäntnus nit not sein etwas anzuzaygen / sonder wil dasselbig wie ein vorbekante lere bleyben lassen / vnd allein den brauch / so hieher gehört fürbringen. Diweyl ich vormals gemelt vnd lere gegeben hab / das man zunacht / so man die stund erkennen wil / neme vnd brauche die stern / die etwo nahent bey dem Auffgang oder nydergang sind zu der selben zeit / Vnd ist geschehen auß diser vsach allein / das die stunden so gewöhnlich nahet bey dem auff oder nydergang stehen / weyter von einander stehen / dañ die / so die Sonn vnd stern berüren / wañ sie im mittel des hymels sint: dañ die 12 stund / mitsambe den vor vnd nachgeenden stunden ist ser eng vnd klain durch die lini angezaygt / darumb auch gar schwerlich zu erkäntnus der vierteyl stunde vnd minuten zu kommen ist.



Darumb solt du allemal einen stern für dich nemen / der ainzwer gegen oder bey dem auffgang stehet / oder bey dem nydergang / wann du einen stern dir am hymel fürgenomen hast. Nimm ein gleichnuß. Ich setz du habst dir fürgenommen den lincken füß Quoms / der stehet gegen dem nydergang / Sucht veyhunder bey dem namen der Stern die zal / so findest du 15 / die selben 15 such bey den stern in vndern Zodiaco / von dem selbigen stern ist ein getaylte lini / mit klainen pünctlein / nach der zwerch durch die Polushöch gezogen / wo die selbige die lini der Polushöch berürt / dahin leg das ärmlein mit dem P / oder mit dem faden. Darnach leg die Perla auff die Polus höch inn der mittags laytter (versteet / auff die 12 stund) so hast du den faden vnd Perla gerichte. Darnach kher das Centrum E gegen dem selbigen Stern / vnd schaw in ab durch die abscheu / vnd wo das Perlen hyn felde / zwischen den stundelinien / merck die stund vnd ire minuten / die selbige stund solt du allein abnemen in der vndern zal (die am Tag bey der Sonnen nach mittag gebraucht wirdt) so hast du die stund vnd minuten / wie weyt der selbig stern stehet vom mittel des hymels / das die Astronomi den meridian circel nennen. Ich setz er sey 2. stund vom mittags circel / daß die Perla (setz ich) sey gefallen auff 2 stund vnd ein vireyl. Veyhunder such den selbigen stern in dem circel H J / vnder dem selben stern nimm die stand / vnd mach dir ein gemerck oder punct / das ist in diesem Exempel der buchstab S / wann du den stern gegen auffgang abgesehen hettest / so zelest du die stunden gegen dem A / das ist / wider die ordnung der zwelff zaychen. Die weyl aber der stern gegen nydergang abgesehen ist / must du zwo stund 1 vireyl zelen gegen der rechten handt / vnd felde gleich inn den punct A / Dasselbig punct A / ist nichts anders dann das medium coeli / das mittel des hymels. Darnach such oben im circel F G / den grad der Sonnen / nicht versteet den grad der Sonnen / sonder seinen gegenwurff. Ich setz die Sonn sey im ersten grad  $\alpha$  / darfür nimm du den Ersten grad  $\pi$  / Die weyl du von dem mittel des hymels zu dem gegenwurff der Sonnen wider die ordnung der zaychen zelen must / ist ein gewiß zaychen / das die stund ist nach mitternacht / Darnach zel hynder sich vom A biß zu dem ersten grad der Zwilling im vndern Circel / so findest du 3 stund 1 vireyl nach mitternacht. Wann aber die Sonn wär im ersten grad des Wassermans / so nimm du den ersten grad des Löwen / so zelest du vom A / nach ordnung der zaychen zu dem Löwen / so findest du 3 vireyl stund / bedeußt so vil vor mitternacht / das ist die 11 stund 1 vireyl. Also solt du auch von andern stern ein gleichnuß nemen. Wie wol dise art die nachts stund leichtlich genüz finden lernet / wer aber noch leichter wann du den rucken des ersten Quadranten auch auff den rucken dieses Quadranten machest / daß die stund der nacht mag nit leichter gefunden werden / dann durch den rucken des Quadranten.


### Das Vierd Cap. von der messung der gebew / nach der höch/brant/tieff vnd leng.

**W**iewol ich bißher vil von der messung angezagt hab / ist aber die taylung der meslaytter nicht so verstendlich gewesen / als sie ist inn diesem Quadranten / Dann die taylung ist allenthalben gleich. Du magst auch den auff ein grösser bret machen / als groß vnd weyt du wilt / wie ich auch vor im endt des dritten tayls dieses buchs angezagt hab. Wan aber du diesen Quadranten brauchen wilt / must du das ärmlein mit dem P auff das centrum E / versteet auff das Creutz der zwayer linien vnder dem E / legen / Darnach volfüre die messung aller massen wie dich das dritte tayl dieses buchs gelernt hat. Du solt auch Puncta umbræ rectæ / oder den kurzen schatten allhie nit anders verstehen daß im ersten Quadranten also auch mit dem langen schatten zuhandeln ist.



# Das Sechst Zayl dieses Buchs

Von dem Horoscopo / das ettwas gleichförmig  
ist dem nechsten Quadranten / aber weyter / von wegen  
der künstler / zu vil nutzberkait erstreckt.





**Das Erst Capittel / wie man die fürne-  
mesten lini dises Instruments / welche genandt  
werden Thyrkrantz der Landt art / mitnächt-  
lich vnd mittäglich / durdurch am allermei-  
sten die nutzbarkeit dises Instruments  
gesucht vnd erkent wirdt.**

**D**ie weyl ich den nechsten Quadranten der geraden linien / vor  
disem Instrument erdacht / vnd an den Tag gegeben hat / ist auch wol billich  
das ich den selben vor disem yegunder gesetzt habe: wie wol sie bede auß einem  
grunde gehen. Diweyl ich aber den Quadranten (wie vor angezeigt ist) laß  
ausgereckelt hab / vnd zu mererm brauch erstreckt / hab ich im auch einen andern namen /  
der im wol zugehört / geben. Dann ich hab damit gethon gleich wie ein Deer / so Ehr  
seine junge geboren hat / sint sie noch ganz als ein weis fleisch / vnnnd vnformlich en alle  
gestalt / haben weder maul / augen / noch har / allein das die clauen daran gesehen wer-  
den / aber durch sein lecken bringt er die Jungen zu dem leben vnd gestalt eines Deerens.  
Also habe ich auch erst nachuolgend dis Instrument zu fruchten vnnnd rechter gestalt ge-  
bracht: vnd seine fürnemeste lini / sint die Zodiaci oder Thierkrantz der Polus hoch. Dife  
Thyrkrantz solt du also erkennen. Zum Ersten hast du zwischen der obersten lini vnnnd  
nechsten darnach etliche zyffer / von 10 in 10 / biß auff 66 / vnder den selben stehen so  
vil schwarze vnnnd weisse grad / einer vmb den andern / bedeut ein yetlicher zwenn grad /  
von wegen der enge des Instruments. Dann als oft 10 mit der zyffer geschriben sindt /  
als oft sint 5 grad dazwischen oder darunder: vnd dife grad werden genandt / Zodiaci  
regionum meridionales / das sint mittägliche Thierkrantz. Auch von yetlichen der selbi-  
gen graden steygen herab gerade linien / welche alle zusammen lauffen in einem punct /  
der bezaychent wirt mit dem buchstaben E. welches siehet bey dem zaychen v oder =.

Vnd dife lini werden nach der zwerch durch zwo dicke oder brayte lini getaylt / ein yets-  
liche in drey tayl / bedeuten drey zaychen / Also / von dem E übersich zu steygen nach einer  
yetlichen lini biß zu der ersten dicken zwerchlinien ist das zaychen der Wag / Von der sel-  
ben lini zu der andern ist in einer yetlichen lini das zaychen des Scorpion / Darnach von  
der lini des Scorpions / biß zu der obersten lini ( darauff die grad stehen ) ist das zaychen  
des Schützen. Gleicheweyß wie du ein yetliche lini von dem E hinauff zu steygen zum  
grad deiner Polushöch in drey zaychen = m x getaylt siehest / solt du auch drey zaychen  
herab zu steygen v w x versteen. Als in disem Exempel magst du leichtlich dife vnd auch  
nachuolgende wort vernemen. Wann du zu Ingolstat / Regenspurg / oder Wien inn  
Österreich etc. der gleichen an andern orton / da der Polus 48 grad erhöcht ist / den Zo-  
diac der mitnächtlichen zaychen erkennen wilt / so nym das punct E (do alle linien des  
Zodiacus zu sammen lauffen) für dich / vnnnd oben in den graden such 48 grad / vnnnd  
nym die lini so vom 48 grad zu dem E gezogen ist / die hab ich dir in der mitte mit einem  
kreutzelein + bezaichent / damit du sie deßter leichter erkennen mögest. Auff der selben lini  
hast du die buchstaben F G / die taylen vnderßchidlich die 2 zaychen voneinander / also /  
von dem E zu dem F ist das zaychen = / vom F zu dem G das zaychen m / vom G gar  
hinauff zu dem 48 grad ist das zaychen des x. Also widerumb herab zu steygen von 48  
graden biß zu dem E sint aber drey zaychen / vom 48 grad zu dem G ist der v / vom G  
zu dem F der w / vom F zu dem E das zaychen der x. Wiewol ein yetlich tayl auß den  
dreyen in diser vnd andern linien zway zaychen bedeut / ist dennoch ein grosse vnderßchid



ha zwischen. Dann die  $\pm$  hat ihren anfang bey dem E / vnd sein ende bey dem F: Dar-  
 umb solt du einen yetlichen grad nach seiner proportion in der  $\pm$  hinauf zusteygen suchen.  
 Das zeichen aber der  $\times$  / wie wol es auch mit der lini E F bedäutet wirdt / ist aber sein  
 anfang vnd erster grad bey dem F / vnd der lezt grad der  $\times$  bey dem E / Darumb solt du  
 die grad der  $\times$  nach ihrer gelegenheit oder proportion herab zusteygen suchen. Also solt  
 du auch alle Zodiacos oder Thierfrayß einer yetlichen Polushöch oder Landschaft ge-  
 taylt verstehen. Nach dem / so du auffmerckung hast auff den punct E / so findest du  
 auch / das sich die selbige lini widerumb auß gemeltem punct E vnder sich zersirewet has-  
 ben / vnd werden auch gleycher weys mit dreyen linien in drey zaychen zertaylt / Vnd ein  
 yetliche lini nach irem grad der Polushöch soll genandt werden ein Thierfrayß des Lan-  
 des das solhe Polushöch hat: verstee / zu sumerzeite / die weyl die Sonn ist in den zaychen  
 als  $\gamma$   $\delta$   $\epsilon$   $\zeta$   $\eta$   $\theta$   $\iota$   $\kappa$   $\lambda$   $\mu$   $\nu$   $\xi$   $\omicron$   $\pi$   $\rho$   $\sigma$   $\tau$   $\upsilon$   $\phi$   $\chi$   $\psi$   $\omega$ : dann ein yetliche in sonderheit beschleußt die 6 mitnächtliche zaych-  
 en. Nim abermals den verstandt auß dem vorigen Exempel / da der Polus 48 grad  
 erhöcht ist / Also / Die lini E F / bedäut das zeichen des Widers: vom E zu dem F soll  
 die ordnung der grad gezelt werden: dann das F ist das ende des Widers. Hinauff aber  
 zuzelen ist das J der anfang / vnd das E das ende der Juncffrauen. J K bedäut herab  
 zuzelen den Stier / hinauff aber vom K zu dem J den Löwen. Vom K zu dem L ist das  
 zeichen der Zwilling / aber vom L zu dem K der Krebs. Darnach ist ein yetliches zaych-  
 en / in einem yetlichen Zodiac widerumb durch zwo subtile lini in 3 tayl getaylt: macht  
 also / das allenthalb ein yetlich tayl 10 grad bedäut. Weytter vorn wegen der enghait  
 des Instruments / ist nit not klainere vnderthaylung zu gebrauchen. Mit disen worten  
 verhoff ich / wann ich hynsfüran sprechen werde / Such den grad der Sonnen / oder eins  
 andern Planeten im Thierfrayß deiner Polushöch / du wirst on allen zweyffel von stund  
 an wissen den selbigen zu finden. Darumb wil ich daruon ablassen / vnnnd die grad der  
 brayt des Zodiac nach notturfft erklären.

## Das Ander Capittel / Wie du die grad der brayt des Thierfrayß in beden seynten ge- gen Mittag vnd mittnacht erkennen solt.

**D**ie brayt des Thierfrayß solt du also erkennen. Du siechst das  
 neben den dreyen zaychen  $\gamma$   $\delta$   $\epsilon$  / ein lini herab fällt / dabey stehen die Buch-  
 staben A B / die selbige lini / bedäut der Sonnen weg / das ist die Ecliptica.  
 Die ist auch in 3 zaychen getaylt mit zwerchlinien / gleich wie die Thierfrayß  
 der landtschafftten. Als A B bedäut  $\gamma$  vnd  $\delta$  / O P m vnd  $\epsilon$  / P B  $\pm$  vnd  $\times$ . Dar-  
 neben siechst du zu beden seyten 8 lini / bedeuten die brayt vorn der Ecliptica / gegen mit-  
 tag vnd mitternacht / als die zway wörter SEP TENT RIONALIS vnnnd MERIDIO-  
 NALIS anzaigen. Vnd die brayt der Planeten wirt in aller massen darinne gesucht / wie  
 in dem Ersten Quadranten gemelt ist. In einem Exempel wirst du das besser verstehen.  
 Ich seß ein Planet sey im 10 grad m nach der leng. Nach der brayt hat er 3 grad gegen  
 Mitternacht von der Ecliptica: wann du die 10 grad suchst ob dem P (das der anfang  
 des m ist) vnnnd von dem 10 grad zu der rechten handt herab steygest nach der zwerch 3  
 grad / so kumbst du auff das Q / da ist die stat des Planeten: von dem Q solt du gleich-  
 stendig in die thierfrayß zu der linken handt faren / bis zu dem Thierfrayß deines Lands /  
 hast du vor dir den 48 grad der Polus höch / so sezt dir der Planet in deinem Thierfrayß  
 auff das F / vnnnd ist eben so vil als wer er im ersten grad des m. Ein ander Exempel /  
 Ist ein Planet im ersten grad  $\times$  oder im 30 grad  $\pm$  / das ist der punct P / vnd er stünde



S grad (so das möglich wär / wie wol es nit ist) in mittnächlicher brayt / so wär sein stat im punct A: wann du von dem A zu der lincken ein gleichstendige lini mit einem messer spiz fürest zu dem Thierkreis deines Landes / das ist biß auff die lini E F G / so trifft die selbig lini ein wenig mehr dann 9 grad  $\pm$  / oder nit gar 2 1 grad  $\times$  Darnach wirst du mit dem selbigen punct in deinem Thierkreis nachuolgend handeln / gleich wie du mit dem grad der Sonnen gethon hast. Gleichertweys solt du auch die grad nach der leng vnd brayt wissen zu suchen in den mittäglichen zaychen. Dañ du findest in aller maß vnd form vnder dem E gegen der lincken handt ein gleichförmige laytter oder gytter / darinn die büchstaben A B auch die Ecliptica bedeuten / vnd die büchstaben M<sup>r</sup> N<sup>r</sup> taylen sie in drey zaychen / die mußt du verstehen / gleich wie sie mit ihrem gemäلت darneben auff vñnd ab zu steygen gemäلت sindt. Die brayt über diser laytter ist auch darob angezaygt mit den worten SEPT. vnd MERI. Die zway genierde vñnd zügespizte wecklein / wirdt ich nachuolgend die Planeten laytter nennen / darnach solt du dich wissen zu richten.

### Das Drit Capittel / von den linien dar- durch die Stunden / bey Tag vñnd bey nacht / vornittel des Fadens vñnd der Perla gesucht werden.

Nachdem so vil vnd manicherlay fundlinien in diesem Instru-  
ment gezogen sint / wil sehr von nöten sein / ein yetliche art der selbigen in son-  
derhait anzuzeigen. Wann du das Instrument vor dir auffgericht habest /  
vñnd die mittler lini / die durch das E felde / für dich nymmest / so findest du zu  
beden seyen / auff yetlicher 6 gleichstendig herab fallend lini. Die selbige 1 3 lini machen  
zwüschenn inen 12 feldung / bedeuten 12 stunden. Die zal aber der stunden ist vñnd an  
die selbige lini durch zwayerlay art / mit schwarzen vñnd weysen zyffern angezaygt.

Die ober zal hat in jr 12 stunden mit weysen zyffern geschriben / darzwüschenn sthet  
das wörtlein O R T V S / bedeüt das der faden (wie nachuolgend angezaygt wirdt) die  
stund des auffgangs der Sonnen mit diser zyfferzal anzanget. Vñnd auch die weyl die  
stund des auffgangs der Sonnen alle mal bedeüt die halbe nachteleng / hab ich zu der lin-  
cken darbey gesetzt SEMINOCTVRNVM TEMPVS / ist so vil als halbe nachteleng.  
Auch bey der rechten handt sthet geschriben ANTE MERIDIEM / bedeüt das du vor-  
mittag die stund bey disen weysen oder zwysachen zyffer erkennen solt. Aber die schwar-  
zen zyffer in der vñndern zeyl / die weyl das wörtlein OCCASVS darzwüschenn sthet / be-  
deuten das der faden die stund des nydergangs darzwüschenn anzanget. Diweyl die  
stund des Nydergangs die halbe Tagleng bedeütet / habe ich zu der lincken handt gesetzt  
SEMIDIVRNVM / ist so vil / als halbe Tagleng / Vñnd bey der rechten POST ME-  
RIDIEM / bedeüt das man die stund (so bald es nach Mittag ist) des Tags durch hise  
schwarze zyffer erkennen soll.

### Das Vierd Capitel / Von der mit- täglichen laytter / darinn die Polushöch ist / auff welthe die Perla allezeit soll gericht werden.



**B**ey der linken handt oben in disem Instrument stehet ein kü-  
gelein in einem circel / da neben bey der rechten handt SCALA MERIDI-  
ONALIS. Vnder disen worten stehen etlich zyffer von 5 biß 65 / vnd dar-  
neben etlich grad / bedeuten die mittägliche Polushöch. Die rechte ware auß-  
taylung der selbigen grad soll verstanden werden auff der zwelfften stund / darauff alzeye  
die Perla mit dem faden soll gelegt werden.

### Das Fünfft Cap. von den stunden des Eingangs / durch welche die stunden vom auff- gang vnd nydergang gefunden werden.

**E**s sint auch nach der zwerch gleichstendige linien / mit zwysa-  
chen rhylein / oder dupel gezogen / vnd sint alle winkelgerecht auff die gemai-  
nen stundlinien stossen. Dise zwysache lini haben ihre zyffer beygesetzt zu der  
rechten handt / neben der zwelfften stund / die bey der rechten handt herab felt.  
Dise zyffer sindt weys vnd schwarz / die weysen bedeuten den eingang vor mittag. Aber  
die schwarzen nach mittag / wie dann die ober schrift bey dem kügelein (welchs bey der  
rechten handt mit vil Sternen gezirt ist) mit den worten ANTE MERIDIEM / bedeute  
vor mittag / vnd POST MERIDIEM / das stundt stund nach mittag. Auch zu nechst  
darneben stehet das wörtlein QVARTALIA / das sint viretyl stund / bedeute das vnder  
dem selbigen wörtlein / alle mal in einer yetlichen stund 4 viretyl außgetaylt sint. Gleich  
die selbigen taylung der viretyl findest du bey der linken handt / auch vnder dem wörtlein  
QVARTALIA.

### Das Sechst Capittel / Von den Stun- den / die man zelt vom dem Auffgang vnd Nydergang der Sonnen.

**Z**e Stund so man zelt von oder nach dem Auffgang der Son-  
nen / werden nit in disem Instrument durch aygne linien angezeigt / des ge-  
leichen auch die stund vom nydergang der Sonnen. Dann sie werden ver-  
mischet gebraucht. Zu zeyten werden die stunden vom auffgang genommen für  
die Stund vom nydergang : vnd herwiderumb. Darumb mußt du allhie mit grosser  
leiß auffmercken. Zum ersten siechst du von der linken handt nach der zwerch von oben  
herab fallen etlich gebogne lini / aber nit nach dem circel. Die erst wirt genent der Ho-  
rizon / des auffgangs vnd nydergangs : dabey stehen vorn der rechten handt herauff zu  
zelen / weysse zyffer / von 1 biß zu 24. Die andern sindt sich alle nach der ersten hin vnd  
her byegen : vnd haben jr end alle vnden bey den weysen zyffern des auffgangs / die auch  
genent werden stund vor mittag. Es stehen auch bey disem Horizonten schwarze zyffer  
von oben herab zu zelen biß auff 24. Dise zyffer / schwarz vnd weys / werden vnder ein-  
ander vermischet gebraucht. Dann zu zeyten sindt die weysen stund vom auffgang / zu  
zeyten werdens stund vom nydergang : also auch herwiderumb die schwarzen / wie der  
brauch nachuolgend anzaygen wirt. Vnd dise zal bey dem Horizonten gehören zu den  
stunden / die nach der zwerch auff den Horizonten fallen. Aber die stunden / die den Ho-  
rizonten / als gleichstendig / von der linken handt zu der rechten herab fallen / haben ihre



zal oder zyffer neben in / durch die mitt des Instruments / vnd seind zwölff weyße zyffer von 1 biß zu 12 / die zaygen an / das die lini / die dem Horizonten gleich stehen / vor mittag stund vom auffgang bedeuten. Der schwarzen zyffer sint von 14 biß zu 24 / bedeuten / erst nach mittag die stund vom oder nach dem nydergang. Die stund die auff den Horizonten etlicher massen schier winckelgerecht fallen / vnd ire zyffer neben dem Horizonten haben / die bedeuten mit den weyßen ziffern nach mittag die stund vom auffgang. Aber mit den schwarzen zyffern bedeuten sie die stund vom nydergang vor mittag. Des wirst du bessern berichte auß dem brauch empfangen.

## Das Sibend Cap. Von den Planeten stunden / die sonst auch die vngleichē Stund vnnnd von etlichen die Juden stund ge- nendt werden.

**D**ie Planetenstund habe ich in disem Instrument mit zertayl-  
ten lini oder mit klainen pünctlein gemacht damit sie von den andern stund-  
linien deßter baldter mögen erkent werden / vnd hab dabey die zal gesetzt / auch  
von vnderßchid wegen mit büchßtaben I. II. III. ʒ. X. nach der layen brauch.  
Der selbige n stund sindt nit mer dann 6. Dann die vnderst lini ( das ist die 12 stund des  
eingangs ) wirdt allhie die 6 stund: vondañ zelt man wider übersich bis auff XII. Dann  
diser stund sint nit mer dann 12 / die 6 ist alle mal bey vns die 12. Dise stund werden  
auch genent die natürlichen stunden / vnd die irrige stund. Aber am aller maysten werden  
sie genent die vngleichē stund / die weyl aine der andern vngleich ist: dann die erst vnnnd  
die lezt ( das ist die 12 ) sindt in etlichen Landen / sonderlich gegen mitternacht / als inn  
Norwegen / vnnnd in etlichen Tāgen des Jars zwir als langk als die 6 stund ( das ist die  
mittags stund ) des gleichen die 7. Die weyl die 6 vnd 7 alle mal gleich seind / vnnnd die 5  
der 8 / des gleichen die 4 der 9 / die 3 der 10 / vnnnd die 2 der 11. Herwiderumb an etli-  
chen tāgen ist die 6 stund / deßgleichen die 7 / zwir als langk als die erst vnd 12: so sindt  
auch dise stund alle tåg des gangen Jars vngleich / allein zu der zeyt wenn tag vnd nacht  
gleich sint. Vnder dem Equinoctial aber / sint sie alle mal vnnnd ewig aneinander gleich.  
Außerhalb des Equinoctials ist die erste stund nach dem auffgang alle mal die größt / vnd  
die 6 oder 7 die klainst: oder die 6 vnd 7 die größt / vnd die erst vnd 12 die klainst. Also  
solt du auch die nacht aufstaplen: Aber das ist vnderßchid: ist die 6 stund am Tag die kür-  
zest / so ist die 6 stund der nacht die lengst: widerumb ist die 6 stund des tags die lengest / so  
ist die 6 der nacht die kürzest. Also geschicht dise taylung des ab vnd zünemens / in einer  
steten vnd natürlichen proportion. Vnd nach sölher natürlichen ordnung vnd vernünfft-  
igen abtaylung sindt die Planeten ainer vmb den andern regirn / als du inn dem brauch  
dieses Instruments hören wirst. Die fürnemesten / die sich diser regirung gebraucht  
haben / sint gewesen die Babilonier / den haben nachgeuolgt Bethen / vnd andre nam-  
haffte Astrologi / dauon magst du lesen Hermetem / Nicéphorum / Messahallam /  
vnd Hermannum Contractum. Wie wol zu vnnsern zeyten an stat diser Planeten-  
stund / die Juden stund gebraucht werden / aber bößlich. Dann die Judenstund sint alles  
mal gleich / aine als gros als die ander / es sey der Tag langk oder kurz / so taylen sie den  
tag in 12 gleiche tayl / vom auffgang biß zum nydergang: vnnnd heben auch an zu zelen  
nach dem auffgang der Sonnen / 1 / 2 / 3 ʒ. biß auff 12 / das ist gleich wann die Soñ



nydergehet. Darnach haben sie die nacht auch inn 12 gleiche theil getheilt / Der selbigen  
 stunden machen 3 ein Bach / wie man list im Lucano / Liuiio. Davon thut auch meldung  
 der heylig Lucas im 12 Capitel seiner Euangelia. Das aber die Juden diese Stunden  
 gebraucht haben / vnd nicht die Nürnbergger stund / wie etlich mainen vnd schreiben / wil  
 ich auß der Heiligen geschriffte genugsam beweren / Dann zu Nürnberg ist der Tag zu  
 zeyten 8 stund lang / zu zeyten 16 stund / Bey den Juden aber ist alle zeit der Tag / Er  
 sey lang oder kurz / 12 stund lang gewesen: wie dann clar ist bey Joanne im 11 Capitel /  
 Sprachen zu Jesu die Junger / Mayster / Vesh wolten dich die Juden steynigen /  
 vnd du wilt wider dahin? Jesus antwort / Sind nicht 12 Stunden im Tag? Auch  
 ist das clärlich im Mattheo angezeigt im 20 Capitel / Das Hymelreich ist gleich einem  
 Hausvatter / der am morgen früe außging arbeiter zu mieten inn seinen weyngarten: da  
 Ehr ains ward mit den arbeitern des taglons halben 12. Vnd ging widerumb auß  
 vmb die 3 stund 12. Abermals ging ehr auß vmb die 6 vnd 9 stund / vnd thet gleich also.  
 Vmb die 11 Stund aber ging er auß vnd fand andre müßig stehen vnd sprach zu ihnen /  
 Was stehet jr hie den ganzen Tag müßig? Zuletzt stehet: vnd mürmelten etlich wider  
 den Hausvatter vnd sprachen: Diese leüt haben nur ain stund gearbeitet 12. Da ist clar vnd  
 offenbar das der tag nur 12 stund lang gewesen ist: vnd ist kein zweyfel ain stund ist der  
 andern gleich gewesen. Also ist genugsam bewert / das diese stund nicht der Nürnbergger  
 stund sint / oder Regenspurger / wie wol sie ire stund auch vom auffgang zelen. Nun ist  
 noch zu beweren / das es nicht vnser stund sein / die wir in Teutschen Landen brauchen /  
 von Mittag zu mitternacht / von dann widerumb zu dem mittag. Darumb irren etliche  
 Prediger / die die stund des Passions vnser Erlösers nach vnsern stunden rechnen. Für  
 nemlich / das sie in dem leyden vnser Herren nit von mitternacht sint gezelt worden / ist  
 clar auß dem / die weyl Christus an das Creuß gehengt ward weylt auf den Tag vnd nit  
 in der nacht / als wir lesen im 18 Capitel bey Joanne / Da füerten sie Jesum von Cay-  
 pha für das richthaus / vnd es war früe 12. wären diese stunden von mitternacht gezelt / so  
 wer der Herr gang früe mit dem auffgang der Sonn gecreuziget / vnd doch Er / auß die-  
 sen worten / erst früe für den Richterstul geführt ward. Das nymst du auch auß dem / Die  
 Sonn ware erst gangen in den Wider / vnd zu der selben zeit gehet die Sonn auff vmb  
 die 6 stund nach mitternacht in der ganzen welt. Vnd in Marco stehet im 15 Capitel /  
 Vnd es war vmb die dritte stund vnd sie Creuzigten ihn / Schaw wären das vnser  
 stund / so het Er in der früe gecreuziget werden müssen: vnd auß Joanne hast du gehört  
 das Er erst zu morgens früe für den richterstul geführt ward: vnd im anfang des 15 Ca-  
 pitels spricht Marcus / Vnd bald am Morgen / hielten die Hohenpriester einen rhat mit  
 den Eltsen.

Vezunder wil von nöten sein das ich auch bewere / das die stunden nicht vonn Mit-  
 tage gezelt werden im Passion vnd Euangelien. Der Euangelist Mattheus spricht /  
 im 27 Capittel. Vnd von der Sechsten stund / ward ein Finsternus über das ganze  
 Landt / bis zu der Neünden stund: vnd vmb die neündte stund schrey Jesus lauth vnd  
 sprach / Eli Eli 12. Marcus spricht im 15 Capitel / Vnd da es vmb die Sechste stund  
 tham (das ist gleich die Mittags stund / bey vns 12) ward ein finsternus über das ganze  
 Landt / bis vmb die Neündte stund / vnd vmb die Neündte stund rüefft Jesus lauth /  
 vnd sprach / Eli Eli 12. Welcher wolt nun so vnuersemet sein / vnd wolt sprechen /  
 das / das ein miracel oder wunderzeichen sey / das von der 6 stund zu der 9 ein finster-  
 nus gewesen sey / nach vnsern stunden / die wir von mittag zelen: dann vmb die sechste  
 stund gehet die Sonn vnder / vnd wirdt on alle miracel vnd wunderzeichen finster die  
 ganze nacht. Das findest du auch gleychförmig bey dem Heiligen Luca im 23 Capitel.



Auch ist das offenbarlich am tag / das es nit vmb 6 vnnnd nach 6 geschehen sey / nach vnsern stunden: Was het sich sonst Dionysius Arcopagita zu Athen in Kriechen land verwundern dörfen der finsternus: die weyl sie nach vnsern stunden in der nacht geschehen war: Dañ Er sprach / Engwer Got der natur leydet / oder die ganzwelt wirt zergehen.

Also wil ich die prthum hyngellegt vnnnd außgelescht haben / vnd sprich / das dise stunden der ganzen Bibel vom auffgang der Sonnen gezelt werden / vnd der Tag sey langk oder kurz / so ist er in 12 gleiche tayl oder stunden getaylt. Als wir auch lesen in den Geschichten der Apostel / im 2. Capitel / das Petrus sprach / Sie sind nit truncken / wie sie wehnet / sinteimal es ist die dritte stund am Tage.

### Das Acht Cap. Von dem gegenwurff der xij. zaichen vnd ordnung der vij. Planeten.

**I**n diesem Instrument oben findest du die xij zaichen mit ihren Charactern angezaygt / vnd die  $\pm$  stehet neben dem  $\gamma$  / bedeyt das  $\gamma$  vnnnd  $\pm$  gegen einander über am hymel stehen:  $\delta$  vnnnd  $m$  auch gegeneinander / also nach ordnung / wie du vor augen siehest. Auch hast du zwüschen den selben zwayen stund linien herab zu steigen / die ordnung der 7 Planeten  $n$  4  $\circ$   $\gamma$   $\delta$   $\pm$   $\delta$   $\gamma$ . Neben dem  $n$  stehet der zyffer 1 / bedeyt den Sontag / 2 stehen darunder / also biß auff 7 das ist die ganze woche: 2 bedeyt den Montag. Neben 1 stehet die  $\circ$  / bedeyt das die erste stund am Sontag frñ die  $\circ$  regirt. Beyder  $\circ$  stehet 4 / bedeyt / das die ersten stund am Sontag zu nacht 4 regirt. Also mußt du auch von andern verstehen.

### Das ix. Cap. Von den behesten xvj ster nen / die zu der nacht vñ gebraucht werden.

**I**s ist nicht not von den xvj Stern / die bey den Thierkreis der Landeschafften stehen vil wort zu machen / dann es ist darinn thaim anderer verstand / denn ich im nechsten Quadranten beschriben hab: darumb wil ich dir nit mer allhie angezaygt haben / dann das du von einem stern / nach anzeigung der gestupften lini / hin ein faren müßt / mit einem messerspiß / biß an den Zodiac deiner Polushöch / so hast du die stat des sierns gefunden auff deine wonung.

### Das X. Cap. von dem zodiac der zu nacht gebraucht wirdt durch dise xvj. stern.


**I**n beden seynten hast du neben den vürteyln der stunden / die xvj. stern / mit iren bildnußen angezaygt: daneben auff yetlicher seynten ein halben zodiac / allein mit Charactern der zaichen vnd iren graden angezaygt: dardurch findet man gar leichtlich die stund zu nacht / wie du nachuolgend im brauch lernen wirst.

### Das xi. Cap. von der meßlaytter / vnd den ärmlein / dardurch die laytter vnd das ganz In- strument gebraucht wirdt.



**D**arnach hast du aussen vmb diß Instrument die messlantter / in aller massen / wie im nechsten Quadranten: merck allein darauff / das du in dem brauch das armlein mit dem P oder faden legest auff das mittler ringlein / das auff dem kuglein mit Sternen geziert gemacht ist: vnnnd auff dem selbigen ringlein ist zu warzeichen ein  $\times$ . Du hast auch oben bey den zyffern der Polus hoch drey buchstaben / L / M / N / bedeuten nichts anders / dann das du das armlein mit dem messigen blechlein darauff hefften müst / gleich wie du im nechsten Quadranten gethan hast. An diesem armlein soll ein faden hangen / mit einem Perlen vnd Bley klosslein. Darnach so du das Instrument auff das bretlein geleymet / vnd wol in die vierung gerichtet hast / so setz darauff zway abschen / pettlichs mit zwayen löchlein / wie du inn der figur vor augen angeschait siehst.

Form vnd gestalt des armleins.



## Der brauch dißes Instruments.

Das Xij. Capitel / wie du die stund am Tag auß der Sonnen schein erkennen solt.

**S**olt du die Stund erkennen am Tag / So such den grad der Sonnen im Zhiertrayß deiner Stat / wie du oben gelernt hast. Nim ein Exempel / Ich setz die Son sey im ersten grad m / vnd dein Polushoch sey 48 grad / so findest du den grad der  $\odot$  in dem punct J / darauff leg das armlein mit dem P / vnd leg das Perlen auff die Polushoch in der mittags lantter: darnach laß den Sonnen schein durch die löchlein fallen: wo alsdann die Perla hynfelt / da ist die Stund die du gesucht hast.

Das Xij. Capitel / wie du die stund des Aufgangs vnd Nydergangs der Sonnen erkennen solt / darauff du auch Tag vnd nacht lenge erkennen magst.

**S**o du auß dem nechsten Capitel die Perla vnnnd das armlein gerichtet hast / so laß den faden herab vnd den stundlinien gleichstendig hangen / so zaget er dir vnden nach der zwerch in den weyssen zyffern den auffgang der Sonnen / Als / ist die  $\odot$  im ersten grad m / do der Polus hoch ist 48. grad / do hanget der faden von dem P auff die 7 stund / das ist der auffgang der Sonnen: was



du die selbige stund duplirst / so hast du die nachtleng / das seind 14 stund. Es ist auch gleich so vil / wann du siehst wo der faden den Horizonten berürt / da zaygen dir die weyssen zyffer auch an die nachtleng. Wann du aber acht hast auff die schwarze zyffer in der vndern zeil nach der zwerch / so hast du die stund des nydergangs der Sonnen / die zweymal genommen / zaygen an die Tagleng : oder wann du die schwarzen zyffer bey dem Horizonten anschawest / vnder dem faden / so hast du auch die tagleng / als in 48 grad. In diesem Exempel geschicht der nydergang vmb 5 vhr / die tagleng ist 10 stund / dasselb wolte ich dir also kurglich anzeigen.

### Das Xij. Cap. wie du die Planeten- stund am Tag erkennen solt / des gleichen die Stund vom auff vnd nydergang der Sonnen.

**E**sichtlich auß der gemainen stund (die du auß dem Ersten Capitel gefunden hast) magst du die stund der Planeten / vnnnd auch die gemainen stund so von auffgang vnd nydergang gezelt werden / finden : Wann du das ärmlein richtest in dem Zödiac deiner Landart auff den gegenwurff der Sonnen / vnnnd darnach den faden den stundlinien gleichstendig herab fallen laß : so du den also vnuerruckt behest / so such die gemaine stund / die du auß dem Sonnen scheyn erkent hast / in den weissen stunden des eingangs (so die zeyt vor mittag ist) der gemaine winckel gib dir die stund vom auffgang / nydergang / vnnnd Planetenstund. Ich gib dir ein Exempel / Die ☉ sey im ersten grad ♈ / vnnnd der Polus ist hoch 48 grad / die gemaine stund vor mittag 9. wann du oben herab fallest vom ersten grad ♈ / vnd von der 9 stund vor mittag nach der zwerch herein kommest / so findest du in dem gemainen winckel 5 stund vom auffgang vnd 13 stund vom nydergang / vnnnd ein wenig minder dann IIII stund in den Planeten stunden. Wann aber die zeyt der gemainen stund war nach mittag / Ich set es sey vmb 3 nach mittag / vnnnd sey die vorige Polus hoch / vnnnd der erst grad ♈ / so ist gleich auch der vorige gemain winckel / aber die stund vom auffgang vnnnd nydergang / desgleichen die Planetenstund haben sich verwandelt : vnd mußt sie erkennen also / wo vormittage ist gewesen ein stund vom nydergang dieselb ist hehnd vom auffgang / dan außsen bey dem auffgang stehen 13 schwarz vñ 11 weyß bey einander / die weyße zyffer zaygen alle mal an die stund vom auffgang. Darumb so sprich / Es ist vmb 11 vom Auffgang / als zu Nürnberg / vnnnd 13 stund vom Nydergang / wie die Beham vnd Schlesier zelen / vnd ein wenig über die VIII. in den Planeten stunden. Die regierung der Planeten findest du im Ersten Quadranten in dem 21 Capitel des andern tays. Wilt du aber auß diesem Instrument den regirenden Planeten erkennen / so nim fur dich den Tag der woche / der Sontag ist 1 / der Montag 2 / der Erichstag 3. Bey diser ziffer siehst du in dem klainen täffelein zwischen der 4 vnd 3 stundlini den Planeten / der die erste Planetenstund den selben tag regirt im tage / Als am 4 tag / das ist die Mittwoch regirt ☿ die erste stund des tags / dabey sthet die ☉ / bedeutet das die Sonne die erste Planetenstund regirt am Mittwoch in der nacht. Diweil du oben gefunden hast die VII Planetenstund / vnd ist mitwoch / mußt du auff den 7 (verstehe in der ersten zeil / do der Planeten ordnung inne sthet) anheben vnd sprechen ains / auff dem 2 zwey / auff dem 3 oben drey / auff dem 4 vier / die weyl die vierd stund auff den 4 felt / Sprich 4 regire die selbige zeyt / vnd ist die 9 stund vor mittag / wann die ☉ ist im ersten grad ♈. Nach mittag hast du im Exempel gefunden die VIII Planetenstund / wann du vom 7 (wie du hehunder gehört hast) biß auff 8 zehest / nach ordnung der Planeten / so felt die 3al widerumb anff den 7.



Das Xv. Capitel/ wie du die gemainen  
Stund der Nacht durch die xvj Stern er-  
kennen solt.



Leich wie ich dich im nechsten Quadranten hab lernen ab-  
sehen die Stern/ also must du im allhie auch thuen. Nim ein Exempel/  
Ich setz du wollest durch den 14 Stern/ das ist /des Ochsen aug/ die  
stund erkennen/ Darumb must du zum ersten vorn dem \* do 14 bey  
stehen dem Equinoctial (das ist die lini/ die inn dem E winkeltgrecht  
auff der 6 gemainen stund stehet) gleichstendig füren eine lini mit dem messerspiß biß  
auff deinen Zodiac. Ich setz (wie vor) der Polus sey 48 grad erhöhet/ so setz dir derselbig  
stern gleich auff ein creüßlein + /dabin richte das ärmlein mit dem P/ vnd die Perla lege  
auff die Polushöch/ in der mittags laptter. Ich setz/ du habst den stern gegem auffgang  
der Sonnen abgesehen/ vnd das Perlen hat angezeigt die 7 stund/ inn den schwarzen  
zyff. rn/ verstehe in der zeyl darinne OCCASVS stehet/ ist die nechste an den Puncten  
vnoxe vnoxe. Dañ es muß kein andere zal zu den stern im absehen gebraucht werden/  
wie du wo. pter die rechte stund der nacht erkennen solt/ lernest du am aller besten durch diß  
Exempel/ Wann die ☉ wär im ersten grad m/ so ist sein gegenwurff der erst grad 8.  
Darnach such in diesem Instrument/ vnder dem gestirnten küglein neben dem Zodiac  
das Ochsen aug/ in dem bildnus des Ochsen der selbig stern stee neben dem 3 grad II.  
vnd merck neben dem stern bey der lincken hand wo vnd welche vireyl stund ehr betriffet/  
nach dem merck auch einen punct in den vireyl stunden gegen dem ersten grad des 8/  
das ist der gegenwurff der Sonnen/ so findest du zwäsch den dem ersten grad vnd gegen-  
wurff der Sonnen 2 stund 13 minuten/ das ist bey nahent ein vireyl stund. Diweil  
die weyl des sterns (wie du abgesehen hast) 7 stund vom mittl des hymels ist/ subtrahir  
2 stund vnd 1 vireyl da von/ bleyben 4 stund vnd 3 vireyl einer stund/ das nym vorn  
12 stunden/ so bleybt dir die stund der nacht/ das ist 7 vnd 1 vireyl. Wann aber die  
stunden des sterns vom mittl des hymels weniger weren/ dann die vnder schid zwäsch  
dem stern/ vnd des gegenwurffs der ☉. Ich setz der stern hab mit der Perla anzeigt 1  
stund 1 vireyl/ Vnder nim auch die klainer zal von der grossen 1 stund 1 vireyl von  
2 stunden 1 vireyl/ bleibt noch 1 stund/ also weyl ist der gegenwurff der Sonnen über  
den meridian gangen/ vnd sein stund nach mitternacht. Das ist alles war/ wann du  
vom stern zu dem gegenwurff der Sonne hynder sich wider die ordnung der 12 zaychen  
zelest: Wann aber du vom stern zu dem gegenwurff nach rechter ordnung der zaychen ze-  
len müst (als vom Ochsen aug zu dem ☉ oder ♄) so thū die selbigen vnder schid der stun-  
den zu den stunden des Sterns. Als/ wann die Sonn wer im 15 grad 2/ der gegen-  
wurff ist der 15 grad II/ zwäsch dem Ochsen aug vnd dem 15 II/ sint 0 stund 36  
minut/ vnd die stund des Sterns (wie vor) 7 stund/ thū dise 7 darzu/ werden 7 stund  
36 minut/ So weyl stehet der gegenwurff vom mittl des hymels: die weyl des Ochsen  
aug gegen dem auffgang ist vom meridian/ sollen dise 7 stund vnd 36 minuten von 12  
stunden subtrahirt werden/ bleyben noch 4 stund 24 minuten. Von stundan wann  
ein stern gegem nydergang abgesehen wirdt/ so zaygen dise stunden/ die stund der nacht  
on alle subtraction an. Vnder wil ich das Exempel setzen/ als hettest du das ochsen  
aug abgesehen gegen dem Nydergang vnd die Perla het dir angezeigt 5 stund 2 vireyl.  
Nun wil ich den gegenwurff der Sonnen setzen wie vor/ ain mal soll der sein in dem er-  
sten grad 8/ das ander mal der 15 grad II. Ich setz der gegenwurff der ☉ sey der erste  
grad 8/ zwäsch dem Ochsen aug vnd ersten grad 8 sint 2 stund 13 minuten. Dies



weyl du zu dem ersten grad des Stiers zehest hynder sich wider die ordnung der 12 zaychen  
 solt du auch die selbigen 2 stund 13 minut thun zu den 5 stunden 2 vireyl / so hast du  
 die stund der nacht / 7 stund 3 vireyl. Zum andern setz ich / der gegenwurff sey der 15  
 II / vom Ochsen aug must du nach rechter ordnung der zaychen zelen / zu dem gegen-  
 wurff / vnd findest 0 stund 36 minuten. Vekunder must du die 36 minut subtrahirn /  
 das ist abziehen / vonn 5 stunden 2 vireyl / bleybt die recht stund der nacht 5 stund weni-  
 ger 6 minuten. Es kan sich auch begeben in diser letzten art / das die vndercheid zwischen  
 den sternenn vnnnd gegenwurff der Sonnen mehr stund findt / dann du auß dem absehen  
 des sters am hymel gefunden hast. Nam ein Exempel / Ich setz die ☉ sey im ersten grad  
 x / der gegenwurff ist der erst m / zwischen dem Ochsen aug vnnnd dem ersten grad m  
 seind 6 stund 4 minut. Vekund subtrahir dauon 5 stund 2 vireyl / bleyben noch 0 stund  
 34 minuten. Nun siechst du die vndercheid das du die 34 minut von 12 stunden subtra-  
 hirh müst / so bleybet dir erst die rechte stund der nacht 11 stund 26 minuten. Güt-  
 iger leser / nit müst du dich erschrecken lassen / ob ich schon vil wort vonn der nachtuhr ge-  
 macht hab / dann wann du gar ein klaine auffmerckung hast / so wirdt dir alle sacht leicht  
 vnd ring zu mercken.

### Das Xvj. Capitel / wie man die Stund in der Nacht durch den Mondscheyn vnnnd die Planeten erkennen soll.

**D** mit du durch die Planeten die stunden inn der Nacht fin-  
 den mögst / wil ich widerumb den eingang der Planeten vernewern / vnd wil  
 das durch ein Exempel thun. Ich setz ein Planet sey im 10 grad m / vnd stehee  
 3 grad von der Sonnen weg gegen mitternacht. Wann du neben dem m auff  
 der rechten handt in der Planeten laytter den grad nach der leng vnd brayt suchst / so fete  
 der selbig Planet gleich auff den punct Q: Wann du darnach vom Q / (wie ich dich  
 im 9 Capitel dises tayls gelernt habe) mit einem messer spiz den linien der zaychen gleich-  
 stendig auff den Zodiac deiner Landart hinein farest / so kummest du auff das S / verstiehe  
 auff der Polushoch 48 grad. Do ist die stat des Planeten. Damit solt du vnd müst ge-  
 beren / wie ich dich mit dem Ochsen aug gelernt habe. Du müst auch die Perla richten  
 in der mittags laytter auff die Polushoch. Aber das ist vndercheid / das du im eussern zo-  
 diae vnder den zwayen kuglein / den grad der leng des Planeten suchen / vnd für dich nez-  
 men must. Den selbigen grad must du brauchen in aller massen / wie du das Ochsenaug  
 gebraucht hast. Von dem selbigen grad mustu hinder sich vnd für sich zu dem gegenwurff  
 der Sonnen die stund vnnnd vireyl zelen / vnd allenthalben damit handeln / wie ich mit  
 dem Ochsen aug gelernt hab.

### Das xvij. Cap. wie man zu nacht / die stund vom anffgang / nydergang / vnd Plane- tenstund / alle zu gleich / vnnnd mit einer müe finden soll.

**I**st du dise stunden also vermischet alle zu gleich erkennen / so  
 must du das ärmlin mit dem P. legen auff den grad der Sonnen im Zodiac  
 deiner Landtschafft. Ich setz es sey die ☉ im ersten grad s / vnd der Polus 48  
 grad hoch / Dauon laß den faden gleichstendig hangen den stundlinien / inn  
 diesem Exempel setz der faden auff die 4 oder 8 stund: darnach such die stund der nacht in



den stunden des eingangs / Also / welche stund du am Tag vor mittag gebraucht hast / die brauch vnder auch vor mitternacht / das sint die mit den weissen zyffern: vnnnd welche stunden vom auffgang gebraucht sindt am Tag / brauch du vnder vom nydergang. Auch solt du wissen das d. e. schwarzen zyffer inn den stunden des eingangs am tag nach mittag gebraucht sindt / sollen alhie nach mitternacht gebraucht werden: vnnnd in dieser übung sein die schwarzen zyffer allenthalben inn der nacht / es sey vor oder nach mitternacht / bey den linien die stund vom auffgang bedeuten. Nimm für dich das vorige Exempel / Wā die ☉ ist im ersten grad 8 / vnd der Polus ist 48 grad erhöht / vnd es sey die 10 stund in der nacht / nach gemainer vhr. Wann du vonn der 10 weissen zyffern des eingangs / auff der zwysfachen lini / nach der zwerch zu der lincken handt hincin farest mit dem messerspiß biß an die 4 stund / so betrifft du die 2 stund vom nidergang / das ist die stundlini / die gleichstendig ist dem Horizonten / wie wol sie krumb ist / dabey stehen 2. weyß. Auch felt dahin ein stund die sich winckeltgerecht füget zu dem Horizonten / dabey stehet außserhalb des Horizonten 18 mit schwarzen zyffern / bedeut das 18 stund verlossen sint vom auffgang der Sonnen biß her. In den Planeten stunden trifft diese stund in die 3 stund. Ich gib dir auch ein Exempel nach mitternacht / wir wollen es sey die 2. stund nach mitternacht / das ist ein schwarzer zyffer in den stunden des eingangs / vnnnd stehet neben der 10 weyß geschriben / die wir vnder gebraucht haben: Darumb faren wir auch auff der selbigen lini in das Instrument / vnd kommen gleich auff den vorigen punct: an der 4 stund / vnder nymst du die 18 stund vom auffgang für die 6 vom nydergang: dann außsen am horizonten stehen 6 mit weyßer zyffer: vnd die ander gleichstendige lini / die wir vnder für die 2 stund vom nydergang genommen haben / mit den 2 weissen zyffern / soll es vnder die 22 stund vom auffgang sein: dann dobey stehen 22 schwarz bezeichent. Vnnnd diese stund felt in die X. Planetenstund. Also (versiehe ich mich) wirst du dich in andern Exempeln auch wissen zu halten.

## Das xviii. Cap. Von den regirenden Planeten der nachstund.

**S** du wilt die regirung der Planeten in der nacht finden / thu im also / Ich seß es sey die 2 Planetenstund / vnd sey der 3 tag in der wochen / das ist der Dinstag oder Erichstag: Darumb nimb für dich den 3 tag in dem klainen tafelein / darneben findest du ♄ / der ist ein regirer der ersten stund des Tags / dauon der tag auch seinen namen empfähet / das er der tag Martis genent wirdt. Den ♄ laß bleyben / vnd nym daneben ♃ der regirt die erste stund der nacht am Dinstag. Darumb such ♃ in der ersten zeyl des tafeleins / der stehet zu oberst / vnd sprich 1 / auff den 4 sprich 2 / die weyl die Planetenstund 2 ist / so regirt die selbige weyl 4. Zum andern hast du gefunden die X. Planetenstund / durch ein Exempel: wilt du darinn auch den regirenden Planeten finden / so zel vom ♃ 1 an zuheben biß auff 10 / allemal nach dem ♃ solt du wider am ♃ anheben / so felt die 10 stund auff den ♄. Dabey wil ichs bleyben lassen / vnd dich weiter zu üben vor lassen.


### Beschluss dieses Sechsten taysls.

Von der messlaytter ist abermals nit vonn nöten etwas zu schreiben / die weyl ich im ersten Quadranten gnugsam dauon gesagt hab: daß es in der messung allenthalben eine brauch ist. Damit du aber on alles hyn vnd her gehen / die höch / brayt / weyt / vnnnd tieffe messen mögest / hab ich mir für genommen mit kürzn Worten dir ein Instrument zusehen / daß ich wapp das sich die künstler auff mancherlay art pflegen zu üben.



# QVADRATVM GEO- METRICVM.

Zu Teütsch ein geuierdt Instrument / in gestalt einer  
 Rhame / dardurch alle die dinge / so man begert  
 nach der höch / brayt / went / tieffe / oder leng  
 zu wissen / on alles hyn vnd her gehen / mögen  
 gemessen werden. Damit aber dasselbige  
 Instrument desto leichter gemacht  
 vnd züberant werden mög / hab ich  
 sein form oder gestalt hne nach  
 auffß schlechtest angezagt.





## Also solt du die Rham machen vnnnd aufsteylen.

**D**iese Rham solt du also zuberantten. Mach dir ein geuirdte Rham von vier geraden vnd gerechten wol gehobelten scütlein/die schluß ineinander mit ganzem vleysß nach dem winckelhacken. Die vier winckel wil ich nennen A / E / D / C / Auff das A mach ein regel oder richtscheit mit zwayen absehen: Darnach mach auff die scülen E / D / auch zway absehen / die nenne ich G / F. Vnd das scütlein E / D / tayl in 100. gleiche tayl / oder in 1000. gleiche tayl / oder in 10000. wie vil tayl dir am besten gelegen sint / vnd die du darauff bringen kanst: je enger vnd klainer die taylung ist je besser vnnnd gewisser ist das instrument. Vnd du solt dich fürsehen / das du kein andere taylung brauchest / dann die hynden 1. hat / als 10 / 100 / 1000 / 10000. dann es ist gut multipliciren ein yetliche in sich selbst / wann du für ein yetliche so vil o nulla setzt als sie vor hin hat / so ist sie schon in sich selbst multiplicirt. Du solt auch wissen das es not sey / vnnnd ist das beste / das ein yetliche scülen habe die leng einer Ellen / oder zwayer Ellen / oder sonst einer gewöhnlichen maß / als klassiern / so würde der brauch deßer leichter zu volbringen. Die zal zu der taylung soll von oben herab geschriben werden / von dem E zu dem D / von 10 in 10 / oder 5 zu 5 / nach deinem gefallen. Oder du magst alle mal die hundert verzeichnen / also / 100 / 200 / 300 / 400 etc. Also ist diß Instrument zum brauch fertig.


### Regel des Brauchs.

**W**ann du wilt wissen wie weit du zu einem fürgenommenen zaychen oder punct hast von deinem auge / So stell oder richt das Instrument oder Rham also / das du das selbige fürgenommene punct oder gemerck siechst durch die absehen F vnd G. Wann du das Instrument also gericht vnd durch die absehen F vnd G das gemerck gesehen hast / mußt du das Instrument vnuerrückt behalten. Darnach schawe wider zu dem selbigen gemerck / durch die absehen der Regel / A / B / Vnnnd merck welchen punct die regel mit irer glaubwürdigen seyten berüet / in der lini E / D. Die selbige zal der punct ist der tayler / darmit oder darcin tayl 10000 / so die lini E / D / in 100 getaylt ist / was in der taylung kombt ist die weyt / des punct E / dises Instruments von dem fürgenommenen zaychen oder gemerck / vnnnd als vil in der taylung kommet / als offte hast du von deinem aug die lenge diser Rham oder Instruments / biß zu dem gemerck. Nim ein Exempel / Ich setz der zanger oder Regel falle auff 30 punct / vnd die seytte E D ist getaylt in 100 tayl / Vekunder tayl 10000 in 30 / so kommen 333 / so vil leng der Rham hast du vß deinem aug oder E zu de fürgenommenen punct. Ist das instrument einer ellen lang / so ist von deinem aug zu dem gemerck 333 Ellen. Ist aber diß Instrument an yetlicher seyten 2 Ellen lang / so duplir 333 / werden darauß 666 Ellen. Ist aber die Regel an yetlicher seyten 3 Ellen lang / so triplir 333 / werden darauß 1000 Ellen. Hastu die lini E D in 1000 getaylt / so soll allmal durch den tayler getaylt werden 1000000. Ist aber E D getaylt in 10000 / so soll getaylt werden 10000000. Also versihe ich mich du habest verstandes genug in disem Instrument / darumb wil ich dir inn einer schlechten figur / welche du hie nach gesetzt siecht / den brauch anzapfen / Damit du dich in aller messung gleichförmig zu richten wayst.



Ein ander Exempel / Ich setz die lini E D / sey in 10000 getaylt / multiplic. in sich machen  
 100000000 / der zanger berürt 30 punct / kommen in der taylung 3333333 / thu  
 vier figuren darvon / bleyben 333 / so weyt ist vom E zum obern taylor des Thurns.

In dieser vorgezeigten Regel ist obersehen worden im druck / in der 10 zeil / wo steht / vnd als siell in der taylung thommet. Diese wort  
 sollen aufgeschribt / vnd an ire stat gesetzt werden wir nachvolget. Wan du da von so vill figuren oder ziffer bey der rechten hand nimmst / als  
 null a sein in der zall oder taylung der lini E D / so viel darnach vberbleibt. Nach diesen wortten volget widerum der rechte text der laut also  
 Al / oft hast du 10. Darnach in der 13 zeil steht 333 vñ ein drittel / das thu hinweg / vnd schreib 3 vñ ein drittel / so wech 3 pfer dauon gewoñen  
 sein. so vil leng 10. Darnach wo du 333 ein drittel findest / schreib du 3 vñ ein drittel. In der 17 zeil steht 1000 Ellen / schreib du 10 Ellen.



Die weyl der brauch dieses Instruments etwas schwer bey etlichen gehalten / vñnd von  
 wegen der rechnung (weyl sie der selben nit geübt sein) ganz veracht wirt / bin ich ge-  
 macht dir noch einen andern brauch an zuzaygen / der mit dem circel ganz kurzweylig zu  
 brauchen ist. Wan du das gemerck: dahin du die weyt messen wilt: als zu dem punct H  
 in diesem Exempel / durch die absehen G / vñnd I gesehen hast: vñnd die regel A / B / auch  
 dahin gericht / vñnd durch die absehen der regel auch das punct H gesehen hast: wo also  
 das Instrument mit sambt der Regel vnerruckt bleybet: vñnd du darnach einen Circel  
 schreibst mit einem fuß in das punct oder winkel E / vñnd den andern aufstreckst in das J /  
 (verstehe / wo die Regl die Xham vñnderschneydt oder berürt) vñnd mit der selbigen weyt  
 des Circels die lini oder septen der Xham A / E / misst / als oft du die aufstreckung des  
 circels darinn findest / als oft ist die lini A / E / beschloffen in der lini E / H. Ich setz E /  
 J / werde drey mal beschloffen in der lini A / E /  
 vñnd die lini A / E / ist einer Ellen lang / so muß  
 vom E zu dem H auch drey Ellen sein.




In der Ersten regel habe ich dich gelernt / wie  
 du die taylung der lini E D / in sich selber mul-  
 tiplicirn solt / vñnd was darauß thombt / solt du  
 durch die punct E / J / taylen: vñnd von dem so auß der taylung kombt / solt du so vil zif-  
 fer werffen / als die lini E D / nulla hat. Aber yekunder gebe ich dir noch ein leyhtere  
 vñnd bessere regel. Wan du abgesehen hast den punct / dahin du messen wilt / so tayl durch  
 die punct E / J / die punct der septen E D / so gib die taylung gleich das / das sie in der  
 ersten regel gegeben hat. Die erst regel laut also / wann du 100 multiplicirst in sich selber  
 werden darauß 10000 / vñnd E / J / seind 30 punct / wie vor / tayl 10000 in 30 /  
 kommen 333 / dauon solt du 00 werffen / die weyl 100 zway nulla vor im hat / bley-  
 ben noch 33. Es ist gleich so vil / wann du 100 taylst ist 30 / kommet auch 33 / so offte  
 wirt A / E / oder E D / beschloffen in der lini E / H.



# Das Siebend Tayl dieses Buchs


Von der Nacht vñ/ das ein natürlich Instrument ist/  
Dann alhie gelernt wirdt/ wie man zu nacht/ on alle Instru-  
ment/ allein durch die finger der hände die Stund  
erkennen soll.





# Das Erst Capitel/ wie man den Stern erkennen soll / dardurch dise nachtuhr der fin- ger gebraucht wirdt.

**I**ch byn noch ingedenck/ das ich dich im vij. Capittel des An-  
dern Tayls habe erkennen lernen den Stern /den man nent den Polus. Des  
gleichen auch die syben Stern des Herwagens. Derhalben wil ich der selbi-  
gen leer vnd erkantnis geschweygen / sonder wil dich allein den ainigen stern  
erkennen lernen /den du zusambt dem Polo/ zu diser Handtuhr brauchen mußt. Dar-  
umb / vnnnd dieweyl du die gelegenhayt der gestirn daselbst hast erkennen lernen / habe ich  
dir die figur in aller massen ( wie vor ) hieher gesetzt. Vnnnd habe die Stern ( die dir am  
nötigsten zu erkennen nützlich sint ) mit disen büchstaben A / E / D / F / G / H / I /  
genendt. Vnd vnder disen Sternen ist dir khainer nützlich dann der Polus/der mit dem  
A/ vnd ainer der mit dem E bezaichnet ist. Der das E genendt wirt / ist ainer auß den  
zwayen fördern rädern des Herwagens. Ist vnder den selbigen der gröst: dann der bey  
dem F stehet ist ettwas klainer dann die andern sechs dises wagens: allein wil ich allhie  
außgenommen haben /das klain sternlein/ das da stehet bey dem mittlern Ross/ das ist bey  
dem büchstaben H. Dieweil dasselbig klain Sternlein nit wol oder gar selten gesehen  
wirt/ wirdt das von den Astronomis nit in die zal der stern des Herwagens geschriben /  
wirt aber von den Pawzen vnd gemainem volck das Reüterlein genendt. Ettliche nen-  
nens auch knecht sinck. Vnd ich kan wol gedencken vnd abnemen /das es von dem Ara-  
bischen volck herkombt: die weyl Azophi ein Arabs / bald im anfang seines Büchs / dar-  
inne er die gestirn beschreybt / meldung thüt / von disem klainen sternlein / vnnnd spricht /  
das die Arabischen kindt zu nacht / so sie zusammen khsien / ains zu dem andern spricht  
vnd sich seines scharpffen gesichts berümet / Ich hab das Reüterlein gesehen. Antwore  
der ander vnd spricht / Du hast aber nit den Vollen mon gesehen. Als wolt der erst sagen  
Ich hab ein scharpff gesicht / die weil ich das klain sternlein ( das das Reüterlein genendt  
wirt ) sehen kan. Der ander aber maint / ob du schon das Reüterlein gesehen hast / ist aber  
dein gesicht nit so scharpff / das du das Reüterlein vnd den Volmon miteinander siechst.  
Als wolt er sagen / Der Volmon temppft mit seinem hellen vnd liechten schein das klain  
Sternlein / das man es nit wol / oder aber / gar nit sehen mag: das nennen sie mit Ara-  
bischer zungen Alcor.





Daraus ist zulezt ein alt Sprichwort erwachsen / Also / wenn sich einer vernemen  
 lest / er hab der sachen ein gut wissen / Vnd ein ander sich bedunckenlest er hab doch dieser  
 sachen keinen rechten grundt : so mag chr sprechen / Du hast das reutterlein gesehen aber  
 nit den Vollemmon. Die weyl vnd sich dise wort also vngesährlich zutragen / habe ich dir  
 dieses Adagium / oder sprichwort nit verschweigen mögen. Die weyles (sonderlich in der  
 Lateinischen sprach) für ein gemain sprichwort gar lieplich vnd oft mag gebraucht wer-  
 den. Dann es sonst nirgent in den Lateynischen büchern / auch bey andern sprichworten  
 gemelt ist. Die weyl du auß den obangezaigten worten den Stern E / das ist das linck  
 vorder rhad / genugsam erkennen magst / wil ich weytter von diser nachtuhr / die fürge-  
 nommen leer vollfueren.

### Das Ander Capitel / wie du den grundt diser nachtur / mit kurz n worten vernemen solt.

**E**s ist einem netlichen schlecht verstendigen der Astronomischen  
 kunst wißlich / das diser Stern E / am Ersten Tag des Merzen / gleich zu  
 Mitternacht / oben zwüsch den dem Polo vnd zenith (das ist der hauptpunct)  
 an den Meridian stossen ist / vnnnd zu Mittag vnder dem Polo. Begibt sich  
 auch / das am Ersten Tag des Herbstmons / gleich zu mittag diser stern zwüsch den dem  
 Zenith vnd dem Polo / den meridian berürt / vnd zu mitternacht vnder dem Polo. Die  
 weyl also der erst tag des Merzen / vnd der erst des Herbstmons gegen einander stehen /



vnd einer proportion seind mit diesem Stern /  
 hab ich den anfang des jars am Merzen an-  
 gehebt / vñ zu oberst in disen cirkel gesetzt: vnd  
 hab den cirkel in 12 gleiche theil getaylt: vnd  
 die Monat dabey gesetzt / bedeuten / das / wo  
 der anfang eines Monats stehet im eüßern  
 cirkel / inn solher refir oder gelegenheit (vom  
 Polo zu achten) stehet dieser stehet diser stern  
 E den ersten tag desselben Monats zu mit-  
 ternacht / vnd dargegen über (durch den Po-  
 lum zu achten) stehet auch der selbig Monat/  
 bedeüt / das der stern E daselbst vnnnd in der  
 gegent zu mittag stehet. Auß diesem grund hab  
 ich dise vñz vrsprünglich geschepfft.

### Das Drit Cap. wie du die handt / so du die stund in der nacht erkennen wilt / halten vnnnd auff- thun / vnd die fingerstund gewiß erkennen solt.

**S**omit du auff den rechten grundt diser nachstund kkommen  
 magst / hab ich hernach gesetzt zwen halb cirkel / vnd netlichen in 12. stunden  
 getaylt. Vnnnd dise stunden werden nachuolgend die fingerstunden genendt.  
 Dise zwen halb cirkel / solt du für einen ganken verstehen / als / wann du auß  
 vnnnd vmb den Polum einen vbeweglichen Cirkel machest / vnd das der Meridianus  
 oder Mittags Cirkel durch die mitt desselbigen cirkels gehe.



Vnd dieweyl der hymel von der rechten handt (das ist vom auffgang) übersich vnd von oben herab zu der lincken sich bewegt / vnd diser circel stillstehend vnnnd vnbeueglich verstanden wirdt / muß von nöten ein yetlicher fürgenommener punct des hymels auß einer stund in die ander gehen. Für disen punct solt du allhie verstehen den vorgemelten Stern E. Wie aber du die finger der handt aufeinander thun solt / müst du auß dieser fürgemalten figur abnemen. Vnd vernym das also. Wilt du die rechte handt auffthuen vnnnd brauchen / so setz den klaynen finger der rechten handt in die wurz zwischen dem Daumen vnd zayger der lincken handt. Vnd leg das eusser tayl der zaygerfinger beider hendt / der lincken vnnnd rechten auffeinander / als du gemalt siehest. Darnach habe vleyß / das du den mittlern finger vnnnd ring finger / zwischen dem klainen vnd mitlern / mit sambt dem klainen vnd zayger in gleicher weyt außstreckest. Also thû in auch mit der lincken handt / wann du die selbige zu gebrauchen hast. Vnnnd bey der wurz des daumens solt du aussen an der handt verstehen vnd gedencken einen punct / gleich als ein Centrum: Dann du solt vnnnd müst (als du nachuolgend hören wirst) den Polum neben der handt vnnnd wurckel des daumens sehen.



## Das Vierdt Capitel / wie du die fingerstund am hymel erkennen solt.

**D**ieweyl sich der Stern E / dardurch die fingerstund gefunden werden / vom auffgang oder bey der rechten handt übersich beweget / müst du die lincke handt darzu brauchen / Darumb habe ich dir die lincken handt vier mal nach einander gesetzt: vnnnd die vier hendt also auffgethon machen einen halben circel / das verstehe also. Wann du zu nacht die fingerstund (dardurch die rechte stund nachuolgent gesucht wirdt) erkennen wilt / So schaw im ersten anblick den Polum an / vnnnd vom zenith durch den Polum gedenck einen circel: siehest du / das der stern E / von dem selbigen circel (der der mittags circel ist) gegen auffgang stehet am hymel / so müst du die lincke handt brauchen: findest du aber den stern gegen nydergang / so solt du vñ magst nit anders dan die rechte handt brauchen. Damit ich den brauch der hendt wol vnd genügsam anzange hab ich die lincke handt nach aller nottürfft viermal gesetzt. Dieweyl in dem halben circel gegen auffgang die fingerstunden von 1 bis zu 12 gesetzt werden / hab ich auch die ersten 3 stunden / durch die lincke handt zum ersten finden lernen / vnnnd hab die selbige handt die erste lincke handt genendt. Nach dem die 4 finger (ane den daumen) so sie nach art des nechsten Capitels recht außgestreckt werden / einen halben quadranten begreyffen / hab ich auch vier quadranten gesetzt / vnd einen yetlichen in halb




getaylt / das selbige halb tayl widerumb in 3 gleiche tayl: dieselbige tayl sint in den 4 quadranten 12 stunden bedeuten. Und werden in dem brauch also verstanden. So der stern E gegen auffgang gefunden wirt so thu die finger der lincken handt auff wie du gelernt hast. Und halt zum ersten den klainen finger vnder sich / also / schaw oben neben der wurz des daumens zu dem Polo am hymel / vnd senck den klainen finger gleich vnder sich / als wann du ein Bleykloßlein vom Polo herab an einem faden hangen ließe / vnd der faden gleich auff dem finger hynge. Auch soll der daumen also auffgethan werden / das er mit dem klainen finger in der wurz des daumens einen rechten winckel mache. Das wer wol nicht von nöten / sonder es geschieht darumb / das die wurz des daumens deßer besser erkent werde. Wann du die handt also stille hellest / vnd den Polum siehst neben der wurz des daumens / so schaw bey welchem finger du den Stern E findest / Stehet er bey dem klainen finger (das ist bey dem A) so ist es die 12 stund. Findest du ihn bey dem andern finger / das ist das B / so ist es 1 stund: bey dem mittlern finger / das ist C / vnd bedeüt 2 stund: der zayger / vnd ist diesem Exempel die 3 stund. Wo aber du den stern E nit findest in oder neben diser ersten handt / so heb die handt auff vnd mach die ander handt also / das der zayger finger mitsambt dem bleygewicht das du vom Polo herab fallen leßt (im syn verstehe) einen rechten winckel mache. Findest du den stern E bey dem klainen finger / so ist es sonil / als er in der ersten handt bey dem zaygerfinger erschinen wäre / welcher die 3 stund bedeüt hat. Erscheint der stern bey dem ring finger der andern handt / so bedeüt er die 4 stund. Der mittler finger bedeüt die 5 stund. Der zenger aber die 6 stund. Wo du den stern E in der andern handt auch nicht findest / so heb die handt noch weiter auff / vnd mache sie der dritten handt gleich / also / wann der daum winckelgerecht auff den klainen finger felt / vnd ihn gleich gerade übersich hebest / findest du den Stern E neben dem klainen finger / so ist es die 6 stund / der ander finger bedeüt die 7 stund / Erscheint er bey dem mittlern finger / so bedeüt er die 8 stund / Bey dem zayger aber bedeüt der stern die 9 stund. Wo du den stern in der / Ersten / Andern oder dritten handt / oder daneben nit findest / so erheb die handt zum vierden mal / also / das der zaygerfinger gleich übersich stehet so gibe der klain finger die 9 stund vnd der ringfinger die 10 stund. Der mittel finger / so der Stern E dabey gesehen wirt / bedeüt die 11 stund. So aber der Stern am zaygerfinger zu oberst am hymel erscheynt / so bedeüt er die 12 stund. Gleicher weys wie ich dich die lincke handt hab brauchen lernen / solt du allermassen auch vonn der rechten verstehen / wann der Stern E gegen nydergang gefunden wirt. Aber so du die rechte handt brauchest / müßt du die stund der finger von oben herab zelen. Vnd die erste rechte handt streck den zayger gleich übersich / gleich wie die vierd der lincken handt / vnd bedeüt auch die 12 stund / als wol als der zayger der lincken handt. Der mittler finger bedeüt die 1 stund / der ringfinger die 2 stund / der klain finger die 3 stund. Wo du inn der ersten rechten handt oder darneben den stern nicht findest / so fher den finger der rechten handt gegen nydergang. Vnd streck den daumen gleich übersich / in aller form wie die dritte linck handt anzeigt: vnd der zayger bedeüt 3 / der mittler 4 / der drit finger 5 / der klain finger 6 / der soll dem Horizonten gleich gehalten werden. So du in diser handt den stern auch nicht findest / so laß die rechte handt abermals / sincken / so lang biß der zayger dem Horizonten gleich stehe / wie die ander lincke handt anzeigt. Die vierd der rechten soll der Ersten der lincken gleichförmig gehalten vnd auffgethan werden. So bedeüt der klaine finger die 12 stund. Es ist auch zu wissen / das du die handt nach aller weyt als du mit dem arm reichen magst für dich haltest. Vnd ist auch nit so gar von nöten / das du ganz vnd gar winckelgerecht in die handt siehst / sonder du maast die finger wol ein wenig von dir vnd gegen dem hymel wenden / aber doch / alle mal solt du güten vleys haben das du den daumen winckelgerecht / mit dem klainen finger inn der wurzel des daumes



haleest. Des gleichen solt du die finger auch mit grossent vleys von einander strecken

Es möcht sich auch wol begeben / das du die handt dermassen zu weit von dir hielte st das du den Stern E mit zwüschen den fingern / oder nahent aussershalb des fingers erschen möchtest : als dann solt vnnnd müst du auß dem Polo / das ist auß der wurz des daws mens / durch die mitt der finger / durch yetlichen ein gerade lini verstehen vnd gedencken : solt du vnd magst die stund als wol erkennen / als wann der Stern zwüschen den fingern oder aussen gar nahendt erschen würde.

**Alhie volgen hernach die ordnung vnd gestalt der lincken handt / nach welchen auch die Rechte handt gleichförmig soll verstanden vnd getaylt werden.**



**Das Fünfft Capitel / wie du die Monat in der lincken handt ordnen vnd setzen solt.**

**S**ie das ich dich durch die fingerstund : die du auß oder durch den Stern E / vrmittels der handt gefunden hast : die rechte nachstund erkennen lerne / wivon nöten sein / das ich dich die Monat ( das sint die ersten tage der Monat ) in die handt setzen lerne. Zu disem brauch must du allein die lincke handt brauchen / zu erkantnis der stunden. Diser brauch der handt bedarff kein vleys zu der auffshüung der finger / sonder soll schlechtlich vnnnd vngesährlich auffgethon vnnnd die Monat in die gelid der finger also geordnet werden. Zum Ersten / nimb für dich dise handt mit dem A / B / C. bezaychent. Das A ist der anfang des Jars / nach dem brauch der Astronomie / vnd hebe sich an am ersten tag des Merzen : vnd ein yetlicher Monat wirdt in zwayn glidern begriffen / darumb erstreckt sich der Merz biß auff das C. Vnnnd do sich der Merz endet da hebe an der Aprill. Vezunder kanst du wol merken / das die zwayn glid / das A / B / vnd B / C / 30 tag begreyffen. Ich setz vngesährlich das ein yetlicher Monat 3 tage habe. Darumb solt das glid A / B / inn 15 tag / das sint 15 tag / vnd das B / C / auch in 15 tag getaylt von dir verstanden werden. Also solt du ein yetlich gelid in 15 tag taylen. Du siehst auch / das der Buchstab D zwir siehet.

**M**




ein mal oben oder am ende des janzers / vnd zum andern mal bey dem anfang des ersten gelids des mittlern fingers: bedeüt wo das glid E / D außzuehet / oder ein ende hatt / da hebt sich ein anders / das ist D / E / an. Also werden auch die namen der Monat zu zeiten zwyr stehen / am ende vnd anfang der finger / des gleichen auch die zal oder ziffer der finger. Du wirst auch alle mal zwyn monat bey einander haben: dann die handt beschleußt vnd bedarff nit mer dann ein halb jar. Die weyl der Merck vnd Herbstmon ein halb Jar von einander sindt / vnd der Stern E im anfang des Mercken gleich die selbige stund berürt / die Ehr im anfang des Herbstmon berürt / allein das diese vndercheid ist / Wann Er in einem Monat die 4 fingerstund berürt gegem Auffgang / so berürt Ehr gleich die selbige Stund im andern Monat gegen dem Niddergang. Aber es ist ain ding du findest die Stund wo du wilt. Bey dem G / das ist das eusserst gelid des mittelfingers / hast du das ende oder letzten Tag des Mayen / vnd ist auch der anfang des Braehmons: Die weyl aber der selbige Monat nicht khan auff den selbigen finger gesetzt werden / solt du seinen anfang erst in der wurck des dritten fingers verstehen / darumb ist das G zwyr gesetzt. In solher gestalt hast du auch den Buchstaben N zwyr / am ende des flaynen fingers / vnd am ersten glid des ersten fingers / das ist bey dem A. Darumb solt du den anfang des Mercken vnd Herbstmons an beden orten verstehen.

Was ich dir bißher mit wortten ange-  
zangt habe / das gib ich dir allhie nachuolgend  
durch dise gestalt der Händt augenscheinlich  
zu erkennen.




Die Erste Handt zaygt an mit ihren Büchstaben/ die  
 außsteylung der stunden/ vnd Monat: Auch ist das erste glied des zay-  
 gerfingers mit sambt dem andern in 30 Täg getaylt/ also /bedeuten allemal zway glied  
 einen ganzen Monat: vnd das erst glied des mittlern fingers/ ist in 4 vürteyl  
 getaylt/ solt du verstehen das ein yetlich glied ein stund bedeüt/ vnd  
 in 4 vürteyl soll getaylt verstanden werden.





Die Ander Handt / darinne du die ord-  
nung vnd Namen der Monat / vor augen ein-  
gesetzt findest / dardurch du alles so bißher  
von den Monaten gesagt ist / augenblick-  
lich verstehen magst.





## Das Sechst Capittel/ von der Nacht stund / wie man die erkennen soll/ auß der finger stund.

**S** nun in diser nachtuhr: mit mer dann zwelff stunden von nö-  
ten sein / begibt sich die natürliche aufstaylung der gelid. r gar ärtig zu diesem  
brauch: Dann vier finger der ein yetlicher drey gelid hatt / sindt gleich 12.  
Darumb hab ich einem yetlichen glid ein stund zugemessen. Vnnd auch ist  
allhie zu mercken / das allemal das ende eines fingers / vnd der anfang oder wurz des an-  
dern / nechst nachuolgend für ein stund geacht werden / gleich wie ich mit den Monaten  
angezeigt hab. Vnd dise stund bedeuten gar nichts anders / dann das du sieckst wie du  
die fingerstund in der handt zälen solt. Das thū im brauch also. Wann du durch die rechte  
oder lincke handt die fingerstund durch den stern E / gefunden hast. Ich seß du habst ge-  
funden die 4 stund. Vezunder heb an am Ersten glid des zangers / vnnd sprich 12. Auff  
dem andern gelid / das ist auff dem B / sprich 1. Auff dem dritten / das ist E / sprich 2.  
Auff dem D am ende des zangers vnnd wurz des mittlern sprich 3. So komet 4 auff  
das E. Dasselbst halt still vnnd merck das glid mit vleyß. Wann du aber über die vier fin-  
gerstund ein vürteil stund oder mer gefunden hettest. so muß du über das E auch ein vier-  
teyl des selbigen glids gegen dem F nemen / vnnd daselbst ein gemerck mit einer freyden  
machen / oder es soll sonst mit vleyß gemerckt werden. Darnach hab acht auff den Mo-  
nat oder Tag des Monats / wo er stehet auff der handt. Ich seß es sey der Erst tag des  
Aprill: darumb heb am E an / do der Aprill stehet / vnnd zäl ein yetlich glid für ein stund /  
vnd sprich 1. 2. 3. bis du kometest auff das gemerck der fingerstund. Auch ist dir wol  
zu wissen / das der Tag des Monats / wo er stehet in der handt / die mittennacht das ist die  
zwelffte stund bedeute: Darumb heb ein glid daruon oder darnach an 1 zu zälen / vnnd  
auff dem andern glid 2. Also kometest du in disem Exempel ein vürteyl stund über 2 / das  
ist die rechte stund der nacht. Wann es sich aber begibt das der Tag des Monats wey-  
ter in die handt komet dann die fingerstund. Als / ich seß es sey der erst tag des Jenner  
der stehet auff dem J / vnd die fingerstund stehet ain vürteyl nach dem E / Vezunder heb  
an zu zälen vom ersten Tag des Jenner / das ist vom J / bis zu dem K / vnd sprich 1 /  
vom K des khlainen fingers bis zu dem L sprich 2 / vom L zu dem M sprich 3 / vom M  
zu dem N 4. Vezunder heb wider an / am ersten glid bey dem A: denn A vnd N stehen bey  
einander: vom A zu dem B sprich 5 / vnd vom B zu dem C sprich 6 / vom C zu dem D  
sprich 7 / vom D zu dem E sprich 8. über das E ist die fingerstund noch ain vürteyl. Dar-  
umb sprich es ist die 8 stund vnd 1 vürteyl. Noch ains ist zu mercken / Wann der Tag  
des Monats etlich Tag in den Monat hyn ein felt / als auff den 5 / 10 / 20 / 26 / 31.  
oder es sey auff welchen tag es welle / so hab vleyß das du die gelegenheit des selbigen tags  
vleyßig merckest / vnd von dem selbigen punct müß du die stund zälen. Felt der Tag mit-  
ten in ein glid / so erraicht die erst stund auch auff die mitte des andern glids darnach. In  
summa / es falle der Tag des Monats wo er hyn welle in einem glid / so gehen auß / oder  
heben sich an die stunden auch auff allen glidern / in sölicher preportion.

Die Handt / darinn die namen vnd ordnung der Monat stehet / habe ich dir im ende  
des Fünfften Capittels dises Tapls genugsam angezeigt / vnd wirt die Ander handt ge-  
nannt. Darumb hab ich dir allein die handt / die mit iren zyffern die fingerstund anzeigt.  
hienach gesetzt / wirt an der zal die dritte handt: genandt.



Die Dritte Handt/ist getaylt nach anhangung der vor-  
gemelten wort in zwelff stunden /vnd auch ein netliches gelid hat bey  
im seine zyffer /dobey die fingerstund verstanden werden. Wie aber die rechte  
stund der Nacht durch dise fingerstund sollen erkendt werden / hast  
du an seinem ort genügsame anhangung.





Das Sibend Cap. wie du das zaiichen  
vnnnd beynahent auch den Grad / darinne die  
Sonn ist auff den selbigen Tag / durch die  
Handt finden solt.

**I**m Ersten ist not das ich dir anzaige/welche Monat im Som-  
mer/vnd welche im Winter sint. Des gleichen welche zaychen Sommerlich vnd  
welche im Winter seind. Darnach wirst du leichtlich das Zaychen der Sonnen  
erkennen.

### Sommer tahl der Monat.

Martius	Aprilis	Maius	Iunius	Iulius	Augustus
Mertz	Aprill	May	Brachmon	Heumon	Augstmon

### Sommer tahl der zaychen.

Wider	Stier	Zwilling	Krebs	Löw	Juncckfraw
v	♉	♊	♋	♌	♍

### Wyntter tahl der Monat.

September	October	Nouember	December	Ianuarius	Februarius
Herbstmon	Weynmon	Wyntermon	Christmon	Jenner	Horning.


### Wyntter tahl der zaychen.

Wag	Scorpion	Schüz	Steinbock	Wassermom	Fisch
♎	♏	♐	♑	♒	♓

Dieweyl zu vnsern zeyten die Sonne in ein netlich zaychen gewön-  
lich eintritt an dem 10 Tag desselbigen Monats. Wie wol zu zeyten ein jrr vmb einen  
Tag oder zwen geschehen möchte / soll vnnnd muß die selbige jrr an diesem ort mit acht geno-  
men werden / dann es wirdt allhie alles bey einem gleichen gesucht. Die Regel wil ich dir  
mit einem Exempel vortragen. Wilt du im Sommer auff einen gewissen Tag / als  
am 20 tag May das zaychen vnd grad der Sonnen finden / So setz den Monat in die  
handt / gleich wie du zu den stunden gelernt hast. Derselbig Tag felt ein drittahl des glids  
über das F. Dann so du vom E bis zu dem G die zway glid in 30 tag taylorst / so felt der  
20 tag über das F ein drittel des selbigen gelids. Dieweyl der Monat im Sommertahl  
ist / so heb an auff den 10 Tag Martij / das ist ein wenig über die mitte des ersten glids /  
vnd sprich v / zwischen dem E / D sprich ♉ / zwischen dem E / F auff zway drittel ♊ /  
Dieweyl der May in 30 Tag getaylt wirdt vom E zu dem G / vnd die ♊ auff den 10.  
Tag anheben / das ist ein drittel des E G / so ist der 20 Tag May zway dritteyl / ist güt  
ab zunemen / das am 20 tag May die Sonn ist im 10 grad ♊. Also solt du mit an-  
dern Monaten vnd Tagen auch thun. Merck allein mit vleys ob der Monat im Win-  
ter tahl ist oder Sommer tahl. Ist er im Wyntertahl / so heb die Monat am Herbstmon  
an / vnd setz die ♎ in das Erst glid / do du vormals den v hyn gesetzt hast. Das magst  
du vil leychter auß diser nachuolgenden figur der Handt nehmen.




Die Vierdt Handt / beschleußt in jr die zwelff hymliſche  
 zeychen / daß ſie lernt gar behendt finden in welchem zeychen / vnd auch  
 welchem grad vngewißlich die Sonn iſt / durch das ganze jar.





# Das Acht vnd letzte Tayl dieses

Buchs/ vonn dem Meßstabe / deß geleychen vor-  
mals nit gesehen ist. Dardurch vil mer vnd andere Breüche  
vnd nutzberkait/ (wie nachuolgen) auch bißher von vilen/ die  
sich der Mathematischen künste/ als verstendig rümen/  
gleich vnnützlich sein geacht/ angezaigt werden.



## Das Erst Capitel / wie der Meßstab ge- macht vnd züberant werden soll.

**I**m für dich ein gerad/ vnd vierseyttig stäblein/ das sauber  
vnd wolgehodelt ist / aine seytt als brayt als die ander. Vnd ye lenger das  
stäblein ist / ye besser ist das zu brauchen: gleich wie ich dir vormals auch  
in andern Instrumenten geraten habe. Diesen stab tayl nach der leng / in  
etliche tayl / als vil du wilt / eng oder weyt / wie es dir gefelt: aber meins bedunckens ist es  
besser / wann die taylung enge sint. Zum ersten ( wie ich dir nachuolgend durch ein figur  
erklären wirdt ) verzeichnen die ain vnd erste seytt des Stabs mit den Büchstaben A / B /  
Die ander seytt nechst darbey / mit C / D. Die dritt mit E / F. Die vierdt mit dem G / H.  
Wann du ain seytte nach der lenge außgetaylt hast / versteh in gleiche tayl / der seind vil  
oder wenig / so zeuch die selbige taylung vmb vnnnd vmb auff alle vier seyten / wie du her-  
nach in der figur siehest / do die seytt A / B / in 60 gleiche tayl getaylt ist / vnd die selbige  
tayl sindt vmb vnnnd vmb auff alle vier seyten gezogen: allein bey dem H stehet geschriben  
GRADVS. Darnach volget ein vngleiche taylung / die soll hicher nit verstanden wer-  
den / sonder dise figur hab ich vormals in einem Lateinischen Buch dermassen gebraucht.  
Allhie aber soll die taylung auff einer seyten sein wie auff der andern. Es gildt gleich / tayl  
den stab nach der leng in 100 oder 1000 tayl / es gehe gerad auß oder vngerad / da ligt  
nichts an. Die weyl das ort des Stabs / dabey die büchstaben stehen A / B / C / D / E / F / G / H.  
allemal an das auge soll gesetzt oder geschlagen werden / must du auch die zal der aufstap-  
lung bey dem A anheben. Du magst auch die zal einschreiben wie du wilt / über 2 / über  
3 / über 4 / oder 5 / wie es dir dann gefelt. Ich habs aber in dem nachuolgenden Exempel  
durch 3 eingeschriben / das allemal über 3 punct ain zyffer ist / wie du vor augen siehest.  
Die weyl gewönlich ( wie du hernach hören wirst ) der leüffer 12 punct lang ist: dan  
12 ist die aller beste zal / die sich in vil tayl zertaylen lest / als inn 12 tayl / in 6 tayl / in 4  
tayl / in 3 tayl / in halb. Darumb setz vnnnd ruck die zyffer bey dem B / vmb einen punct  
fürbas / das bedeußt 11. / Bey dem E ruck aber vmb einen punct fürbas / vnd gib die zyffer  
12.




gegen dem A: / Bey dem D: / Bey dem E: Zu lezt bey dem F sollt du vmb 2. tayl für sich rucken (verstehe mit der zal oder zyffer) so gibt dir die selbige taylung: Auff der seitten G: H: sollt du fort rucken vmb 12 punct mit den zyffern: das H soll in diesem stabe nichts gelten/sonder die taylung des G soll allein mit sambt den zyffern die ganze seitten G/H/ einnehmen. Also ist der Stab nach der lenge fertig/wie du in diser figur siehst.

A	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{12}$
B	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{6}$
C	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{3}$
D	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{2}$
E	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{4}$
F	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{2}$
G	0	3	6	9	12	15	18	21	24	27	30	33	36	39	42	45	48	51	54	57	60	$\frac{1}{2}$
H	GRADVS																					$\frac{1}{2}$

## Das Ander Capitel/von dem leüffer wie lang er sein soll.

**L**Ann du den Stab nach der lenge gemacht hast / so mach dar auff ein zwerchhölzlein / oder brettlein / also / durch die mitte mach ein loch / das der Stab dardurch oder darinne hyn vnd herwider winckelgerecht gehen mag.. Das selbig hölzlein soll etliche punct lang sein / dardurch die leng des Stabs getaylt ist / es seyen 12 / 60 / 100 22. / was dir für ein zal gefelt / aber in diser figur hab ich in 12 lang gemacht. Vnd das selbig hölzlein oder brettlein / wirt nachwolgendt der leüffer genendt. Also ist der stab gang vnd gar fertig zu dem brauch. Vnd hat dise gestalt / wie hernach gemalt ist.



## Das Dritt Cap. wie du die höch eines Thurns mit diesem Stab messen sollt / wann du weyt dauon stehest / vnd nit darzu gehen magst.

**L**inen Thurn sollt du durch zway absehen also messen / Tritt auff ein eben / da du hynder sich oder für sich gehen magst / daselbst setz den stab mit den Buchstaben an das ain auge / das ander halt dieweyl zu / vnd fer den leüffer mit einem ort übersich / mit dem andern vnder sich / vnd ruck den leüffer hynder sich oder für sich / biß du den grunde vnd spiz des thurns neben den zwayen ortern des leüffers sehen magst / vnd mach ein gemerck an der erden / gleich vor deinem fuß / vnd merck welchen ziffer oder punct das inner tayl des leüffers auff dem buchstaben A berürt. Ich setz er berürt 21 punct im A: darumb such 21 auff der taylung G / vnd leg dar auff den leüffer: darnach gehe hynder sich / in einer geraden lini / so lang / biß du den spiz vnd grunde wider in das gesicht neben dem leüffer bringest: wo du alsdann stehest mach wider ein gemerck bey deinem fuß. Darnach miß von einem gemerck des fuß biß zu dem andern / als vil das Ellen oder schrit sindt / so hoch ist der selbige Thurn.




Offt begibt es sich / das du nit hynder sich gehen magst / sonder für sich / alsdann müst  
 du mercken inn dem ersten absehen auff welchen punct der leüffer falle in der taylung G.  
 Ich setz / er sey gefallen auff 27 punct / auff dem G. Vezunder such auch 27 punct auff  
 dem A / dahyn lege den leüffer / vnd gehe zu dem thurn / so lang bis du den spiz vnd den  
 grundt des Thurns aber in das gesicht bringest / vnd mach aber ein gemerck. Zu dem an-  
 dern miß wie vil Ellen oder schrit dazwischen sindt / die zaygen dir die höch des selbigen  
 Thurns. Zu zeyten begibt es sich / vnd das oft / das du nicht so weyt hynder sich oder  
 für sich gehen magst als der Thurn hoch ist : darumb habe ich dich lernen einschreyben die  
 zyffer / auff eine halbe höch / vnd ein dritztayl der höch / ein vrtel / ein sechstayl / vnnd ein  
 zwelfstayl. Dieweyl der leüffer 12 punct langk ist / so ist ein punct daraus ein  $\frac{1}{12}$ . Dar-  
 umb sint die zyffer bey dem B / ains vom anfang überhupffen. Vnd wirt also gebraucht  
 Wann du den Thurn zum ersten mal abgesehen hast / vnnd das gemerck auff der erden  
 gelegt / vnd kanst nit weyt hynder sich gehen. Ich setz der leüffer sey auff dem 9 punct A  
 gelegen / vnd du magst hynder sich gehen : darumb ruck den lauffer auff 9 in dem B / vnd  
 such widerumb einen standt hynder sich / das du den spiz vnd grundt wie vor absiechst / so  
 gibt dir die weyt von einem gemerck der füß / der zwayer standt den 12 tayl der höch des  
 thurns. Wilt du aber für sich gehen / von dem ersten gemerck vnd absehen zu oder gegen  
 dem Thurn / so nym die punct im ersten absehen auff dem E / vnnd lege den lauffer auff  
 seine zal im A : so findest auch durch die weyt der zwayer standt ein  $\frac{1}{12}$  der höch des thurns.  
 Also thū im auch wo du wilt ein sechstayl des thurns haben so brauch die zal der punct  
 A / auff dem E / vnd herwiderumb such zum ersten die punct im E / vnd darnach im A /  
 so gibt die weyt der standt  $\frac{1}{6}$  der höch des Thurns. Als / ich setz die zwen standt sindt vonn  
 einander 16 schrit / vnd ist ein sechsteyl / die weyl du das E gegen dem A gebraucht hast:  
 Vezunder nym 16 schrit sechs mal / so hast du die höch des thurns / das sein 96 schrit.  
 Wilt du haben auff der erden ein vrtel des thurns / so brauch die zyffer D. Wilt du ein  
 dritztayl haben / so brauch E. Das F gibt mit seiner zal die halbe höch des Thurns. Also  
 magst du durch dise art auff einem Gal / zu einem fenster hynaus messen / wie hoch ein  
 thurn oder ein ander gebew sey / sonderlich wann die punct enge vnd klain sein / vnnd der  
 lauffer 20 / 30 / 60 / oder 100 punct langk ist. Dann dise zal mögen gar vil vnderlay-  
 lung leyden / als  $\frac{1}{10}$  /  $\frac{1}{5}$  /  $\frac{1}{4}$  /  $\frac{1}{6}$  /  $\frac{1}{50}$  /  $\frac{1}{100}$  /  $\frac{1}{12}$ . darnach die zal ist.

### Das Vierdt Cap. wie du allein auß der taylung des leüffers vnd aus zwayer ab- sehen / die vngewärlich geschehen / die höch messen solt.

**N**och leychter magst du dir einen meßstab zürichten / wann du  
 allein ein schlecht holz hast on alle taylung / in summa das kaysn taylung vnd  
 auch kaysn zyffer auff ist / allein den leüffer tayl in 12 gleiche tayl. Nym ein ex-  
 empel. Ich setz der lauffer sey getaylt in 12 gleiche tayl / vnnd du siehest zway-  
 mal / wo es dir gefelt / stille / vnd merckest mit der freyden oder messerspiß / wo der leüffer  
 bedemal hyn gefallen sey / darnach zeuch den leüffer von dem Stab / vnd lege in auff den  
 einen freydenstrich / vnnd merck wie vil punct des leüffers zwischen den zwayer absehen  
 begriffen werden : ist anders der leüffer so langk / das ehr bede freydenstrich erraicht / wo  
 nit / so hebe ihn fürbas / so lang bis du wappst wie vil punct dazwischen begriffen sindt.  
 Ich setz der leüffer ( wie vor ) sey 12 punct / vnd zwischen beden freyden strichen sindt  
 15 punct / vnnd auch zwischen den zwayer gemercken auff der Erden sindt 30 schrit.




Der hundert setz in die Regel / die punct oder lenge des leüffers in die mitte / 15 vor / zu lese die 30 schrit / vnd machs nach der regel Detri / Sprich / 15 geben 12 / was geben 306 thut nach der regel 24 schrit. Nimb dir einen verstandt auß diser figur.



Es ist gleich fouil / wann du den Stab taylest / in wie vil tayl du wilt / ye enger ye besser: vnd den leüffer 100 punct langk machest: aber im leüffer darff khain taylung sein / dieweyl der Stab getaylt ist. Wann du damit miß / so setz allemal zway 00 nulla zu den schritten / der zwayer absehen: vnd die selbige zal tayl oder diuidir in die punct des Stabs / die zwüschen den zwayer freydenstrichen sint. Du möchst den lauffer auch wol 1000 punct (so du so gar ein klaine taylung brauchest) lang machen: alsdann mußt du 000 nulla zu den schritten setzen / vnnnd darnach erst taylen. Ein gleichnus / Der leüffer sey 100 punct langk / zwüschen beden stenden an der Erden 54 schrit oder Ellen / vnnnd 30 punct zwüschen den freydenstrichen: nach der Regel khommet die höch des Thurns 180 schrit oder Ellen. Disen stab wil ich nachuolgend den schlechten stab nennen.

### Das Fünfft Cap. wie du die höch eines thurns messen solt / mit einem standt durch den schlechten Stab.

**N**derwenlen stehet ein Thurn auff einer eben / das man darzu vnd dauon gehen mag: der selbig thurn mag gar leichtlich abgemessen werden / also / thrit an den Thurn / vnnnd miß daruon ettelich schrit oder ellen / als weye vnnnd vil du wilt. Ich setz du gehest dauon 120 klafftern / mit vleyß gemessen / vnd stehest stille: vnd wann du den grunde vnd spiz des thurns abgesehen hast / so findest du vom aug zu dem leüffer 60 punct / vnd der leüffer ist langk 12 punct. Setz in die regel / 60 geben 12 was geben 120 klafftern. Macht nach der regel detri 24 klafftern / so hoch ist der Thurn. Merck mit vleyß / das alle mal die punct / als vil der leüffer langk ist / in die mitte der Regel Detri sollen gesetzt werden.. Das obgesetzte Exempel ist in diser figur augenscheinlich begriffen.






**Das Sechst Cap. wie du die höch eines  
Thurns messen solt / durch den schlechten stab/  
so du bey dem Thurn auff der erden stehest.**

**W**ann du bey einem thurn stehest auff der Erden / vnd wilt mes-  
sen wie hoch er sey / so schaw zum ersten / ob er vnden vnd oben ein gleiche braye  
hab : ist er oben schmeler / so nimb dir vnden auch ein solhe braye für: das wirst  
du bald ynne durch ein bleysscheyt. Wann du die braye des Thurns hast / so miß  
wie vil Ellen oder einer andern maß er braye sey. Ich setz er sey 20 schrit braye. Darnach  
tritt mitten zu dem thurn / oder etliche schrit dauon / vñ ruck den  
leüffer hyn vñnd her / solang / biß du die zway örter des thurns  
eben an der selben seytte des thurns in ein rechte absehen bringst.  
vñnd merck wie weyt der leüffer von deinem aug stehe. Ich setz  
ehr stehe dauon 60 punct / vnd der leüffer ist 12 punct / Setz  
in die regel / Sprich 12 geben 60 / was geben 20 schrit ? nach  
der regel ist der Thurn 100 schrit hoch / dar zu thū deine leng  
biß zu dem aug / so hast du die rechte höch des thurns. In diser  
messung vñnd Regel mußt du die punct der leng des leüffers in  
die erste stat setzen.

Dis Exempel magst du clärlich auß  
diser beygesetzten figur abnemen.



**Das Siebendt Cap. wie du durch den  
schlechten Stab messen solt / wie weyt zu einem  
thurn sey / vnd du zu dem thurn vor gräben  
oder anderer hyndernus nit können magst.**

**S**ich sage von dem Schlechten Stab / magst du allzeit die  
taylung bey dem A brauchen / oder einen stab nur auff einer seyten aufstaplen /  
in aleiche taylung / vñnd den leuffer etliche der selbigen punct langk machen.  
Wilt du also die weyt vom dem Thurn erkennen / so miß zum ersten durch  
zwen stände ( wie ich dich im Dritten Capitel gelernt habe ) die höch des thurns. Als inn  
diser nachgesetzten figur durch die zwen büchstaben F vñnd G angezaygt ist / welches der  
halb tayl ist des Thurns. Solhe leng nimb zway mal / so hast du die höch des Thurns in  
diser figur. Wann du nun hast die höch des Thurns. Ich setz er sey 38 werckschuch hoch /  
Vesunder wilt du wissen wie weyt vom dem büchstaben A zu dem Thurn sey / so schaw  
den Thurn ab wie du wanst. Ich setz der leuffer wirt vom aug gefunden durch das abse-  
hen 40 punct. Setz in die regel / sprich / 12 ( das ist die leng des leüffers ) geben 40 punct  
vom aug / was geben 38 werckschuch ? Kommen auß der regel 126 2/3 werckschuch. So  
weyt ist der standt bey dem A von dem Thurn. Du magst dir bessern verstandt auß der




nachgesetzten figur nemen. Es gilde gleich wie du die höch des Thurns ynnen werdest.  
Darnach / vnd in solher gestalt magst du zu einem Fenster auß messen / wie weyt du ober  
ein wasser hast zu einem Thurn / so du vor hin seine höch erkende hast.



126: werckschuch

**Das Acht Cap. wie du messen solt wie  
weyt ein gebew von dem andern stehet / oder ein  
Brunn von dem andern / des gleichen auch  
die brant eines Thurns.**


**I**n diser abmessung ist nit von nöthen / das ich dir ein newe re-  
gel gebe / sonder du solt in aller massen allhie brauchen / was dich das drit Cap-  
itel gelernt hat von der höch. Allein ist das die vndercheid / das du allhie den  
seüffer nach der seitten halten müst / vnd was dir vormals die höch geben hat /  
das gibt dir allhie wie weyt ein Thurn vom andern stehet. Dessen hab ich dir einen leyhern  
verstande geben wollen durch dise figur.



**Das Neundt Cap. Wie du durch den  
Stab die tieff eines Brunnens messen solt.**




**S** du nun vor augen siehst/ das die Brunn  
gewöhnlich oben weytter sindt dann vnden auff dem  
wasser: darumb solt du zum ersten mit einem Bleys  
scheit abwegen/ die weyt des Brunnens auff dem  
wasser. Ich seh der Brunne sey vnden auff dem wasser 5 schu h  
weyt. Vnder wilst du die tieffe erzeanen lernen/ So  
sch w ab den Brunnen zu beden septen mit dem stab/ gleich wie  
du in der si zur vor augen siehst: vnn merck wie vil punct der  
läuffer vom auß stehe/ Ich seh ehr stehe vom auß 86 punct/  
Vest ses die regel also. Spruch/ 12 (das ist die leng des lauffers)  
geben 86 punct/ was geben 5 werckschuch: Nachs nach  
der regel/so findest du das der Brunne tieff ist 36 werckschuch.



Den verstanot diser obgesetzten wort magst du  
auß diser bezeugten figur nehmen.

**Das Zehendt vnd lezt Cap. wie du einen ge-  
mainen läuffer machen solt/den du groß vnd klain/ wie  
das die nottürfft craischt/machen magst.**


**S** Zeyten/wann du ein fenster oder sonst in der weyt etwas mes-  
sen wilt/ so ist gewöhnlich der läuffer zu langk: darumb wil ich dich einen ge-  
mainen läuffer machen lernen/den du langk oder kurz machen magst. Nach e nar  
läuffer/ wie du siehst in der nach gesetzten figur: vnd mach das du zu beden septen ein bret-  
lein darcin schieben magst/das sich hyn vnd her führen leßt. Als/ die vierung D/P/D/  
K/soll mit der septen D/P/ in dem B/E/des läuffers hyn vnd her gehen: vnn bey  
dem D soll ein zayger sein: vnd mit der lini D/K/soll das in dem D/E hyn vnn d her  
gehen. Also soll auch die vierung K/L/M/N/auff der andern septen auß vnd ein ge-  
füert werden: K/N/in dem F/G/vnd L/M/in dem H/I: vnn bey dem K soll  
auch ein zayger sein wie bey dē D. Darnach laß ein lini durch die mitt des lauffers geen/  
alsdurch das A/vnd von der selbigen lini/sey zu beden septen etliche punct des stabes/  
vnd taylor ein ytelichs punct widerumb in halb/darzu schreib die zyffer von 5 in 5/oder  
wie es dir gefelt: Vnder gelten die halbe punct ganze punct.



Wann du disen läuffer brauchen wilt/ so ruck die zway viereckete täflein auff welchen  
punct du wilt/ als/ ruckest du den zayger K auff 5 punct/ inn der lini F/G/so ruck den  
zayger bey dem D auch auff 5 punct in der lini B/E/vnd brauch die lini K/L/vnn die  
lini D/K/für den rechten läuffer: vñ in disem exempl ist so vil/ als hettest du den läuffer  
in 5 taylor getaylt/ oder der läuffer wär als langk als 5 punct des Stabs.

**Hie endet sich diß Buch.**


















Graene I, 159



10 A<sub>6</sub> B<sub>4</sub> C<sub>4</sub> D<sub>4</sub> E<sub>4</sub>  
 F<sub>4</sub> H<sub>4</sub> I<sub>4</sub> K<sub>4</sub> L<sub>4</sub>  
 M<sub>4</sub> N<sub>4</sub>

56 *ff. m. h.*

2 opere in 1. vol.  
 I: 54 ff.  
 II: Mancano la  
 carta D1



